

WANTOK

Wan Wik, Julai 8 - 14, 2004

NIUSPEPA BILONG OL PNG STRET

Namba 1564

K1 tasol

Pes 10...

• Katolik Sios Jenerel Asembli
nius

Pes 11...

• Nius bilong raun bilong Jenerel
Seketeri bilong Luteran Wol
Federesen

Pes 28-29

Lukim NRL ripot



Pipel les long pilai politiks

PLANTI kain paol pasin bilong politiks we i kamap nau i no bihainim laik bilong planti manmeri insait long kantri.

Long ol niuspepa na redio stesen insait long kantri, ol manmeri i wok long ring raitim pas long autim tingting bilong ol long ol kain kain politiks i wok long kamap namel long gavman na oposisen insait long Nesenel Palamen.

Planti bikman tu i singaut pinis long ol memba bilong palamen long tingim ol pipel na lus tingting long pilai politiks long stretim laik bilong ol yet.

Sief Ombudsman Ila Geno i bin go pas long singaut long ol memba bilong palamen na ol politkel pati long lukluk long laik bilong kantri pastaim long ol i lukluk long ol yet.

Mista Geno i bin mekim dispela singaut bihain long ol politikel pati i bin bruk na oposisen i tokaut olsem em bai traim rausim gavman.

"Dispela taim em i taim we bai i traim strong bilong ol politikel lida. Mi askim ol long noken brukim brukim Mama Lo, Ogenik Lo long-Integriti bilong ol Politikel Pati na Kendidet (Integriti Lo) na Lidasip Kod. Ol i noken daunim gutpela pasin na rispek na bilip long strong bilong

gavman insait long Papua Niugini," Mista Geno i tok.

Em i tok ol lida i mas onaim spirit bilong Mama Lo. Ol lida bilong mipela i noken abrus long ol nesenel gol.

Em i singaut long ol eksekutiv bilong ol politikel pati na ol pati lida long abrusim pasin bilong yusim ol samting olsem mani long pulim ol memba bilong palamen.

"Dispela em i egensim spirit bilong Mama Lo na Integriti Lo. Dispela kain pasin em Integriti Lo i laik daunim bilong kamapim politikel stability bai i ken strongim politikel, sosol pasin na ekonomi bilong kantri," Mista Geno i tok.

Em i tok tu olsem i klia olsem vot i nogat bilip inap long kamap, tasol em i tok sindaun bilong kantri i mas go pas long sindaun bilong wan wan man tasol.

Long Tunde long dispela wik, wanpela niuspepa i ripot olsem memba bilong Not Bogenvil i bin raitim wanpela pas i go long Praim Minista Sir Michael Somare na tok olsem sampela memba bilong oposisen i bin traim pulim em aut long gavman wantaim mani na balus tiket i go ovasis.

Lida bilong Oposisen, Peter O'Neill
I go moa long pes 2



Em i mas mama bilong ol rat ya!

INSAIT long planti hap long Papua Niugini i gat planti samting we mipela i save kolim abus. Dispela wel bus rat em i wanpela abus tu ya. Em i save kalap i go kam long ol diwai. Bus na graun, em i laip bilong yumi long PNG, na ol dispela lain i holim pasim dispela abus nau bai amamas long kaikai. Lukim moa long stori bilong abus long pes 2. Foto: SAPE METTA

PLET BILONG KAIKAI
3kg na 6kg nau istap
Narapela sals
8kg, 10kg na 15kg

PLET BILONG WARA
3Litre na 5Litre nau isat
Narapela sals
6 5Litre na 10Litre

Mipela igat kaikai bilong kakaruk: Starter, Grower na Finisher istap long 40kg, 20kg, 10kg na liklik 4kg paket.

Sapolim wok didiman long yumi

Brian Bell
Shop with a friend

BOROKO 325 5411 LAE 472 3377 HCC, LAE 472 3200 ERIKU 472 1439 GOROKA 732 1622 MT HAGEN 542 1999 KOKOPO 982 9027 MADANG 852 1899 HCC, GORDONS 325 8469

POLIS RIPOT

POT MOSBI:

TENPELA raskol man i ron long tupela ka na yusim ol gan long stilim ol stoa samting long Tokarara Supamakot long Pot Mosbi long Sande.

Wanpela ka bilong ol i stap ausait na naraplea ka i go insait long ka pak bilong supamakot.

Ol man nogut i bin holim ol tripela bikpal M16 gan na ol pistol.

Jenerel Menesa bilong Tokarara Supamakot, Johnny Zhou i tok olsem ol raskol i bin daunim ol sekuriti gad na rausim mani long ol kes rejista.

Tasol bihain long ol raskol i go insait, ol manmeri i sanap ausait i bihainim ol i go insait na stilim ol samting olsem redio, han was, wilwil, klos na ol arapela samting.

Zhou i tok ol i ringim polis tasol i nogat wanpela bekim i kam.

ORO PROVINS:

WANPELA gred 9 sumatin na wanpela kalabus eskepi i bin kilim i dai wanpela man long Popondetta long las wik Sarere na polis i tok olsem ol strongpela drak na hom bru i stap long as long dispela birua.

Polis i holim dispela tupela man na ol i wok long mekim wok painimaut i go yet long dispela hevi.

Provinsel polis komanda Sief Inspekta Teddy Te i tok eskepi Joe Morris, 19 bilong Tirae viles long Kainantu i bin ronowe long kalabus taim ol i holim em long Sarere.

Em i tok i gat sampela hai skul sumatin tu i stap we polis i bilip ol tu i bin stap insait long dispela hevi.

MOROBE:

RIJINOL Polis Komanda bilong Momase, Giossi Labi i tokaut pinis olsem ol polisman bilong em bai sut long gan long husat man i traim long kilim ol wantaim gan.

Em i mekim dispela toktok bihain long polis i sutim na kilim dai Arnold Saling, wanpela raskol i bin ronawe long kalabus.

Em i tok ol polisman bilong em bai i no inap long isi long ol man nogut husat i yusim gan long traim kilim ol o bagarapim sindaun bilong ol manmeri bilong pablik.

Pipel les long pilai politik

i kam long pes 1

Lida bilong Oposisen, Peter O'Neill i bin bekim dispela niuspepa ripot na tok olsem dispela ripot em ol giaman toktok tasol i kam long gavman.

"Ol dispela sut toktok em ol giaman toktok tru na ol i laik bagarapim oposisen," Mista O'Neill i tok bihain long ripot i kam long niuspepa.

Mista Geno i tok olgeta wan wan memba bilong palamen em ol nesenel memba. Na em i tok ol manmeri

bilong pablik i wok long lukluk i stap bilong wanem ol i save olsem wanem samting ol lida i mekim, bai ol i pilim.

"Ol lida bilong mipela i noken lus tingting olsem ol arapela kantri tu i wok long lukluk long mipela long dispela taim," Mista Geno i tok.

Em i singaut long ol lida long noken yusim Palamen olsem wanpela raba stem tasol long stretim sindaun bilong wan wan manmeri tasol.

Mosbi tok gutbai long Tarata

SIONE Kami Memorial Sios i bin pulap wantaim famili, poroman na ol manmeri bilong Pot Mosbi siti las wik long tok gutbai long Leit Seketeri bilong Treseri Koari Tarata.

Leit Mista Tarata, 48 bilong Papa viles long Sentrel provins i bin dai bihain long em i kisim bagarap long kidni bilong em long Wesley Haus Sik long Brisbane, Australia.

Praim Minista Sir Michael Somare i bin stap long tok gutbai long em.

Ol arapela memba bilong palamen husat i bin stap tu em Fainans na Treseri Minista Bart Philemon, Foren Afeas na Imigresen Minista Sir Robbie Namaliu, Kairuku-Hiri Memba Sir Moi Avel, Edukesen Minista Michael Laimo na Memba bilong Mosbi Not Wes Sir Mekere Morauta.

Tripela memba kisim mekimsave

TRIPLELA memba bilong palamen i bin kisim mekimsave bilong Nesenel Palamen Spika Jeffrey Nape long Tunde taim em i saspensim ol long sindaun long dispela sesen bilong Palamen.

Gavana bilong Milen Be, Tim Neville, Gavana bilong Sauten Hailans, Hami Yawari na Bulolo MP John Muingnepe i kisim mekimsave bilong Mista Nape bihain long ol i no harim tok bilong em long sindaun long ol namel sia long palamen bilong wanem pati bilong ol i stap pinis long gavman.

Dispela kros long hap long sindaun i insait long palamen i

bin stat long dispela wik bihain long Mista Nape i tok olsem aninit long wok bilong em olsem spika, em inap long tokim ol memba long wanem hap ol i mas sindaun bihainim resolusen bilong ol pati bilong ol.

Tasol ol oposisen memba yet i tok olsem i nogat wanpela hap long ol standing oda bilong palamen i tok olsem ol i mas go sindaun wantaim gavman sapos ol i no laik.

Olgeta dispela samting i kamap bihain long oposisen i wok long tok olsem ol bai rejistaim wanpela vot i nogat bilip egensim gavman bilong Sir Michael Somare.

Menai tok em bai strongim CS

NUPELA Minista bilong Koreksenal Sevis (CS), Posi Menai i tok olsem em bai lukluk long stretim sindaun bilong ol wok manmeri bilong CS na ol kalabus.

Em i tok em bai toktok strong long gavman i mas lukluk long apim mak bilong mani i go long CS insait long nesenel baset.

Mista Menai i tok mak bilong mani gavman i save givim long CS i stap wankain long hamas yia i go pinis, na i mas i go antap sapos gavman i laikim bai ol kalabus i ron gut na ol man nogut i senisim pasin bilong ol.

Em i tok i gat kopret plen bilong CS i stap, tasol em i laikim bai ol hap insait long dispela plen olsem gutpela sindaun bilong ol kalabus, welfe na senisim pasin bilong ol kalabus, developmen bilong ol CS wok manmeri na senis, insait long dipatmen i mas kisim wankain mani long strongim.

TIPNG tok welkam long NACA

TRANSPARENCY Intanesenel (PNG) Inc, wanpela grup i save painimaut ol paol pasin o korapsen i tok welkam long saining bilong wanpela agrimen namel long ol gavman ejensi long kamapim wanpela Nesenel Anti-Korapsen Alaiens (NACA).

NACA em wanpela komiti bilong ol gavman ejensi we i save pait egensim korapsen na wok bung wantaim long glasim pasin bilong korapsen.

"Saining bilong MOA (agrimen) i makim stat bilong komitmen na wok bung wantaim long pait egensim korapsen insait long ol gavman ejensi," Siaman bilong TIPNG, Mike Manning i tok.

Em i salensem ol Sief Eksekutiv Opisa bilong ol gavman ejensi long wok hat long kamapim gutpela wok bung long glasim olgeta kain korapsen na kamapim wok bilong daunim.

Tingim abus bilong bihain taim



Poto na stori i kam long Sape Metta

DISPELA em i kapul na em i abus bilong planti ol manmeri bilong PNG. Tasol tingim, sapos i gat lo agensim pasin bilong bagarapim na kilim ol enjmol nabaut o long tok inglis ol i save tok 'animal cruelty', tru tumas planti long yumi bai i ken kisim taim na bikpela mekimsave.

Yumi nek i drai long abus na long stretim dispela nek drai, yumi i save kilim planti kain kain animol long kaikai. Na ol kapul em i sampela long ol dispela trangu animol.

Yumi tingim abus long nau. Na olsem wanem long ol pikinini na tumbuna bilong yumi long bihain?

Sapos yumi i go het yet na kilim ol abus nabaut, wanpela taim sampela long dispela ol abus olsem kapul bai i no inap stap moa long bus bilong yumi.

Na ol pikinini na tumbuna bilong yumi bai lukim ol poto na piksa tasol, na samting tru bai ol i no inap lukim bikos yumi ol dispela lain bilong nau yet i kilim i dai olgeta kapul. Yumi mas kamapim sampela lo long lukautim gut ol abus bilong yumi we i wok long kamap sot nau.



Taim bilong PNG pipel yet long daunim HIV/AIDS

MINISTA bilong Inta Gavman Rilesens Sir Peter Barter laikim bai ol memba bilong palamen yet i putim han long helpim pait egensim sik HIV/AIDS long sevim kantri long bikpela birua long bihain taim.

Sir Peter i bin singaut long ol memba bilong palamen taim em i mekim toktok long ol bikpela birua i save kamap insait long kantri we long tok inglis ol i save kolim ol 'natural disaster'.

Em i tok em i amamas long lukim olsem ol memba bilong palamen i wok long paitim tok-tok long dispela sik we inap long kamapim bikpela bagarap long kantri.

Tasol em i tok nau em i taim bilong ol pipel na ol memba long givim moa long helpim pait

egensim dispela sik.

Sir Peter i tok taim PNG Aids Kaunsol i bin kamap, PNG i wok long mekim wok long helpim mani i kam long ol dona ejensi long sapotim ol aweanes wok insait long kantri.

Tasol nau PNG yet i mas tekova long dispela pait.

Em i tok long Zimbabwe, wanpela kantri long Afrika nau i lukim samting olsem 20,000 manmeri i wok long dai long dispela sik, na sapos mipela long PNG i no luksave long dispela hevi na traim long daunim nau, bai mipela tu i kisim bagarap long en long bihain taim.

Em i tok long 5-pela yia bihain wan wan famili bai i gat wanpela wan famili bilong ol i

gat dispela sik HIV/AIDS.

Aninit long lukaut bilong Memba bilong Henganofi, Dokta Banare Bun, wanpela palamen AIDS Komiti i bin kamap na samting olsem hap long olgeta memba i joinim pinis. Dokta Bun i tok olsem samting olsem 10 pesen long ol Distrik Sapot Gren bilong wan wan memba i mas i go long sapotim HIV/AIDS aweanes program insait long wan wan distrik o provins bilong ol. Sampela memba i mekim dispela pinis.

Sir Peter i tok olsem i gutpela long lukim ol memba bilong palamen i go pas long pait egensim dispela sik nogut.

Dispela sik i wok long kamapim bikpela bagarap long kantri.



I GAT toktok long kamapim wanpela kain sistem olsem referendum o rot bilong kisim tingting bilong ol pipel pastaim long gavman o palamen i mekim wanpela samting?

Ating bai i moabeta long dispela kain samting i kamap bai i ken givim sans long ol pipel yet long tok klia long laik bilong ol.

SAPOS i gat dispela kain samting i stap long lo bilong PNG ating bai palamen inap long skelim ol laik bilong pipel yet sapos ol i laikim gavman long senis o nogat. Nau yet ol niuspepa na redio tasol i wok long kamapim ol askim long ol manmeri long strit. I luk olsem i mas i gat dispela kain lo bai ol politisen bai i no inap long bihainim laik bilong ol yet.

SAMPELA wok manmeri bilong *Wantok Niuspepa* yet i tok olsem tok pisin bilong ol politisen ating i winim tok pisin bilong ol arapela manmeri insait long kantri ya.

Ol i save tromoi ol kain kain toktok na yusim midia long salim ol dispela paol toktok bilong ol i go long olgeta hap long kantri. Ol i no save olsem ol toktok bilong ol inap long kirapim skin na bagarapim sindaun bilong ol pipel nating tru.

POLITIKS, politiks, politiks. Wanpela man long PMV bas i sindaun harim nius long redio i pairap i stap long ol memba i wok long tromoi toktok go kam na em i no wanbel.

"Ol dispela man i ting ol wanem kain lain tru na ol i pi-laipilai long laip bilong mipela olsem? Mi no save lukim ol kalap long PMV na raun long strit olsem ol wantok bilong ol. Ol i save hait na raun long ol bikpela kar bilong ol tasol. Mi lukim ol na mi yet olsem mipela wankain, tasol ating het bilong ol i stap antap long kilaut ya!" Tru tumas.

STATE OF ORIGIN gem tri. Nau yu ritim dispela i stap, ating bai i gat wanpela man o meri i sindaun klostu long yu na pes bilong em i no stret - askim em, "tim bilong yu lus ah?" Bai yu kisim bekim o nogat? Sapos Blues i win, ating bai sampela Blues sapota i givim nem Brad Fittler long ol. Na sapos Maroons i win? Slater em wanpela stall nem tu ya.

GUTPELA long lukim ol memba bilong palamen i yusim het bilong ol na givim hap mani i go long sapotim wok aweanes long pait egensim sik AIDS. Ol i mas salim ol bikpela kar na tupela o tripela haus bilong ol tu na givim long dispela wok. Ol lain i gat planti mani tasol i stap long as bilong ol yangpela meri i save mekim pasin pamuk na strongim dispela sik insait long kantri. Nau em i taim bilong stopim dispela kain pasin.

Long taim bilong ren ol pipel i laikim san, long taim bilong san, ol pipel laikim ren. Papa God ating i save lukluk i kam daun long mipela na lap nogut tru.

Ol atoriti i mas ting lus olsem i gat wanpela ples ol i kolim Godens long Nesanel Kapitel Distrik. Dispela ples, long sait bilong maket, polis bareks na ol hap we ol haus i save stap i no stap gut. Planti hul long rot, long taim bilong san, das i pulap, na long taim bilong ren tais i save kamap. Plis traim long lukluk long ol rot long dispela hap.

Toktok long Godens Maket na, taim ol sampela manki i save sanap long hap na sasim ol man taim ol i spetim buai, maket i bin klin. Nau rabis i pulap. Tru sampela ol manki ya i save bikhet na sasim ol manmeri nating nating, tasol sapos ol i gat I.D na wok aninit long wanpela atoriti olsem NCDC, ating bai gutpela long ol i mas kam bek gen.

Em tasol tokwin long dispela wik. Sapos tim bilong yu long State of Origin i win, amamas gut. Sapos tim bilong yu i lus, noken brukim ol plet o kap o paitim meri o pikinini o arapela. Em i orait, PNG Ragbi Lig resis i stap. Lukim yu neks wik.

Graun surik na bruk yet long Chauve hap rot bilong Hailans Haiwe

James Kila i raitim

BIKPELA nesanel haiwe na 'laiplain' bilong Hailans rijon na PNG, Hailans Haiwe nau i stap long mak bilong wanpela bikpela birua i kamap bilong wanem wanpela seksen bilong dispela rot long Chauve insait long Simbu provins i wok long lukim graun i surik na brukim rot.

Ol manmeri insait long dispela eria tu i bungim bikpela hevi bilong wanem graun i surik na bruk na i karamapim ol haus na gaden kaikai.

Wanpela komyuniti lida long Simbu, John Kaupa i tokim Wantok Niuspepa olsem dispela hevi bilong graun i surik na rausim ol haus na gaden em wanpela nesanel disasta hevi na em i laik ol atoriti long Kundawa long bringim dispela hevi i go long Nesanel Gavman.

Nau yet graun i wok long surik long hap bilong Chauve we i lukim sampela lain manmeri i lusim ol haus na gaden bilong ol.

Dispela hevi i bin kamap long stat bilong dispela yia.

Sampela lain i bin kisim ol poto bilong dispela hevi long kamera na salim i go long EMTV na ol i bin putim long nius, tasol nogat wanpela bekim i bin kamap yet.

Dispela hevi bilong graun surik i wok long kamap yet na tu i givim hevi long bikpela haiwe insait long kantri Hailans Haiwe (Okuk Haiwe).

Hailans Haiwe em i bikpela rot o planti i save kolim olsem 'laiplain' bilong ol manmeri insait long Hailans rijon long kantri na dispela rot i save bringim planti milien kina i kam insait long kantri.

Dispela hevi bilong graun i surik em i gat stori bilong en yet. Bifo wanpela bikpela guria i bin kamap na graun antap long ol maunten klostu long Chauve i bin surik na karamapim wanpela ples na ol manmeri tu i lusim laip bilong ol.

Mista Kaupa i tok olsem nau yet dispela hap i woklong lukim



Hap rot long Hailans Haiwe klostu long Chauve i bruk pinis. Foto: JAMES KILA

graun i surik surik yet na bruk na kam daun olgeta long Haiwe, ating Hailans Haiwe bai pas na givim bikpela hevi tru long kantri,"

"Sapos graun i bruk antap na Mista Kaupa i tok.

NEC no tok orait long salim Telikom yet

MINISTA bilong Stet Enteprais Dokta Puka Temu i tokaut long Tunde olsem Nesanel Eksekutiv Kaunsol (NEC) i no givim yet tok orait long salim Telikom long Econet Wireless International, wanpela telekomyunikesen kampani i beis long Nigeria long Afrika.

Dokta Temu i bin mekim dispela toktok bihain long ol niuspepa ripot i kamaut na tok olsem dispela kampani i gat sampela hevi i stap long wok bisnis bilong em.

Em i tok dispela gavman i bin givim wok bilong tok orait long sait bilong praivetaisesen i go bek long NEC long mekim.

Em i tok pastaim long NEC i bin toktok wantaim Econet, ol i bin karimaut wanpela kain glasim long kampani na wok bisnis bilong em long Nigeria.

Econet i bin winim tenda long baim ol sea long Telikom pas long sampela arapela bikpela intanesanel kampani. Siaman bilong Independen Pablik Bisnis Ko-

Telikom bai i mas pulim ol telepon sevis i go long ol rurel hap.

poresen (IPBC) Dokta Moseley Moramoro i tok NEC i bin givim tok orait pinis long wanpela fremwok bilong ol rurel erias long kisim telepon sevis long samting olsem 1400 peles.

Dispela bai kamap na Telikom bai i mas pulim ol telepon sevis i go long ol rurel hap.

Mani bilong dispela skim bai kam long wanpela takis kredit skim.

Gavman helpim Waghi Mek wantaim K1 milien

NESENEL gavman i givim pinis K1 milien i go long Waghi Mek Kofi plantesen long Banz insait long Westen Hailans provins long strongim bek wok bilong ol.

Praim Minista Sir Michael Somare i bin go antap long Westen Hailans long givim dispela hap mani long Mande long dispela wik.

"Kofi indastri insait long Papua Niugini em i bikpela tru na i save mekim samting olsem K400 milien long wan wan yia, olsem na ol pipel bilong yumi i mas mekim wok bisnis long putim mani insait long poket bilong ol yet," Sir Michael i tok taim em i givim dispela mani.

Sir Michael i tok wok bilong strongim bek Waghi Mek Plantesen i wok bihainim polisi bilong gav-

man long mekim mani long ol samting i go aut long kantri.

"Agrikalsa em i bikpela samting long ol pipel bilong mipela, mipela i mas givim helpim long ol fama bilong mipela bai ol i ken wok hat," Sir Michael i tok.

Em i tok dispela plantesen em i wanpela bikpela bisnis bilong ol pipel bilong Not Waghi na samting olsem 6000 manmeri i wok long dispela plantesen.

Sir Michael i tok maski

mipela i save kisim bikpela mani long ol planti maining na wel projek insait long kantri, agrikalsa o wok didiman yet i save strongim dispela kantri.

Em i ol agrikalsa polisi bilong gavman we em i bin tokaut long en long Kimbe long las yia bai ol i glasim ken bihain long ol i karimaut ol maining sekta insentiv o malolo long takis we i wok stret pinis.

"Agrikalsa em i bikpela samting long ol pipel bilong mipela, mipela i mas givim helpim long ol fama bilong mipela bai ol i ken wok hat," Sir Michael i tok.

Em i singaut pinis long minista bilong Agrikalsa Mathew Siune na minista bilong plening Moses Maladina long kamapim wanpela sabmisen long helpim gavman inap long givim long ol fama.

Asembli mas lukluk long sosel na spirituel hevi bilong sios na kantri - Dion

**Veronica Hatutasi
i raitim**

GAVANA bilong Is Nu Briten Leo Dion i singaut long Jenerel Asembli bilong Katolik Sios long lukluk gut na mekim samting long daunim sampela ol bikipela hevi sios, sosaiti na kantri i bungim long tude.

Dispela em ol samting olsem hevi insait long famili, ol drag o ol spakbrus, ol gan, pasin raskol, stil na kilim dai

man na ol arapela sosel hevi moa.

"Mipela i kamap nau long dispela taim long histri bilong sios we mipela i mas toktok long ol samting we i kamap na bagarapim sindaun tude. Hevi bilong spakbrus, gan, vailens, marit i bruk, sindaun long famili i no gutpela, bagarapim pikinini, piksa nogut, alkohol, korapsen o pasin bilong paulim mani, blek mejik o puripuri, teroris, wo na

list i go moa yet.

"Mipela i mas mekim samting na glasim gut ol dispela samting long dispela bung long gutpela bilong yumi na ol dispela i kam long bihain taim," Gavana Dion i tok.


Em i bin tok tu olsem planti Katolik i wok long lusim sios na ansa i mas kamap insait long dispela asembli watpo dispela i kamap.

"Olsem wanem dispela i kamap? Em bilong wanem

sios i no inapim ol Spirituel laip bilong ol o wanem narapela as moa," Mista Dion i tok.

Gavana Dion i bin givim K5,000 donesen long makim provinsel gavman na dispela mani i bilong sapotim konferens long wanpela wik bung bilong em.

Bung bai pinis long dispela Sande. Dispela bung i helpim ol sios lida long harim, toktok na lainim long ol yet.



TOK SORI

Bod ov Dairektas, Menesmen na Wok Manmeri bilong Niu Ailan Sevings na Lon Sosaiti Limited i laik salim bikipela tok sori bilong mipela i go long Misis Joan luka na ol pikinini, Greg (Junia), Calista na Delasalle na famili na poroman long dai bilong man na papa bilong yupela;

LATE GREG LUKA

SIAMAN - NIU AILAN SEVINGS NA LON SOSAITI LIMITED

NASLS i laik givim luksave long Leit Greg Luka na bikipela kontribusen em i givim long Sosaiti, wanpela institusen we em yet i bin wok hat long sanapim na ol wok em i kamapim insait long Sosaiti. Dai bilong em nau em i daunim wanpela gutpela man na mipela bai no inap lus tingting long em.

Mipela i stap wantaim yupela long dispela taim bilong sori na mipela i prea long God long givim yu Bel isi na Strong.

**"God em i Papa bilong ol lain i nogat
Papa na disenta bilong ol Wido"
(Psalms 16:5)**

Inap Sol bilong em i stap isi oltaim.

**VICTOR GARAVA
Manager**

Tokua na Solomons i gat balus i ron

OL AIR Niugini intanesenel balus nau inap long ron namel long Tokua ples balus na Honiara long Solomon Ailans.

Long makim dispela nupela balus ron, Is Nu Briten Semba ov Komes na Is Nu Briten Turisim Bod bai i gat wanpela tes ron long namba 22 de bilong mun Julai we balus bai kirap long Tokua ples balus na i go stret long Honiara.

Prais bilong balus tiket long dispela ron namel long Tokua na Honiara i stap long mak bilong K750.

Planti manmeri nau i luksave olsem ol inap long lusim Tokua, go long Honiara, stap tripela de long hap na bihain kam bek long PNG.

Nelson Paulias, Sief Eksekutiv Opisa bilong provinsel turisim

biuro na kastoms opis long Is Nu Briten i tok olsem sapos ol manmeri i go pastaim long Pot Mosbi prais bilong balus tiket bai stap long mak bilong K4000. Mista Paulias i tok olsem ENB Turis Biuro na Kastoms opis bai stretim olgeta ron bilong ol namel long Tokua na Honiara.

Em i tok taim ol pasindia long dispela tes ron bilong balus i go long Honiara i lusim Tokua na kamap long Mosbi ol wokman bilong Turisim Promosen Atoriti bai stap long Jacksons Ples Balus long stretim ol pepa bilong ol bilong dispela tes ron bilong balus.

Mista Paulias i tok dispela tes ron bilong balus bai i pulim planti manmeri bilong Solomon Ailans long kam long Rabaul.

Dion singautim ol Katolik long wok bung wantaim

Veronica Hatutasi i raitim

TAIM Is Nu Briten Gavana Leo Dion i luksave long gutpela wok Katolik Sios i wokim long sapotim edukesen na helt sevis long kantri, em i tok sios i mas strongim tu spirituel laip bilong ol (sios) memba bilong em.

Gavana Dion i bin mekim dispela toktok long opening bilong bung long pasim Jenerel Asembli bilong Katolik Sios long Vunapope insait long Kokopo long Mande nait.

Em bin tok bung i mas painim ol rot long watpo ol sosel na spirituel hevi i wok long kamap long sios na sosaiti na dispela bung yet em i raitpela grup long glasim na skelim ol samting na painim rot long stretim ol.

Em bin tok amamas tu long luksave Katolik Sios i givim long provins bilong em i hostim dispela bikipela bung.

Em i bilip olsem bung bai kamapim sampela gutpela samting long stiaim gut sios long nau na long bihain taim na tu long painim rot bilong stretim sosel na spirituel hevi.

Em bin singautim tu olgeta Katolik long wok bung wantaim long strongim bilip na yuniti bilong sios.

Buka ples balus i op gen

BUKA ples balus we em i bin pas bipo nau i op bihain long gavman na ol papagraun i stretim toktok.

Bosman bilong Sivil Eviesen Atoriti, Andrew Ogil i opim bek ples balus long las wik Fraide wantaim namba wan Air Niugini balus ron i go insait long provins long Sarere.

Buka ples balus i bin pas bihain long ol papagraun bilong leta long T u n a k a r a k a s asosiesen i bin pasim.

Gavana bilong Bogenvil, John Momis i tok sori long ol papagraun bilong leta olsem administresen i no bin inap long stretim hevi bilong ol.

"Mi tok sori long ol leta lida olsem admin-

istresen i no stretim hevi bilong ol. Mi bilip olsem dispela hevi bilong ol i go na paul insait long administresen," Mista Momis i tok.

Em i tok i gat planti hevi i stap tasol administresen tu i nogat inap wok manmeri na mani long stretim olgeta.

"Gavman bilong mipela na administresen i mas sindaun na lukluk long ol dispela samting na painim rot long stretim," em i tok.

Mista Momis i mekim komitmen long ol leta pipel na tok olsem em bai wok bung wantaim memba bilong Not Bogenvil, James Togel, long painim rot bilong stretim hevi bilong ol leta pipel na givim gutpela sindaun long ol.

Ol Siassi pipel laikim lida i mas kamap

Paulus Tali i raitim

OL PIPEL bilong Siassi Allan long Morobe provins long ilektoret bilong Tewae-Siassi i singaut nau long ol lida bilong ol long ol i mas kamap na lukim ol.

Ol i mekim dispela singaut bilong wanem ol i tok olsem ol i kisim taim pinis moa long 15 krismas na nogat wangepa senis i kamap long hap bilong ol.

Wangepa mausman na sitisen lida, Fred Aikung, i bin tokim *Wantok Niuspepa* olsem em i sori tru long ol pipel bilong ailan bilong wanem i nogat wangepa gupela sevis na developmen i kamap.

Em i tok tu olsem ol pastaim lida bilong Siassi taim ol i stap i no save

tingting gut long ol trangu lain long ples.

Em i tok Siassi Allan i gat planti gupela samting long sait bilong agrikalsa olsem kakao, kokonas, kadamon na planti ol vanila tu i stap tasol husat lida bai inap toktok na bringim sevis i go insait na ol narapela developmen olsem rot na edukesen.

Mista Aikung i singaut long ol manmeri bilong Siassi Allan na Tewae, ol yut na long ol i mas lukluk gut na makim gupela lida we bai i nap long upela sevis i kam long ples.

"Mipela ol pipel bilong Siassi i laikim gupela rot na transpot, helt, edukesen na agrikalsa long mekim sindaun bilong mipela i gupela" em i tok.

Ol ples lain wari long ples bilong painim pis

OL MAN bilong painim pis long ples Labuta na Ahi long Morobe provins i singaut long ol lain i kam long ol narapela kantri long painim pis long hap bilong i mas stap ausait long 30 notikol mail mak lo i makim.

Wape Mangom, siaman bilong Labuta Ahi fisamen asosiesen i wokim dispela ol strongpela toktok bihain long sampela ol fisamen bilong em i

bungim wangepa fising bot bilong wangepa kampani bilong painim pis i bes long Lae i painim pis arere long nambis bilong Labuta na Ahi.

Mista Mangom i tok dispela bot ya em bilong Frabelle na ol i bin bungim em long 7.5 notikol mail long Kep Buingim long Bukawa long Mei 25 na dispela hap i tambu long ol ausait lain long go painim pis long hap.

Mista Mangom i tok dispela kain samting i no ken kamap ken bilong wanem em i no helpim asosiesen na ol pipel.

Asosiesen i save pulim pis long hap na salim long Maps Tuna Limited.

Maps Tuna Limited i wangepa paivet kampani husat i stap long helpim ol aninit long rurel developmen projek bilong Yuropien Yunien (EU).

Madang taun kaunsel bai baim Yali K400,000

MADANG taun kaunsel bai givim wangepa bikpela wok long taun meya David Kanagu taim em i peim bikpela mani i go long Gavana bilong Madang James Yali ausait long kot.

Madang provinsel gavman tu i tok promis long Madang eben lokel level gavman (MULLG) husat i gat hevi long sait bilong mani olsem ol bai sapatim ol.

Dispela ol tok promis i stap insait long wangepa pas i kam long Mista Yali i go long Mista Kanagu long Jun 15, eipela de bihain long nesanel kot i givim kot oda long baim Mista Yali K405, 030 ausait long kot we ol bai peim Mista Yali K33, 752.50 olgeta mun wantaim ol narapela kos bilong kot Mista Yali i kisim.

Dispela pei aut i abrusim K100, 000 mak inap K305 000 moa long mak nesanel tendas bod i putim long ol pei aut we bod i no luksave long en.

"Nau dispela hevi i


pinis na mi laik tokim yu olsem mi bai givim ful sapat na luksave bilong mi i go long MULLG na bai mi lukim olsem olgeta sevis insait long Madang taun bai i kamap orait tasol," Mista Yali i tok insait long leta bilong em i go long Mista Kanagu.

"Mi bai wokim sampela senis insait long provinsel kebinet na mi laik bai yu kam joinim provinsel eksekutiv kaunsel.

"Mi save olsem bai yu inap givim planti helpim i kam long wok bilong PEC na givim planti tingting long stretim planti ol hevi ol pipel bilong yumi long Madang provins i save bungim," em i tok.

"Mi laik tok tenkyu long tingting na wanbel na pasin wok bung wantaim bilong yu long lukim olsem dispela long taim kros namel long mi na MULLG i pinis nau," Mista Yali raitim long leta.

Ol i bin makim Mista Yali olsem Madang taun



• Ol meri asples wantaim wangepa pikinini i pul long kanu i go long wangepa hap. Ol lida i mas wok bung wantaim long mekim sindaun bilong ol pipel i gupela. Foto: JESSICA BROWN/SEAWEB

menesa long 1996 tasol ol i bin rausim em ken na em i kisim dispela hevi i go long kot.

Tasol kot i bin rausim dispela kes na foapela man i bin sainim wangepa konsent oda, dispela ol lain em, Mista Yali, Mista Kanagu, Chapau Lili (ekting taun menesa bilong MULLG) na Augustine Dunstan (ekting provinsel

administreta).

Dispela i bin kamapim sampela toktok long sait bilong lidasip kod.

Ol memba bilong MULLG i bung long Trinde (aste) long toktok long dispela traipela pei aut MULLG bai peim mista Yali taim MULLG yet i wok long sot long mani.

Ol Madang setla mausman laik save moa



• Wangepa setelmen. Sampela i bilip olsem i no olgeta setelmen i nogut, i gat ol gupela manmeri husat i save stap long ol dispela hap tu.

Paulus Tali i raitim

MAUSMAN bilong ol lain long setelmen long Madang, John Simbai, i laik save moa long Madang Provinsel Gavman long toktok bilong graun posen (50).

Dispela graun we nau i stap long Labalaba, Sisiak na Wagol.

Mista Simbai i tokim *Wantok Niuspepa* olsem longpela taim nau i nogat wangepa tok i kam aut long Madang Provinsel Gavman long toktok bilong graun.

Mista Simbai i tok, "Memorendam ov Andastending (MOU) i stap pinis na mipela i no kisim wangepa toktok bilong graun."

Em i tok tu olsem ol pipel i laik harim tok i kam aut long Madang provinsel gavman.

"Mi olsem mausman i rispektim gavman tasol mi laikim Madang provinsel gavman long kam aut na toktok long ol Madang setla."

Plantitoktok i bin kamap long ol hevi bilong ol setelmen long Madang.



PABLIK NOTIS

OL KREDIT MITA KASTOMA

PNG Power i laik toksave long olgeta Domestik Kastoma insait long Pot Mosbi husat i yusim yet ol Kredit Mita, olsem ol PNG Power Inspekta na Isipei Kontrakta bai kam raun long haus bilong yupela long karimaut wok long senisim ol Kredit Mita i go long ol Isipei Mita i stat long Jun 5, 2004.

Plis yupela i mas i gat man i stap long haus long opim dua long ol wokman bilong PNG Power na ol kontraka long karimaut dispela wok bilong senisim Mita long haus bilong yu.

Tenkyu tru long helpim bilong yupela.

**Toksave i kam long
PNG Power Pablik Rilesens**

Hap Hap Nius

**Ipata laikim nius
midia long Enga**

GAVANA bilong Enga provins, Peter Ipata laikim ol nius midia kampani long opim ol opis bilong ol insait long provins bilong em bai ol i ken raitim moa nius long ol samting i kamap long hap.

Mista Ipata i mekim dispela singaut na em i tok tu olsem Enga provinsel gavman bai givim haus, lukautim trenspot na komyunikesen bilong husat midia kampani i laik opim opis long hap.

Em i tok i gat planti samting i wok long kamap insait long provins, tasol i nogat inap nius i wok long kamap long ol.

Mista Ipata i bin mekim dispela singaut taim em i givim K45,000 i go long PNGFM long pulim radio siknel bilong ol i go insait long Enga provins.

Em i tok provinsel gavman i makim K500,000 long kamapim nupela telepon sistem long provins olsem na ol samting olsem intanet na imeil bai i stap bilong ol ripota long mekim wok bilong ol.

**Kainantu pipel
kisim EMTV nau**

OL PIPEL bilong Kainantu long Isten Hailans nau inap long lukim EMTV bihain long televisen stesen i pulim siknel bilong ol i go antap long Kainantu long tupela wik i go pinis.

Deputi Gavana bilong Isten Hailans, Joksy Nakime i tok olsem nau ol pipel bilong Kainantu inap long kisim EMTV, ol TV program bai helpim long strongim edukesen long ol bai ol i ken save wanem samting i wok long kamap insait long kantri na long ovasis tu.

**Manmeri idai long poisin o sanguma
ma bai go long han bilong Stet**

James Kila i raitim

LIDA bilong Kristen Demokratik Pati na memba bilong Henganofi, Dokta Banahare Bun i tokaut olsem husat man o meri em ol pipel i ting olsem em i dai long poisin o sanguma nau bai kamap olsem propeti o samting bilong Stet.

Dokta Banahare i mekim dispela toktok i no long taim i go pinis taim em i bung wantaim ol manmeri long ples Wagave insait long Kesavaka eria long Dunantina konstituensi long Henganofi distrik.

Dokta Banahare i tokaut olsem em i tok-tok wantaim Intenol Sekyuriti Minista na Memba bilong Goroka, Bire Kimisopa na tupela i mekim wanpela sabmisen pinis long mekim dispela i kamap olsem lo.

"Mipela i mekim sabmisen pinis i go long Nesenel Eksekutiv Kaunsol (NEC) long mekim dispela i kamap lo," memba i tok.

Em i tok olsem as tingting bilong dispela

lo em bikos planti trabel na hevi namel long ol manmeri long ol ples long kantri i save kamap bilong wanem planti i save bilip tumas long poisin na sanguma.

Planti pait tu i save kamap na planti lain i save lusim laip na ol samting i bagarap bilong wanem ol manmeri i save bilip tumas long poisin na sanguma na mekim planti toktok kros namel long ol yet, em i tok.

"Man o meri husat i dai na ol pipel i tok em indai long poisin o sanguma bilong ples em Stet o Korona bai kisim na holim i stap," Dokta Banahare i tok.

"Taim dispela bodi i stap long Stet, ol dokta bai katim na sekim sapos em i tru olsem poisin i kilim em na ol dokta i painim lip bilong kofi o target na ol narapela ston o samting long bodi bilong em," memba i tok.

Nau yet insait long Hailans rijon, planti birua i wok long kamap na planti lain man-

meri i lusim laip bilong ol bihain long ol pipel i bilip olsem poisin na sanguma i kamapim dai.

Long ol ples long Isten Hailans na Simbu provins, ol man i save kukim ol sanguma meri idai.

I no long taim i go pinis wanpela ripot long boda bilong Simbu na Westen Hailans i tokaut olsem ol pipel i bin holim pas wanpela lapun meri em ol i bilip olsem em wanpela sanguma meri na taitim em long baklain na putim em antap long gumi raba na laitim paia na meri ya i paia na em i tirip i go daun long bikpela Wara Whagi.

Insait long narapela ripot long Isten Hailans tu i tok olsem wanpela yangpela meri em ol i bilip olsem em i sanguma meri em ol pipel i lainim taia na pasim han na lek bilong meri na laitim taia na paia i kukim em. Dispela meri i stap laip yet na paia i kukim em i go na em i singaut singaut i go na em i dai.

Japan helpim rurel Namta skul long Daulo distrik

**James Kila
i raitim**

AMBESEDA bilong Japan, Katsuo Yamashita i tokaut olsem kantri bilong em Japan i redi tasol long helpim PNG gro na go het na kamapim gutpela sindaun long ol pipel.

Mista Yamashita i mekim dispela toktok las wik Sarere taim em i

opim nupela developmen projek long Namta top-ap skul insait long apa-Asaro eria long Daulo distrik, Isten Hailans provins.

Namta skul em wanpela Katolik Sios ejensi skul na em i stap samting olsem 15-kilomita lusim Asaro gavman stesen na i go antap long maunten bilong



Embeseda bilong Japan, Mista Yamashita (lephan) na tupela opisa bilong em i sanap wantaim Isten Hailans Provinsel Edministreta, Ron Uyassi long opening bilong ol nupela klasrum long Namta skul. Foto: JAMES KILA

apa-Asaro klostu long ples Miruma na Namta.

Planti manmeri na singsing grup tu i bin kamap long amamasim dispela de. Provinsel Edministreta bilong Isten Hailans, Munare Uyassi na Bisop bilong Goroka Daiosis, Francesco Sarego tu i bin kamap long dispela opening.

Mista Yamashita i tok olsem planti taim ol man i save tok olsem edukesen em wanpela gutpela presen tru ol manmeri i ken kisim long laip bilong ol. Olsem na gavman bilong Japan i luksave long dispela bikpela samting na olgeta taim em i save givim moa luksave long bringim helpim long sait bilong edukesen i kam long PNG.

Em i tok olsem maski olsem dispela projek developmen wok long Namta skul i kisim longpela taim liklik, Japan gavman i helpim long givim mani long kamapim wok aninit long Japanis Grent Asistens bilong Grasruts Projek (GGP)

long yia 1998.

Embasi bilong Japan i bin givim wanpela pas i kam long Namta skul na luksave long wanem nid skul i gat na ol sumatin i mas i gat long sait bilong gutpela edukesen olsem na em i givim dispela helpim.

Olsem na long de Septemba 2, 1998, Japan gavman i givim wanpela mani helpim em US\$80,068 we i wankain olsem K181,149 long karimaut wok long Namta skul developmen projek.

Dispela skul developmen projek i gat tupela hap bilong em. Namba wan hap em ol kapenta i wokim tupela dabol klasrum na tupela haus bilong ol tisa. Dispela ol samting em ol i opim long las wik Sarere.

"Nau olsem dispela ol samting bilong skul i kamap pinis, mi bilip olsem ol sumatin bai skul gut na kamapim gutpela stadi na mekim gut wok yusim ol program bilong stadi," Mista Yamashita i tok.

Hetmasta bilong sul, Robert Sarike i tok ol

sumatin i yusim pinis ol dispela klasrum na ol tisa i muv pinis long yusim dispela ol nupela haus.

Mista Sarike em bilong ples Manam long Bogia distrik long Madang provins tasol nau yet dispela bagaros bilong Aigob i stap olsem wanpela Ambo long Namta long Asaro. Em wantaim meri bilong em i save tis long Namta.

Mista Sarike tokaut tu olsem Japanis Intanesenel Koporesen Ejensi (JICA) tu i bin helpim long sampela projek long skul olsem TV na vidio we ol sumatin i ken lukim ol program na skul long en.

Dispela i mekim dispela rurel skul i kisim moa helpim tru i kam long Japan.

Bisop bilong Goroka Daiosis, Bisop Francesco i tok tenk yu na amamas long gavman bilong Japan long luksave long hevi bilong Namta skul na givim dispela bikpela helpim long ol.



Bank of Papua New Guinea

**KINA FACILITY RATE
FOR JULY 2004**

The public is advised that the Kina Facility Rate (KFR) will remain unchanged at 10.0 percent for the month of July 2004.

**L. Wilson Kamit, CBE
Governor**

Hap Hap Nius

Long taim wokmeri bilong St Johns i dai

MAGDALENE Ellen bilong Kerema, Galp provins, husat i bin wok 16 krismas wantaim St Johns Ambulance Sevises i bin dai las Sande long haus bilong em long Pot Mosbi.

Mis Ellen i bin deputi Supaintenden bilong St Johns Ambulance Sevises long Nesenel Kapitel Distrik (NCD) na i bin dai bikos long sampela sik em i bin gat.

Mis Ellen husat i bin gat 34 krismas, i bin namba tu opisa long sevis long wok moa krismas long ol arapela.

Komisina bilong St Johns Ambulance Sevises long Papua Niugini, Douglas Kelson, i tok olsem Mis Ellen i bin joinim sevis taim em i bin gat 18 krismas.

"Em i bin wanpela bilong ol opisa bilong mipela husat i bin gat bikpela save na i save wok hat tru na dai bilong em i mekim mipela i sori tru," Mista Kelson i tok.

St Johns Ambulance Sevises i save mekim kain wok olsem helpim ol pipel husat i sik pipel o lainim ol pipel long ol we ol i ken lukautim ol yet o ol narapela long taim bilong hevi.

Man Tatana holim pasim pukpuk wantaim umben

WANPELA man long ples Tatana long Nesenel Kapitel Distrik (NCD) i bin holim pasim wanpela pukpuk, bikpela bilong en olsem wan mita aninit long haus bilong em we i sanap antap long wara las Sande.

Jack Oala, man husat i bin holim pasim dispela pukpuk, i tok olsem pikinini meri bilong em i bin lukim dispela pukpuk i wok long noisim het bilong en long solwara na tokim papa bilong em.

Mista Oala i bin go na holim pasim dispela pukpuk wantaim umben bilong em.

"Ol pipel long ples i bin guria na wari tru taim ol i bin lukim dispela pukpuk na i bin stopim olgeta lain long go insait long solwara long wanem nogut ol narapela pukpuk i stap na bai bagarapim ol.

Mista Oala i tok olsem em i bin pret long holim dispela pukpuk long haus bilong em na i bin salim i go long wanpela man husat i save baim skin bilong ol pukpuk.

Long ples Elavala, klostu tasol long Tatana, ol pipel i bin lukim narapela pukpuk i liklik moa long dispela Mista Oala i bin holim pasim.

Ol lain long Elavala i bin traim long holim pasim dispela pukpuk tu tasol ol i no inap.

Ol pipel long tupela ples wantaim i bilip olsem ol dispela pukpuk we i save raun long wara tasol, i no solwara, i mas lus long hap ol i save stap na raun long en taim ol bikpela ren i bin pundaun long NCD i no longtaim i go pinis.

K2.2 milien projek bilong Alotau nogut i go long narapela hap

William Natera i raitim

I GAT pret olsem K2.2 milien projek bilong Nesenel Fisieris Atoriti (NFA) bai i no inap lukim wanpela kamap long Alotau, Milen Be provins bikos long ol tingting bilong provinsel gavman long kamapim narapela projek long hap we NFA i laik kamapim projek long en.

Wantaim mani i kam long Esian Dvelopmen Beng (ADB) aninit long ADB kostel fisieris menesmen na developmen projek bilong en, NFA i laik kamapim wanpela jeti o liklik bris long Sanderson Be we ol bot i ken sua long en, na tu wanpela liklik haus we ol wok manmeri long ol dispela bot, o ol pasindia i ken malolo long en bipo long ol i go het long wokabaut bilong ol.

Deputi het bilong ADB kostel fisieris menesmen na developmen projek, Peter

Cusack, i tok long wanpela woksop o bung NFA i bin holim long ol nius ripota, olsem dispela K2.2 milien projek ol i laik kamapim long Sanderson Be em wanpela sosel invesmen, o putim mani i go insait long provins long helpim ol pipel, i no bilong kisim win mani long en.

Mista Cusack i tok olsem provinsel gavman pastaim i bin wanbel long NFA long yusim dispela graun long Sanderson Be long kamapim dispela projek, tasol bihain i bin tok nogat gen long wanem ol i laik kamapim wanpela projek bilong ol yet long hap.

Mista Cusack i mekim klia olsem provinsel gavman i no les long dispela projek, ol i no laikim dispela projek i kamap long dispela graun tasol.

Em i tok provinsel gavman i bin tok olsem ol i ken kamapim dispela projek we

bipo gavman wof i bin stap, tasol hevi wantaim dispela tingting em dispela graun em i bilong Dipatmen bilong Len na Trenspot.

Provinsel gavman i bin tok graun klostu long Alotau maket tu we planti pipel i save kam long salim ol kaikai bilong ol em i gutpela ples long kamapim dispela projek, tasol Mista Cusack i bilip olsem projek sapos i kamap long dispela hap bai i no inap givim wankain bikpela helpim long ol pipel olsem sapos em i kamap long Sanderson Be.

Mista Cusack i tok i luk olsem NFA bai i mas kisim projek i go long narapela provins bikos long dispela hevi.

Tasol Mista Cusack i no inap long tokim *Wantok Niuspepa* wanem provins ol i wok long tingting long surukim dispela projek i go long en.



Soim Sore

...Tupela meri husat man bilong ol i dai, wanpela husat i holim pikinini, i soim sore bilong ol long pasin tumbuna bilong ol Uiaku, long Oro provins. Pasin tumbuna bilong soim sore long Papua Niugini i stap strong yet.

Photo: PERCY J. MONEY/AUSTRALIAN MUSEUM ARCHIVES

Pawa bilong ol mama

...Komyuniti polising dairekta amamas long ol Morata 4 Siti Mama

Paulus Tall i raitim

DAIREKTA bilong komyuniti polising bilong ol polis, Kabib Lamu, i bin amamas long wok ol Morata 4 Siti Mama i wok long mekim long komyuniti bilong ol we bipo i bin wanpela hap we planti birua i save kamap.

"Morata 4 em wanpela hap nogut, tasol ol mama i bin kamapim grup bilong ol yet

long stretim komyuniti, long helpim long stopim raskol pasin, o pasin bilong man paitim meri, na ol narapela hevi we ol i ken stretim, na ol i wok long mekim gutpela wok," Mista Lamu i tok.

Nau yet Morata 4 Siti Mama i gat 67 memba.

Siameri bilong ol, Margaret Yom, i tokim *Wantok Niuspepa* olsem kain kain hevi i wok long

kamap na ol i wok long wok long daunim ol dispela hevi na bringim gutpela sindaun long ol pipel.

Mista Lamu i tok tenkyu long wok ol wok manmeri bilong Waigani komyuniti polising i wok long mekim na gutpela wok bung wantaim bilong ol wantaim ol mama long Morata 4.

Mista Lamu i bin toktok liklik

long pasin bilong man paitim meri na i tok dispela em i wanpela bikpela hevi.

Em i tok komyuniti i mas noken ting polis tasol i bai helpim ol.

"Helpim mas i kam tu long ol papamama na ol yangpela, olgeta i mas wok bung wantaim long stopim ol rabis pasin na kamapim gutpela sindaun long komyuniti.

Limited Edition

PNG's No.1 Selling Vehicle

HILUX DUAL CAB 4X4

SUPER HOT PACK

Extra Features Include :-

- Air Conditioning
- Tinted Windows
- Side Steps
- Tattoo/Body Stripes
- Alloy Wheels & Mags
- Tonneau Cover
- Spot Lights
- Side Flares
- Polished Alloy Bull Bar
- Prevention Bar (ROP)
- Bed Liner (Option)

Ela Motors TOYOTA

TOYOTA TSUSHO (PNG) LTD

Yes, We've Gone Extremely Hot with our Limited Edition Package Deals!

PROMOTION EXPIRES : 31/07/2004
www.ela-motors.com.pg

- ✓ 15 BRANCHES NATIONWIDE
- ✓ 41 YEARS TOYOTA EXPERIENCE IN PNG
- ✓ THE ONLY QUALITY ASSURED DEALER IN PAPUA NEW GUINEA
- ✓ EXTENSIVE RANGE OF PASSENGER, COMMERCIAL & 4WD VEHICLES
- ✓ TOYOTA HISTORY DURABILITY, RELIABILITY AND RESALE VALUE
- ✓ TOYOTA GENUINE PARTS & QUALITY SERVICE NATIONWIDE

PORT MORESBY PH 3229400 • LAE 4781800 • KOKOPO 9829100 • MADANG 8522188 • GOROKA 7321844 • MY HAGEN 5421888 • WEWAK 8562255 • KAVIENG 9842788 • KIMBE 9835155 • TABUBIL 5480600 • VANIMO 8571254 • PORGERA 5479367 • BUKA 9739915 • LIHIR 9864009 • ALOTAU 5410100

Kwongi viles opim et pos

Sape Metta i raitim

BEREMBERE... bere mberere berembere. Dispela hap tok long tokples Kwongi insait long Asaro distrik long Isten Hailans i min olsem, pait, pait na pait tumas.

Na traibel pait namel

long ol wanpisin long dispela Kwongi na Kofena eria i mekim na planti bagarap i kamap, na bikos long ol dispela birua pasin, gavman i pasim ol sevis long i go insait long ol viles na hauslain long dispela eria na ol i bin kisim taim inap planti krismas i go pinis.

Tasol bihain long

pasin birua na pait i go i kam inap moa long 7-pela krismas, ol viles lain man na meri long Kwongi namba 2 viles i luksave na i senisim pasin bikos ol i lukim olsem inap em inap.

Dispela tingting i kamap long wanem long taim bilong 'berembere', rot i pas na em i mekim hat tru long ol

mama long i go long ol helt senta na haus sik long karim ol pikinini. Na bikos long ol birua na pait, turangu ol mama i save karim ol pikinini long ol bus nabaut na ol wantaim ol pikinini bilong ol i save kamap wantaim kankain sik, pen na hevi long sait bilong helt.

Planti ol mama na ol pikinini tu i lusim laip bilong ol taim ol mama i go long leba o long taim bilong karim bikos long birua na hevi bilong traibel pait.

Berembere o pait i bin stat long 1997 na i bin i go het inap moa long 7-pela krismas.

Long stat bilong dispela yia, ol pipel long

Kwongi namba 2 viles i putim daun ol pait samting olsem bunara, gan, naip na tamiok na kamap wantaim dispela tingting bilong stapim berembere o pait na wanbel long kamapim developmen long hauslain bilong ol.

Taim ol i wanbel na stopim pait, ol i setimam ol viles komiti long statim ol wok developmen na ol arapela projek we bai i ken givim gutpela sevis long ol viles lain man, meri na pikinini.

Na namba wan samting em ol viles komiti long Kwongi namba 2 viles i bin tingting long kamapim em Et Pos o helt klinik.

Bihain long sampela mun ol i kirapim wanpela et pos we bai i ken givim sevis long ol sik lain na tu insait long dispela et pos ol i putim wanpela leba wod we ol mama i ken i go long dispela hap long karim ol pikinini.

Long wik i go pinis taim ol viles lain long kwongi namba 2 viles i opiseli opim dispela et pos, viles komyuniti lida, Henry Baglme husat i bin i go pas long kirapim dispela et pos i tok em i wanpela bikpela developmen we ol viles komyuniti i putim het wantaim na wok hat long kamapim.

Em i tok amamas

long ol bilong wanem sapos ol i no putim het na wok hat, i nogat wanpela gutpela developmen bai kamap long viles bilong ol.

Mista Baglme i tok amamas na tenkim tu Brian Bell kampani na Save the Children long givim sampela donesen i go long helpim wok long dispela nupela et pos.

Em i tok namba wan samting em ol i laik kamapim long en i kamap pinis na namba tu samting em ol i laik kamapim long en em wara saplai, na dispela projek bilong wara saplai i stap pinis long plen bilong ol viles komiti.

Mista Baglme i tok lukluk long dispela nupela et pos em ol viles lain i wokim long stail bilong hauslain stret. Tasol insait long i gat leba wod, marasin saplai senta na tu long hapsait ol i wokim rum bilong ol manmeri i ken i kam stap long hap.

Em i tok ol viles lain i wanbel na i givim dispela et pos i go long Salvation Army husat bai lukautim na ranim dispela et pos.

Mista Baglme i tok berembere em i pinis na nau em i taim bilong kamapim developmen long Kwongi namba 2 viles.

"INDASTRI I GO WE?"

Taim mipela i glasim PNG Forest Industries maket infomesen ki indiketa bilong ol yia namel long 1999 i go long 2004, sampela samting kamap ples klia:

Log eksport o ol diwai i go aut long kantri

- Long 2003, mak bilong olgeta diwai i go aut long kantri i sanap long samting olsem 2.01 milien kubik mita. Mani mak bilong dispela em samting olsem US \$109 milien. Tasol long 1999, taim wankain mak bilong diwai i go aut, mani mak bilong em US \$152 milien.
- Mani mak bilong takis long eksport long 2003 inap long K111 milien we i winim mani mak bilong eksport takis long 1999 we i sanap long mak bilong K101 milien.
- Pei i go long ol papagraun long 2003 i sanap samting olsem K42.8 milien we long 1999, mani mak bilong pei i go long ol papa graun i bin sanap olsem K38.4 milien.
- Mak bilong prais bilong diwai long wan wan kubik mita long 2003 i sanap long US\$ 54.11 long wan wan kubik mita we long 1999 prais bilong diwai i sanap olsem US\$ 77 long wanpela kubik mita.
- Namel long 1999 na 2003, maket bilong ol diwai bilong PNG i senis na nau Saina i kamap namba wan kastoma bilong baim ol diwai bilong PNG (mak bilong diwai i go long Saina em 60%) we bipo namba wan kastoma i bin Japan. Nau Japan i holim 24% na bihain Korea i holim samting olsem 9% bilong eksport maket bilong diwai.

Ol prais bilong diwai bilong PNG i wok long go daun tasol ol lain i save sutim tok long indastri na ol lain husat i save kisim mani long ol papa graun na gavman grum nau i laik apim mak bilong winmani bilong ol long ol nupela takis (we planti i no kamap yet) long indastri.

Proses Wud Prodaks o ol samting ol i mekim long diwai bilong PNG

- Long 1999, mani mak bilong ol samting we ol i mekim long ol diwai bilong PNG i go aut long kantri i sanap olsem US\$18.4 milien.
- Long 2003, mani mak bilong ol samting we ol i mekim long ol diwai bilong PNG i sanap olsem US\$43 milien.
- Long sait bilong ol diwai ol i katim go daun long timba i go aut long kantri, kwila em i go pas olsem namba wan kain diwai bilong go aut long kantri (US\$6.34 milien long prais mak bilong US\$398/kubik mita) bihain long en ol miks son. (US \$ 4.96 milien); bihain long en balsa (US \$1.157 milien) na bihain rosewood (US \$1.069 milien).
- Australia i stap yet olsem bikpela maket bilong ol so timba bilong PNG (20% mak bilong eksport).

Tasol ol dispela namba bilong maket i soim klia olsem diwai sekta bilong PNG em i wanpela sekta insait long PNG we i wok long gro hariap moa long ol arapela (long sait bilong mak bilong ol diwai ol i katim, we i stap long 12% taim ol i katim long 1999 i go inap nau long 40% we ol i stretim o prosesim long 2003), tasol ol birua bilong fores indastri i wok long tokaut long ol arapela kantri olsem diwai indastri bilong PNG i save sanap long ol diwai eksport tasol.

I gat bikpela moa bagarap long ol kain paul toktok ol envaromen NGO olsem Greenpeace i wok long mekim olsem ol timba eksport bilong PNG i no bihainim lo. Ol i no klia gut na ol i wok long traim pasim rot bilong diwai i go long New Zealand na Australia we inap long pasim rot tu long samting olsem US \$ 11 milien long ol diwai prodak long wan wan yia.

Ol dispela envaromen NGO tu wantaim ol poroman bilong ol husat i save mekim ol dona projek aninit long nem 'eco-forestry' we i save wok ausait long ol lo na regulesen i stap aninit long PNG Forest Ekt, i save salim ol bikpela hap diwai i go aut long kantri.

Long lukluk bilong intanesenel maket ples, wok pasin bilong ol bikpela envaromen grup insait long PNG i no klia na i wok long mekim ol paol toktok na Nesenel Gavman tu i no inap long mekim ol strong luksave.

Maski mani mak bilong ol eksport i go antap, i gat moa wok long ol rurel erias, i gat moa save wokman na meri, ol lain husat i save egensim diwai indastri, i wok long toktok long kamapim ol nupela takis long daunstrim prosesing indastri olsem wanpela prosesing takis long mak bilong K50/kubik mita, moa fores menesmen na developmen takis, moa rifestesen takis, kamap bilong ol stet maketing ejensi na ol arapela TASOL i nogat moa gavman sevis, sekuriti o moa rifestesen wok insait long ol rurel erias.

PNG diwai indastri i luksave olsem i mas i gat senis long wok bilong gavman na forestry insait long PNG we PNG fores indastri i mas go pas sapos PNG i laik kamapim developmen insait long namba tu bikpela indastri na manufeksarin indastri we i wok long gro i go pas long ol arapela.

TASOL, PNG Fores Indastri we i stap aninit long ol ekonomik senis antap, i no wok gut bilong wanem i nogat klia wok bilong Nesenel Gavman long stretim o bekim toktok i wok long kamap long media long diwai indastri bilong PNG. Dispela i wok long pasim rot bilong PNG long menesim gut na developim diwai olsem wanpela bikpela intanesenel risos.

Ol mida insait long kantri, husat i save kisim mani long ol bikpela kantri long ovasis bai i no inap sekim ol nius bilong em na bai go het yet long autim ol giaman toktok long traim daunim strong na wok bilong ol lain i wok insait long indastri. (Olsem Post Courier, Pes 2, Fonde, Julai 1, 2004.)

Ol dispela ripot i sanap long ol pablikesen i kamaut long ol NGO we i save kam long ol pablikesen bilong ol NGO we i hat long painim, na i save yusim ol toktok bilong ol 'indipenden' ripot we Wol benk na ol arapela bikpela dona kantri i kamapim.

PNG i mas kamapim gut ol fores polisi na long lukluk bilong kantri, sapos nogat, em bai bagarapim dispela indastri na ol bikpela sans bilong wok bisnis bai lus na bikpela depisit bilong PNG bai i stap wankain yet.

(PNG FIA LOGO)



**PAPUA NEW GUINEA
FOREST INDUSTRIES ASSOCIATION (INC)**
P.O. Box 229, Waigani. Phone: 325 9458 Fax: 325 9563

Sustained Forest Industry for Papua New Guinea

Bagabag komyuniti developmen asosiesen

Stephanie Elizah i raitim

MOA long 2000 manmeri i bin bung long las wik Fraide long lukim lonsing bilong wanpela komyuniti developmen asosiesen long Bagabag Ailan insait long Madang provins.

Sanapim bilong Bagabag Komyuniti Developmen Asosiesen (BCDA) em i namba wan samting bilong ol manmeri long dispela ailan. Bagabag Ailan i gat samting olsem 2000 manmeri tasol i stap long en.

Dispela asosiesen bai lukluk long bungim olgeta manmeri long Bagabag long bungim tingting kamapim ol kain kain developmen long ailan.

Interim Presiden bilong BCDA, Seil Kateu i tok lonsing bilong dispela asosiesen em i bikpela samting tru bilong komyuniti long Bagabag.

"Mi laik tokim yupela olsem dispela

em i bikpela de tru bilong ol pipel bilong Bagabag Ailan. Mipela i wet longpela taim long taim mipela i kamapim dispela tingting long 1999 inap nau," Mista Kateu i tok.

Em i tok ol i bin askim wan wan komyuniti memba long bungim 1 toea long 1999 long statim dispela asosiesen.

"Mipela i mekim rekod bilong dispela asosiesen taim mipela i sanapim BCDA wantaim wanpela liklik kontribusen inap long wan toea 5-pela yia i go pinis. Dispela mani helpim mipela long rejistaim asosiesen wantaim Invesmen Promosen Atoriti na kamapim ol arapela samting bilong sanapim asosiesen."

Mista Kateu i salensim ol manmeri long givim sapot bilong ol long asosiesen na helpim ol long kamapim gutpela sindaun bilong Bagabag ailan.

Meri atis bilong Fiji soim wok bilong ol

... redi long rijinol konfrens bilong 2004

OL MERI atis i kamapim wanpela so we ol i putim ol wok bilong ol long pablik long lukim. Dispela so ol i kolim long Ingli "Looking back, moving forward" em olsem wanpela wok rere long opening bilong 9th Pacific Conference on Women.

Wanpela yangpela atis meri bilong Fiji Mereia Carling i kamapim dispela atwok olsem hap bilong wok bilong Seketeriet bilong Pasifik Komyuniti husat i lukautim dispela konfrens we bai kamap long Septemba.

Het tok bilong dispela konfrens em "Gender Equality: Commitment or Tokenism".

Mis Carling i tok dispela het tok i askim

yumi wanwan long luksave sapos tru senis i wok long kamap long sindaun bilong ol meri o ol tok-tok em long maus tasol.

Mis Carling i bin droim piksa we SPC i yusim olsem poto i sut long mining bilong het tok bilong dispela konfrens.

Em i tok droing bilong em i soim pes bilong meri we pulim tingting bilong ol mammeri i lukim na tingim as bilong genda ikwaliti na dispela tok i sut long strong ol meri na i no olsem namba o namba mak bilong strongim ikonomi.

Mis Carling tok tu olsem sta long piksa i sut long wanem yumi laik winim na em i ken min tu olsem mipela i muv long ples ples tudak i kam aut liklik long lait na mipela i laik kisim eksen.

Ol arapela atis meri husat i bin stap insait long dispela so em Unaisi Vucago na Tane Mosese.

Luteran wokmeri lainim kain kain wok

Paulus Tali i raitim

BAITABAG Luteran Wokmeri skul long Madang i wanpela sios skul i wok long helpim ol yangpela meri long lainim planti samting we bai helpim ol long kamapim

gut sindaun na laip bilong ol, famili, komyuniti na kantri.

Ol yangpela meri i save lainim ol laip skil o wok olsem samap, kuk, mekim bilum na tu ol i save skul long spirituel sait long Rilijes edukesen na Baibel stadi.



• Ol meri long Morata setelmen long Mosbi i singsing na danis long soim ol samting ol i lainim long bung bilong ol. Foto: FAIL

Dispela skul i bin stat yet long 1970's na ol i skruim i go yet.

Skul i save kisim ol yangpela meri i kam long ol arapela provins we Luteran Sios i stap long en olsem long Simbu, Goroka insait long Isten Hailans, Hagen, Niugini Ailans, Morobe na ol distrik olsem long Yabem, Siassi, Jiwaka, Boana, Kote na insait long Madang yet em ol distrik olsem Karkar.

Nau yet, skul i gat 5-pela tisa meri husat i save lainim ol meri long kisim save na trening insait long tupela yia. Bihain long dispela, ol i save greduet na kisim setifiket.

Planti ol dispela yangpela meri em ol i pinisim Gret 6 na 8 husat i no bin gat sans long skruim skul. Na ol i save aplai i kam long Baitabag Luteran Wokmeri skul long gat sans long lainim samting we bai helpim kamapim gut laip bilong ol.

Hetmistres bilong skul Sussie Kolombus i tok ol distrik, kongrigesen na peris i save glasim ol meri i gat laik long kam long dispela skul na sapos em inapim skel bilong mak ol i putim i kam insait na skul.

Em i tok tu olsem komyuniti i save helpim wantaim ol saplai kaikai.

Mis Kolombus i tok skul i save painim hevi tasol lukaut na blesing bilong Bikman i save kam insait na mekim ol hevi i lus o slek.

Kisim save long skul bilong laip



Save long ol Raits bilong yu

Atikel 16 - Marit na famili

Dispela hap tok long Atikel i kirapim rait bilong ol meri long stap wankain o ikwel wantaim ol man long marit long laik bilong ol, makim man long maritime, long brukim marit, long plening famili o yusim ol rot bilong famili plening, long lukautim ol pikinini na long taim marit i bruk long serim ol samting o propeti.

Ol atikel 17 i go long 30 i karamapim rot bilong mekim ol ripot, CEDAW Komiti na ol

arapela wok bilong etministresen.

Pat 3- Komiti bilong CEDAW

CEDAW i kamap aninit long Atikel 18-bilong konvensen. Twenti tri independen savelain em ol kantri husat i putim mak o sain long konvensen i makim long go pas long komiti. Ol dispela savelain long komiti i makim ol kainkain skul, Kalsa na wok.

Dispela komiti i narakain long ol arapela Yunaited Nesens (UN) grup long tupela rot. Long taim ol i bung namba

wan taim long 1982, olgeta i bin ol man tasol na wanpela em meri. Namba tu, ol woklain insait long ol humen raits komiti bilong UN em planti em ol loya na jas, tasol ol CEDAW komiti memba i save kam long ol kainkain bekgraun o wok na skul; sampela em ol ikonomist, diplomet, sosiologis, ekedemik, medikel profesenel na olsem. Dispela kain ol miks savelain i save givim taim na save bilong ol long ol narakain na krietiv rot bilong mekim wok bilong komiti.



FLAUA PIS

Yu mas i gat:

- 3-pela kap plain flaua
- 3-pela tispun beiking paura
- 2-pela kiau
- 1-pela tispun sol
- 1-pela kap susu wel o bata


We bilong Kuk:

Miksim flaua, beiking paura na sol long wanpela bikpela dis. Putim kiau, susu na tanim tanim inap em i wara wara. Katim pis long saisu yu laikim na putim i go insait long wara wara flaua.

Bihain putim dispela flaua pis long frai pen i gat hot bata o wel Kukim inap flaua ausait i tanim braun o taim pis i kuk Yu ken putim liklik muli o chili na kaikkai wantaim pis flaua.

Presiden bilong Papua distrik Reveren Sommy Setu long taim em i givim tok long kongreson long Mt Zion sios, Morobe Blok 9 Mail long las Sande taim ol i amamasim 10-yia anivesari bilong sios.

Poto: PAULUS TALI



Mt Zion Lutheran Sios 9 Mail amamasim 10-yia anivesari

Paulus Tali i raitim

HOLIM strong bilip bilong yupela long Krai na no ken surik long ol hevi, presiden bilong Papua distrik Reveren Sommy Setu i tok long amamasim 10-yia anivesari bilong Mt Zion Lutheran Sios, Morobe Blok 9 Mail ausait long Pot Mosbi las Sande.

Em i tok bilip em i bikpela samting long laip na manmeri husat i bilip i mas strong na soim dispela lait i stap yet long laip bilong ol.

Moa long 550 manmeri i kamap long amamasim dispela de maski ren i pundaun.

"Krais i stap long graun we em i ples bilong hevi," Reveren Setu i tok taim em i

ridim Buk Sam .108 na Gospel bilong Jon 17:14 long strongim bilip bilong ol manmeri.

"Tok bilong God em i stap pinis na olsem yupela i no ken haitim o mekim i dai dispela tok long laip bilong yupela. Mekim Spirit i stap tru tru na larim dispela lait i sain long laip bilong yupela," em i tok.

Em i tok dispela haus lotu em ol manmeri i sanapim i soim bilip ol i gat long Bikpela na em i gutpela ol i kamap long dispela taim long amamasim kain pasin ol i gat.

Long taim Reveren Setu i autim tok long ol pipel em i givim tu ol setifiket long sampela sios lida long luksave long wok ol i mekim.

Ol Nius stori bilong Jenerel Asembli bilong Katolik Sios long Rabaul, Is Nu Briten i kam long VERONICA HATUTASI long Koro

Jenerol Asembli em bikpela samting

DISPELA Jenerel Asembli em i bikpela samting sios i holim long planti Katolik manmeri insait long PNG.

Joseph Dunlee i memba bilong Rabaul Asdaiosis Preperesen Komiti na em i go pas long ol samting i sut long kalsa.

"Olsem wanpela leiman, samting we Katolik Sios i mekim em i bikpela samting. Long olgeta ogenaisesen, wok bilong plenim ol samting i bikpela samting na dispela Jenerel Asembli em i opim ai bilong mi. Mi amamas olsem sios i luksave olsem mipela olgeta i bilong wanpela sios tasol husat i kisim Baptismo na mipela i holim long wanpela bilip tasol. Mi amamas olsem mi wanpela Katolik na mi amamas nau olsem sios nau i mekim samting long mi i luksave long ol arapela brata susa, i no long provinsel level tasol long nesenel level tu. Mi amamas tu olsem ol yut na meri i kisim luksave tu na long dispela rot, yumi ken toktok na stretim ol hevi we ol i stap long en.

"Ol yut em ol lain bai skruim wok bilong sios long bihain taim. Na i gutpela long soim stiarot long ol yut nau. Narapela samting tu em long dispela taim, ol pikinini i no wok long kisim ol gutpela pasin long ol papamama bilong ol," Mista Dunlee i tok.

Naispela opening seremoni long bung

VUNAPOPE i bin kam gut tru long Mande apinun taim ol wan wan Katolik daiosis long kantri i putim kamap ol ektiviti long makim opening seremoni bilong bikpela Jenerel Asembli (GA) bung.

Bung ya i bilong pasim GA we sios i bin kirapim long Janueri las yia bihainim askim bilong Santu Papa Pop John Paul 2. Long wanpela pas, em bin askim Katolik Sios long glasim na skelim wok bilong em na kamapim ol plen long stiaim sios insait long nupela milenium. Na long plen, sios i mas kamap

olsem sios tru bilong Melanesia na PNG.

Moa long 100 deleget i makim 19-pela daiosis i bin mekim naispela prosesio i go long konferens eria. Antap long dispela, moa long 500 pilgrim i stap insait long dispela bung. Ol i kam long wan wan peris.

Pomio singsing grup i bin go pas na kisim ol deleget i go long ples opening seremoni i kamap long en. Ol wan wan daiosis i bin kisim graun i kam na miksim long soim yuniti bilong sios insait long PNG.

Ol grup insait long Rabaul Asdaiosis we i bin putim kamap ol naispela turnbuna danis na singsing long opim bung na welkamim ol deleget na pilgrim.

Ol bin welkamim ol Bisop na putim ol naispela bilas raunim nek na het bilong ol.

Bung bai pinis long Sande Julai 11 wantaim bikpela Misa lotu long Rakunai em ples bilong Bleset Peter ToRot.

Praim Minista Sir Michael Somare i kisim askim long pasim konferens long Sande.

Asbisop Carl Hesse tok welkam

ASBISOP bilong Rabaul Asdaiosis Karl Hesse i bin tok amamas na welkamim ol deleget na ol pilgrim na ol Katolik manmeri bilong Is Nu Briten i bin kamap long opening seremoni. Moa long 2,000 pipel i bin kamap long lukim stat bilong Jenerel Asembli bung.

Em bin tok Asdaiosis na pipel bilong em i amamas long lukautim bung bai mekim olgeta samting long lukautim gut ol.

Sampela bikman bilong ol arapela sios i bin kamap tu long bung. Em long Bisop Alan Migi bilong Angliken Sios na Pasto Herman bilong Lutheran Sios. Gavana bilong Bogenvil John Momis na Leo Dion Is Nu Briten i bin stap tu long opening seremoni. Biknem loya na olpela Palamen memba bilong Wewak na tu man i gat han long raitim Mama Lo bilong PNG Bernard Narokobi i stap tu long bung.

Mista Momis na Mista Narokobi i stap olsem hap bilong bung. Mista Momis i stap olsem delegesen bilong Bogenvil Daiosis na Mista Narokobi i ko siaman bilong Komiti i redim Jenerel Asembli.



Ol manmeri i bin pulap long Vunapope long Is Nu Briten long lukim opening bilong Jenerel Asembli bilong Katolik Sios we i wok long kamap nau. Dispela bikpela bung bai pinis long Sande.

St Peters Sios, Erima mekim fes boubou

Andrew Molen i raitim

ST PETERS Katolik peris long Erima insait long Pot Mosbi em i wanpela gutpela modul bilong ol narapela peris insait long siti.

Siaman bilong edministresen komiti bilong peris Nigel Tomdia i mekim dispela toktok bihain long ol i amamasim namba tu 'boubou' bung bilong ol long bungim moni long stretim rot insait long peris bilong ol.

"Mi ken tokim yupela olsem peris bilong yumi em i wanpela modul peris long hia," mista Tomdia i tok.

Mista Tomdia i tok olsem long wanem paris bilong ol i wok long strong tru long mekim ol fanresing bilong ol long helpim ol yet na "boubou" em i gutpela tingting long ol i yusim long kamapim moni bilong paris.

Dispela boubou em i bikpela na fes fanresing bilong paris bilong dispela yia.

Pater bilong St Peters paris, Fr Paul Liwun i tok as bilong dispela boubou em long bungim moni long helpim ron bilong sios na paris na dispela bai kamap olgeta yia.

"Mi ken tokim yupela olsem peris bilong yumi em i wanpela modul peris long hia."

Em i tok las yia i bin namba wan taim ol i mekim boubou long lukim sapos em bai kamap gut na sapos ol pipel i laikim bai ol i mekim olgeta yia.

"Mipela i traim las yia na ol memba bilong paris i laikim olsem na dispela yia mipela i wokim gen," tresera bilong fanresing komiti bilong sauten rigen grup Peter Terence i tok.

Fr Paul i tok moni bilong las yia ol wokim long boubou i go long stretim na

putim nupela banis raunim sios we ol i wokim pinis.

"Dispela yia em namba tu taim bilong mipela long mekim boubou na moni hia bai mipela i yusim long fiksik draiv-wei bilong mipela" Fr Paul i tok.

Pasin bilong boubou em i kam long Yunaited sios we ol memba bilong sios i save givim samting i go bek long sios long helpim sios bilong ol.

"Em kain olsem tenksgiving.

Em i tok ol kisim dispela tingting long Yunaited sios. Na insait long wan wan ol dispela grup ol bai traim na painim moni mak inap long mak paris kaunsel i makim.

Orait, long taim bilong boubou nau bai ol i kam singsing na wokim ol liklik pilai na givim amas moni ol i bungim wantaim kaikai i go long pater na paris kaunsel.

"Mi laik tok tenkyu i go long olgeta manmeri bilong wanem em long hatwok bilong yumi olgeta na dispela i kamap," Fr Paul i tok.



God i skelim pasin bilong ol manmeri

God i gat olgeta strong, em i Bikpela bilong yumi, em i tok nau na i singautim olgeta manmeri, stat long hap sankamap na i go inap hap san i go daun. Em i singautim olgeta manmeri bilong graun. God i stap long Saion, dispela taun i nambawan tru na lait bilong God i kamap ples klia. God bilong yumi em i kam nau. Na em i no i stap isi. Nogat tru. Paia bilong kukim ol samting i go paslain long em, na bikpela win na ren i raunim em.

BUK SONG 50: 1-3

Bisop toktok egensim seks edukesen long ol skul

Steven Gimbo
I raitim

OL PAPAMAMA i mas sanap strong long lukautim ol pikinini bilong ol long abrusim sik AIDS.

Bisop bilong Vanimo Daiosis, Cesare Bonivento i givim dispela toktok i go long ol Katolik mama insait long Daiosis. Bisop i bin toktok long taim ol meri i holim AGM o bikpela kibung bilong ol long dispela yia.

Bisop i toktok strong egensim pasin bilong yusim kondom olsem wanpela rot tasol bilong abrusim sik AIDS.

Em i tok, kondom em i wanpela rot we ol pipel i ken helpim banisim ol long dispela sik nogut. Dispela em bilong

wanem, kondom i save kamapim tingting bilong mekim pasin pamuk.

Em i tok ol marit manmeri i noken yusim kondom insait long marit. Taim ol i yusim kondom, ol i bagarapim lo bilong God long marit na ol i no yusim gut pawa bilong givim laip em God i bin givim long ol.

Na ol lain husat i no marit yet i noken yusim kondom, taim ol i yusim kondom, ol i mekim pasin pamuk. God i no laikim dispela pasin bilong wanem em i no klin.

"Wanpela rot tasol bilong abrusim dispela sik nogut em long stap klin bipo long yu marit, na long stap tru wantaim wanpela arapela long taim bilong marit. Dispela em i lo bilong

God," Bisop Cesare Bonivento i tok.

Bisop i tok em i sori tru long ol skul pikinini insait long ol skul bilong yumi bikos i gat ol lain husat i no wari long wanem kain skul ol i givim long ol pikinini.

Bisop i tok ol i wok long lainim ol pikinini long sampela samting we i egensim lo bilong God.

Ol mama i bin kirap nogut taim ol i painim aut olsem ol pikinini bilong ol i wok long lainim samting em ol i ting i no stret.

Na planti long ol mama i komplek na i tok olsem edukesen dipatmen i noken larim ol pikinini i lainim samting we i no gutpela long ol.

Long makim 118 yia bilong Luteran Sios insait long Papua Niugini, Jenerel Seketeri bilong Luteran Wol Federesen, Dokta Ishmael Noko i kam long wanpela raun bilong em long Hagen na long Lae. Edita bilong *Wantok Niuspepa*, YAKAM KELO i raun wantaim Dokta Noko na ol bikman bilong Luteran Sios na raitim ol dispela stori.

LWF makim 118 yia bilong Luteran Sios long Hagen

JENEREL Seketeri bilong Luteran Wol Federesen Dokta Ishmael Noko i askim ol pipel bilong Gutnius Luteran Sios (GLC) long Enga long givim em wanpela hap graun bai em i wokim haus bilong em.

Em i tok long kam bek long tupela krismas bihain na wokim haus bilong em.

Dispela tok piksa bilong Dokta Noko i givim bikpela amamas tru long ol pipel bilong Gutnius Luteran long Enga long las wik taim Dokta Noko i raun i go long Enga long las wiken.

Dispela wokabaut bilong Dokta Noko i kam long Papua Niugini em long bungim ol pipel bilong Hagen long makim 118 yia bilong Luteran Sios insait long Papua Niugini na tu sindaun na toktok wantaim Melpa Grup bilong Hagen na ELC-PNG lon sampela hevi tupela i gat.

LongTunde dispela wik Dokta Noko i tokim ol pipel bilong Hagen olsem ol papa na tumbuna bilong mipela i wok hat tru long sanapim Luteran Sios long PNG na nau yumi stap long en. Olsem na mipela mas sanap bung wantaim bikos dispela em wok bilong em long bungim Luteran Komyuniti long wol wantaim.

Em i tok long bikpela prea bilong Jisas em i prea olsem: Papa bilong mipela. Givim mipela kaikai bilong de. Lusim sin bilong mipela. Jisas i no prea long em yet olsem na mipela mas tingim arapela na prea long ol. I no mipela yet.

Dokta Noko na Reveren Ginda Harahap bilong Esia Pasifik i lusim Hagen long aste na go daun long Lae we tupela bai bungim ol Luteran long Lae na Finsafen.

Dokta Noko holim baptais na konfemesen lotu long Enga

JENEREL Seketeri bilong Luteran Wol Federesen (LWF) Dokta Ishmael Noko i bin kamap long Enga provins long las wik Sarere na go insait stret long lotu bilong baptais na konfemesen.

Dokta Noko i baptaisim 45 pikinini na sampela bikpela manmeri.

Esia Pasifik Seketeri Reveren Ginda Harahap husat i kam wantaim Dokta Noko i helpim long baptaisim ol pikinini.

Bihain long baptais na konfemesen ol i givim blessing long 9-

pela hetman na meri bilong Gutnius Luteran Sios (GLC) long Enga provins.

Dokta Noko i autim tok long buk bilong Mak 10: 17-19 we i tok long wanpela man wantaim planti mani na kago i askim Jisas long wanem samting em inap mekim long kisim laip oltaim oltaim.

Na Jisas i tokim em: Go na salim olgeta kago bilong yu na kisim mani na tilim long rabis lain. Na bai olgeta gutpela samting long heven bai yu kisim.

Dispela bung i bin kamap long Sak distrik

insait long Wapenamanda long Enga provins.

Moa long 3,000 manmeri i bin kamap long dispela bung na givim presen long Dokta Noko na Reveren Harahap. Dokta Noko i givim wanpela belo i go long ol olsem presen. Bihain long lotu olgeta i sindaun wantaim na kaikai.

Reveren Harahap i tok em i lukim pasin ol pipel i mekim long holim han na mekim bikpela raun long taim bilong holi komunion olsem mak bilong ol Kristen i bung long heven na kaikai wantaim.



DEPARTMENT OF TRADE AND INDUSTRY
OFFICE OF THE SECRETARY

PUBLIC NOTICE

DEPATMEN BILONG TRADE NA INDASTRI I TINGTING LONG KAMAPIM WANPELA ASOCIATION ANINIT LONG ASSOCIATIONS INKOPARASEN ACT BAI OL I KOLIM OLSEM PNG MAN MERI BISNIS ASSOCIATION. AS TINGTING EM BILONG HALIVIM ASPLES PNG BISNIS MAN NA MERI LONG WOK BUNG WANTAIM INSAIT LONG PABLIK NA PRAIVET SEKTA WANTAIM BIKPELA TINGTING LONG KAMAPIM GUTPELA WOK NA SINDAUN BILONG PNG BISNIS MAN NA MERI.

HUSAIT PNG BISNIS MAN NA MERI I GAT LAIK LONG DISPELA TINGTING, YUPELA I KEN RING NA TOKTOK WANTAIM MR. PAUL MARTIN, DIRECTOR-COMMERCE DIVISION LONG DISPELA TELEPHONE NAMBA 325 6135 EXTENSION 2462 / 2463.

TENK YU.

ALOIS TABERENG
Acting Secretary

BAPTIST EVANGELISTIC BUNG

BAI KAM LONG PNG
LONG
JULY 2004

OLGETA MANMERI WELKAM LONG KAM

OL SPESOL MAN BILONG AUTIM TOK I KAM LONG AMERIKA

DR. ELDON STEVENS
REV. CLARENCE HAFELIN
REV. MICHAEL PATTERSON

BAI YU HARIM GUTPELA MUSIK NA GUTPELA TOK OL BAI AUTIM LONG BUK BAIDEL

YU INAP GO LONG WANPELA BILONG OL DISPELA HAP LONG HARIM TOK:

July 6-11 Mt Hagen Baptist Temple, Mt Hagen, WHP 6:30 nait na long radio KBBH.

July 6-11 Bundi Baptist Church, Bundi, Madang

July 6-7 Kerowagi Baptist Church, Kerowagi, Simbu 6:00 nait

July 8-9 Grace Baptist Church, Kundliawa, Simbu 6:00 nait

July 10,11 Chuave Baptist Church, Chuave, Simbu 6:00 nait

July 13-18 Evergreen Baptist Church, Ukarumpa, EHP 5:00 nait

July 13-18 Kambanang Baptist Church, Simbai, Madang prov

July 13-15 Goroka Baptist Church, Goroka EHP 6:30 nait

July 16-18 University of Goroka Auditorium, Goroka, EHP 6:30 nait

July 20-25 Indoor Sports Complex, Port Moresby, NCD 6:30 pm

July 20-25 Rintebe, Upper Bona, EHP

Yu laik save long sampela moa tok:
ringim Bill Smith at 732-2942 o 687-0456

Sevis Bilong Helpim Wantaim BERNARD MALLE



Papamama i nambawan tisa

Nem bilong mi Bernard Malle. Mi wok wantaim SOCAY olsem Edukesen na Aweanes opisa long helpim ol pikinini na yangpela bilong yumi egens long ol sosel, lo na oda na HIV/AIDS hevi. SOCAY i sanap long "Save Our Children and Youth Against Alcohol and Drugs and HIV/AIDS. Ol Sacred Heart Bruder i go pas long dispela grup na opis bilong mipela nau i stap long taun. Stat long tude, ol tok tok bilong mi bai kamap long Wantok Niuspepa olgeta Fonde.

OL I tok olsem Kainantu taun em i geitwe bilong Hailans. Em i tru olgeta. Sapos yu draiv i kam long Lae o Madang na laik i go long Goroka, Kainantu, Hagen, Wabag o Mendi taun, Kainantu i opim rot bilong yu.

Geitwe i olsem maus rot. Em i stat bilong wangepela kain rot bilong wokabaut, o wangepela kain laip yu laik bihainim o wangepela pasin yu laik bai i bosim yu bihain taim.

Orait na taim yu stat long mekim wangepela wok o pasin ol i kamap olsem hap laip bilong yu na yu i pas wantaim dispela ol pasin.

1. Yu save harim ol mama i save tokim pikinini olsem: em hia 50t, kisim i go long tebol na baim lus BH o lus KOOL bilong mi. Na tokim ol long laitim bilong mi.

2. Pikinini i raun wantaim mama long buai maket. Na man bilong salim buai i kain tru long mama na askim pikinini long traim piksa buai. "Em hia pikinini, kisim piksa buai na traim putim long maus tasol".

3. Papa i apim botol na pikinini i sindaun klostu long sait na i was long papa i dring. Botol i empti orait em i tromoi i go long katen na askim pikinini, "Hei san, inap yu opim wangepela moa bia bilong mi".

Ol drak nogut i save painim rot bilong i go insait long bodi bilong man. Na sapos rot i orait drak i painim isi tru. Na taim em i stap insait pinis long bodi bilong man orait em i mekim wok bilong em isi isi long bagarapim ol man. Nau planti bai sik na kamap longlong. Planti bai dai. Kainkain hevi bai bungim komyuniti.

Planti papamama i save ting olsem, "Pikinini bilong mi i no save smukim mariwana o spak bru o dring hombru em ol arapela pikinini tasol".

Em i tru. Tasol sapos yu wok long tokim pikinini bilong yu long laitim BH o KOOL lus smok bilong yu o askim pikinini long opim ai bilong bia botol bilong yu o larim pikinini i kaikai piksa buai long maket. Em nau yu asua pinis. Yu yet yu kamap olsem geit we bilong pikinini i kisim ol drak long laip bilong ol. Yu yet yu statim pasin nogut long pikinini bilong yu.

BERNARD MALLE EDUCATION AND AWARENESS 'Save our Children and Youth from Alcohol and Drug Abuse'



Winim skul Tupela nes i greduet bihain long ol i sindaun long tupela yia kos. Ol i sanap amamas wantaim Nesanel Dipatmen ov Helt Seketeri Dokta Nicholas Mann.

ELC/PNG go insait HIV/AIDS pait

EVANJELIKEL Luteran Sios i go insait long pait egensim HIV/AIDS.

Long las wik, sios i bin lonsim misin ministri polisi progrem bilong em long Lae, Morobe provins. Aninit long dispela ministri, em bai go han na han wantaim Gutnius o Tok bilong God long kari-maut ol aweanes wok long komyuniti.

Bihainim dispela progrem tu, HIV/AIDS Ministri bilong sios ya bai wok wantaim Morobe provinsel gavman long daunim sik AIDS long komyuniti, provins na kantri.

Ol skul mas strongim ol projek long sapatim ol yet

Veronica Hatutasi i raitim

EDUKESEN Seketeri Peter Baki i laikim bai ol skul long kantri i mas kirapim ol projek long helpim kisim mani na sapatim ol wan wan skul bilong ol. Ol i kolim ol dispela "self reliance" projek.

Mista Baki i wokim dispela singaut i go long ol skul bihainim wangepela konfrens bilong ol sinia praimer skul inspekta long Vanimo, Sandaun provins long pinis bilong mun Me.

Mista Baki i tok ol dispela skul i no kirapim yet ol dispela self rilaiens projek long go het na kirapim ol nau bikos dispela bai helpim ol long sait bilong mani long skul i ken operet.

"Ol skul i mas kamap self rilaiens o mekim samting long kisim mani long helpim ol yet.

Ol i mas go hetim ol projek we bai helpim ol long operesen bilong skul na i no wetim tasol gavman long givim ol mani," Mista Baki i tok.

Ol sinia praimer skul inspekta ol bin holim bung long Vanimo na bihain long en, ol bin go raun lukim ol skul long Jayapura, Indonesia we i kari-maut ol projek long helpim ol yet.

Ol bin holim bung ya long Vanimo long go hetim het tok bilong edukesen em "Prosperity through self reliance" we i kam aninit tu long polisi bilong Nesanel Gavman long kantri i kirapim strong wok mani na developmen.

Praimeri skul inspekta Diari Gabina i bin go pas long grup. Em i tok ol bin holim bung

long tripela de na narapela tripela de em ol bin go lukluk raun long ol skul long Jayapura we ol i go hetim ol self rilaiens projek. Raun i go long Jayapura em inapim wangepela agrimen we PNG Edukesen Seketeri na sampela bikman bilong edukesen long Indonesia i bin sainim long wok bung long sampela eria. Moa yet, long vokesenel na teknikel skul.

Dispela kain bung i save kamap long olgeta yia na i save bungim ol sinia praimer skul inspekta long toktok wantaim na senisim ol aidia long wok sait. Na tu, long kamapim gutpela kwaliti long wok bilong givim etvais long ol tisa, komyuniti na skul menesmen bot.

Lukluk raun bilong ol

praimer skul inspekta i bin helpim ol long kisim moa aidia na save long rot we ol skul long Indonesia i menesim ol sel rilaiens projek na taim ol i kam bek long PNG, ol i ken lainim ol narapela na tu, go hetim long ol wanwan skul bilong ol.

Planti skul long PNG i wok long go hetim dispela self rilaiens projek nau. Long Madang provins we 38 skul i karimaut ol projek long helpim ol yet. Long Is Sepik, ol i planim vanilla long kisim mani na sapatim skul. Long Mosbi, planti skul i gat ol kentin na ol i save mekim ol fan resing bilong ol yet tu. Wangepela gutpela piksa em Ward Strip Praimeri skul i bin opim nupela ples kaikai we i bin kostim K42,000 long sanapim.

PNG delegesen bai go long bikipela AIDS bung long Bangkok

HELT Minista Mechior Pep na Seketeri Nicholas Mann bai go pas long delegesen i go long Bangkok, Tailen bilong stap insait long bikipela HIV/AIDS bung neks wik.

Dispela em wangepela bikipela bung stret ol i holim long etresim sik HIV/AIDS.

Mak long PNG delegesen bai go wantaim Minista em 13. Na ol i kam long Helt na ol arapela eria we wok bilong ol i sut long HIV/AIDS.

Dispela em namba 15 Intenesenel Konferens na em i namba wan taim bikipela bung olsem i kamap long Sautis

Esia. Ol toktok long bung bai sut long gutpela rot we ol man i ken kisim long stopim, tritmen bilong sik, saiens na ol arapela risos i ken stap long olgeta man-meri long pait egensim sik nogut ya.

Konferens long Bangkok bai stat long Julai 11 na pinis long de

namba 16. Samting olsem 15,000 deleet ol pipel i kam long 120 kantri long wol bai stap long dispela bung.

Australia na PNG i peim rot bilong PNG delegesen. AusAID i peim rot bilong 11-pela taim PNG i stretim rot bilong ol arapela long grup.

Nupela envaironmen buk long sefti na helt bilong ol pikinini

NUPELA buk i kamap i tokaut long sefti na ol hevi insait long envaironmen we i birua long ol pikinini. Ol bin lonsim nupela Atlas buk long Budapest, kapitel siti bilong kantri Hungari long Yurop. Ol i kolim dispela Atlas long "Budapest Collection".

Wol Helt Ogenasesen i luk-save olsem ol hevi i sut long envaironmen i save kilim moa

long tri milien pikinini aninit long 5-pela krismas long olgeta yia. Long lonsing, aninit long Milenium Gol, WHO i singaut long ol gavman long wol long daunim mak long dai bilong ol pikinini long tu tets reit na taim em i makim em long yia 2015.

Bikman long WHO long Sasteinebol Developmen na Envaironmen i tokaut olsem

Atlas buk i soim long ples klia ol hevi long birua insait long envaironmen we ol pikinini i dai long em. Sampela long ol bikipela birua long envaironmen ol pikinini i kisim sik na dai long en em deti wara i save kamapim sik pekpek wara. Dispela i save kilim moa long 1.6 milien pikinini aninit long 5-pela krismas olgeta yia.



Sampela ol lain husat bai makim PNG long stap insait long bikipela HIV/AIDS bung neks wik long Bangkok.

Victoria em olupela stet bilong Australia


VICTORIA em wanpela stet bilong Australia. Kapitol siti bilong Victoria em Melbourne siti. Victoria em liklik moa long ol narapela stet bilong Australia tasol em i gat longpela histori bilong em yet. Planti manmeri tu bilong kainkain hap long wol i stap long hap na dispela i kamapim kainkain kalsa.

Kepten James Cook bilong Briten i bin painim wanpela hap nambis bilong Victoria long 1770 na ol i bin luksave long ples nau ol i kolim Pot Philip Bei long 1801. Bihain long dispela ol manmeri i go kamap na stap long hap long 1835. Planti i bin go long hap taim ol man i painim planti gol long hap inap olsem 160 yia i go pinis.

Ol siti

Wanwan long ol bikpela siti long Victoria i gat ol samting bilong ol yet we i save givim nem bilong ol olsem ol gutpela ples bilong go na lukim. Kain siti olsem Wangaratta i gat nem long ol at musiem na galeri na ol kainkain musik bilong ol olsem blus na jez na ol i save gat ol musik festival bilong dispela ol musik. Bendigo i gat nem long histori olsem wanpela golmain taun bilong bipo we nau i gat ol musiem i stap long makim dispela na tu planti olupela samting bilong ol Saina olsem wanpela olupela dragon stret ol i bin mekim i stap long musiem bilong ol Saina long hap.


Melbourne bikpela siti bilong Victoria i gat ol bikpela haus bilong singsing opera na i gat planti ol gutpela haus kaikai tu i stap. Narapela popula siti em Geelong na dispela ples i gat nem long stail Botenikol gaden bilong em. Ol i save kisim ol samting long



Wanpela ples bilong kaikai em ol i mekim olsem traipela mama kindam bilong solwara.



Dispela em Aireys Inlet laithaus.



Dispela em wanpela rot antap long ol bikpela ston na i go insait long wanpela hul na bai kamaut long nambis ol i kolim The Grotto long Port Campbell National Park.



Dispela ol hap ston sanap long solwara em ol i kolim 12 Apostles, long Port Campbell National Park.

dispela gaden long wokim ol sop na sempu nambaut.


Ol samting bilong pulim ai

Ol sampela samting bilong pulim ai sapos yu laik go raun na lukim em;

Ol i gat tripela zoo o ples bilong lukautim ol kainkain animel- wanpela em Melbourne Zoo, narapela em Healesville Sanctuary na Werribee Open Range Zoo. Dispela tripela zoo i gat planti kain ol plawa na ol animel i stap long hap we ol i wokim i kamap olsem long asples bilong ol dispela animel stret.

Olpela kalabus bilong Melbourne- Biknem man bilong hap husat i save werim ain long bodi bilong em na stil long ol man, Ned Kelly i kisim mekim save na i dai long 1880. Dispela haus kalabus i kamap olsem wanpela musiem nau na Nesanel Tras bilong Australia long Victoria i lukautim ron bilong en.

Bimbimbe Fauna and Picnic Park- Dispela em Australian Netiv Animel Pak. I gat olgeta kainkain animel bilong Australia i stap long hia long banis. Yu i ken wokabaut insait long bainis ya na givim kaikai long ol



Palamen Haus bilong Victoria Stet Gavman.

kain animel bilong Australia olsem magani, ol wombat, ol emu na bai yu nap tu long lukim planti ol pepsin bilong Australia.

Grampians Nesanel Pak- dispela nesanel pak em wanpela bilong ol gutpela pak stret long Victoria. Em i gat ol gutpela ples bilong sanap na lukluk i go aut, rot bilong wokabaut insait long bus na lukim ol wail animel i stap long as ples bilong ol long bus. Yu ken go tu na lukim Aborijinol Kalsa Senta we bai yu i ken painim aut long histori, na husait ol tru i orijinol as ples lain bilong ples Grampians.

Great Ocean rot- Dispela rot i stap long Ballarat na i gat nem olsem wanpela naispela rot arere long solwara long olgeta hap long wol we i gat ol naispela samting na ples bilong lukluk taim yu draiv bihainim rot i kam. Ol samting bilong lukim em silip bilong graun, ol ston na maunten olsem long ol ples ol i kolim Loch Ard Gorge, London Bridge na biknem samting ol i kolim 12pela Apostels.

Ol sampela gutpela hap long wokabaut long bus em long Dandenongs arasait liklik long Melbourne siti, long Wilson Promontory na klostu long Falls Creek na Mt Hotham we i stap antap long maunten. Bai yu stat wokabaut long Mt Erica klostu long Walhalla na i go kamap long Australian kapitol teritori (ACT). Sapos yu laik raun long wara yu ken go lukim ol lain i stap long wara Snowy, Glenelg o Murray

1st January 1901 Federation

Long Januari wan, 1901, Victoria i bin kamap olsem wanpela stet bilong Australia taim Australia i kisim independens. Bipo em i save stap olsem em yet olsem wanpela independen koloni na em i gat palamen bilong em yet tu.

Long yia 2006 namba 28 (XVIII) Komonwelt Gems bai kamamap long Melbourne, Victoria. Seketeri jenerol bilong komonwelt Donald C Mckinnon i tokaut long mascot o piksa bilong wanem samting husait bai i makim pes bilong dispela ol gem. Nem bilong mascot bilong dispela ol gem, em



Don McKinnon na maskot bilong 2006 Komenwelt Gems Karak.

WANTOK KOMENTRI

Harim krai bilong pipel

OL MEMBA bilong palamen husat i laik senisim gavman bai mekim wanem kain gutpela samting sapos ol i winim vot i nogat bilip?

Dispela askim nau i stap long maus bilong planti manmeri insait long kantri.

As bilong dispela askim i stap long lukluk bilong ol manmeri long ekonomi i wok long strong bek, na wok planti saveman i stap insait long gavman i wok long mekim.

Na i gat wanpela bikpela toktok i kam long maus bilong ol lain husat i laik senisim gavman long bekim dispela askim? Nogat.

Olgeta toktok oposisen i wok long mekim i nogat gutpela as long en.

Pastaim ol i tok olsem ol i laik senisim gavman bilong wanem Sir Michael i tok olsem ol i gat strong inap long winim vot i nogat bilip.

Oposisen i bin askim laik bilong pipel long senisim gavman? Nogat.

Bihain taim palamen i sindaun na sans bilong ol i kamap, ol i senisim gavman tu? Nogat. Bilong wanem? Ol i no bin inap long pasim tok long husat tru ol bai makim long kamap praim minista.

Sapos ol dispela lain i no inap long pasim gut tok long dispela, bai ol i lukautim kantri olsem wanem?

Ol man i go pas long ol i wok long singaut olsem gavman i wok long yusim nesanel palamen long pilai politiks. Na ol yet, ol i mekim wanem samting i stap?

Sapos ol i wok long yusim samting olsem mani long baim ol memba bilong gavman, em ol wanem kain man tru?

Dispela gavman i gat planti saveman bilong PNG politiks i stap long en. Na planti long ol i kisim pinis luksave bilong ol arapela kantri. Ol pipel i gat bikpela bilip long ol dispela lain. Nau, ol manmeri bilong PNG yet i wok long autim tingting bilong ol olsem ol i laikim bai gavman i mas i stap long pinisim 5-pela yia bilong em pastaim. Na sapos ol i no mekim samting stret, orait, bai ol pipel inap long senisim ol long ileksen long 2007.

Dispela toktok long senisim gavman nau i putim long ples klia olsem ol lain long oposisen i mas wari liklik long strong bilong ol long winim ileksen long 2007.

Dispela kain tingting i save kamapim instabiliti na ol pipel yet bai karim hevi.

Oposisen na gavman wantaim i mas harim krai bilong ol pipel. Mipela i stap long taim tru long taim nogut. Sapos dispela gavman i mekim wok stret, larim ol i pinisim taim bilong ol long gavman.

Inap long pilai politiks. Nesanel palamen i no bilong yupela ol memba. Em bilong ol pipel bilong Papua Niugini.

I no bilong mekim mani bilong yu yet. Em bilong mekim ol lo na polisi bilong kamapim gutpela sindaun bilong yumi olgeta.

Olgeta lida nau i stap insait long palamen i mas lukluk long laip bilong ol yet na askim ol yet, "Mi mekim wok bihainim laik bilong ol pipel i votim mi kamap memba o mi laik mekim mani bilong mi yet?"



Jada 07/04

Vot i nogat bilip - yu laikim?

Nau olsem ol toktok i kamap long Oposisen i laik senisim Gavman. Oposisen i tok Gavman i mekim sampela samting olsem em i tokim ol manmeri long baim skul fi ol yet na salim telikom i go long wanpela kampani long Zimbabwe, Anika. Olsem na em i laik kamapim Vot-i-Nogat-Bilip na traim rausim Gavman.

Tasol planti toktok i kamap olsem Gavman i ron gut na ol pipel i nidim ol bikpela samting olsem i gat gutpela rot i stap long ol i go i kam mekim wok bilong ol, ol i gat skul na skul i gat samting long lukautim pikinini bilong ol na ol i gat haus sik na i gat marasin long lukautim ol.

I no lukim husat i stap long gavman na ronim gavman. Sapos Gavman bilong nau i mekim sampela gutpela senis wanem samting moa bai i abrusim dispela maki!

Yu ting wanem? Hia niusman Paul Zuvani i raun na kisim tingting bilong ol manmeri.

1. Graham Frai

Graham Frai i bilong Baimuru long Galp provins na em i Lutheran Pasto long Rothmans, Goroka Isten Hailans provins. Em i kam raun long Pot Mosbi taim Wantok Nius i bungim em.

Em i tok olsem: "Nau yet Oposisen i no kamap wantaim wanpela gutpela as long senisim gavman. Sapos em i gat mipela pipel i mas save pastaim long em i go het long tingting bilong senisim gavman. Sapos Oposisen i nogat gutpela as orait em i mas larim dispela gavman i stap."

Mipela i lukim dispela gavman i mekim sampela gutpela senis, planti long helpim strong bilong Kina. Na sapos gavman bilong nau i ken mekim orait larim em i stap.

2. Newman Mandau

Newman Mandau i bilong Wasu, Morobe provins na em i pasto bilong Laip Line Ministri long Waigani. Em i tok olsem: "Mi no laik gavman i mas senis. Larim dispela gavman i stap."

Mi i no amamas long kain pasin em ol Memba bilong Paliamen i wok long mekim. Ol i tingting long ol yet na ol i no tingting long ol pipel. Gavman bilong nau i mekim sampela senis pinis.

Bilong wanem na oposisen i laik senisim gavman? em i askim. "Mipela pipel i les pinis long kain pasin oltaim ol Memba i save mekim long senisim gavman. Ol gavman bilong bipo i mekim na strong bilong Kina i go daun olgeta na nau Somare gavman i traim long kisim i kam antap. Kain pasin em i hat long mekim tasol Somare gavman i kamapim senis long em."

Sapos olsem orait mipela i mas givim sampela taim pastaim. Nogut long mipela i senisim gavman hariap na bihain bungim hevi gen.

3. Pauline Kelly Giad

Kelly Giad i bilong Amele long Madang provins na em i wok wantaim Steel Industri long Pot Mosbi.

Em i no amamas long ol Memba bilong Paliamen olgeta taim i kamap wantaim vot i nogat bilip long gavman long laik bilong ol. Em i tok olsem: "Somare yet i tok na kantri i kisim Independens na olsem em i save wanem wei kantri i mas i go."

Olsem kantri i mas stap gut na ol pipel i amamas. Na olsem em i save long dispela tingting. Ol gavman bilong bipo i бага rapim kantri na nau Somare i kam bek na i laik traim long stretim.

Tasol nau mipela i harim Oposisen i laik senisim gen. Long wanem as na em i laik

senisim. Mi no laik long kantri i pundaun gen taim gavman i senis," Kelly i tok.

4. Bori Sovoya

Bori Sovoya i bilong Finschafen long Morobe provins. Em i wanpela wokman bilong Steel Industries long Pot Mosbi.

Em i tok olsem: "Mi laikim Somare i mas i stap yet olsem Praim Minista. Dispela long wanem planti politiks i save bagarapim samting. Somare i stap na ikonimi bilong mipela"

i kamap orait liklik, kina i wok long kisim strong. Mi i no laik bai narapela man i kisim ples bilong em na givim hevi ken." Na long tingting bilong surukim taim bilong Vot-i-Nogat-Bilip long 1 1/2 yia i go long tripela yia dispela Sovoya i tok em i orait long wanem em i ting dispela bai helpim taim bilong Somare i stap inap long narapela jenerol ileksen.

"Dispela Somare i mas mekim long wanem em bai strongim em long stap na larim ikonimi bilong mipela i kamap strong," em i tok.

"sapos narapela man i kamap em korapsen bai kamap. Sapos Somare i pinis orait narapela gutpela man olsem em yet bai i mas i kamap Praim Minista."

5. Fabian Aia

Fabian Aia i bilong Tolukuma, Goilala long Sentrol provins. Em i wanpela papa graun bilong Tolukuma Gol Main tasol i lukluk raun taim Wantok Nius i bungim em.

Hia em tingting bilong Aia: "Mi laik Somare i mas i stap yet olsem Praim Minista. Dispela long wanem ikonimi bilong kantri i kamap gut na olsem kina i kisim strong gen."

Sapos narapela man i kisim em bai ikonimi bai go daun. Ikonimi i kamap gut gen long wanem Somare i stap." Sapos ol i laik sensim Somare orait Bill Skate i mas kisim ples bilong em long wanem em i save tingim kantri.

Em i save laik wok wantaim ol pipel na i no save tingting long ol bikpela man tasol. Em i ken kamap Praim Minista. Sapos nogat larim Somare i stap Praim Minista inap long taim em i pinisim taim bilong em. Mi no laikim narapela man i kam na bagarapim ikonimi gen.

6. Philip Boko

Philip Boko i bilong Wabag long Enga provins. Em i no wok long wanpela hap tasol i stap long Pot Mosbi.

Em i autim tingting bilong em olsem: "Mi laikim Luther Wenge long kamap Praim Minista. Dispela long wanem em i honest na trupela man."

Em i no save tingting na toktok long helpim em yet. Nogat. Em i save tingim olgeta manmeri na i save toktok. Bikpela piksa long em i no laikim bai planti wokman bilong Australia i kam na kisim ples bilong ol Papua Niuginim manmeri na mekim ol wok.

Wantaim long dispela em i save pait hat long mekim ol gutpela wok long Morobe provins. Taim samting i go rong Wenge bai sanap na pait long sait bilong ol pipel.

Mi laikim em long kamap Praim Minista. Ol narapela sapos i sanap bai tingim ol yet na olsem planti korapsen samting bai kamap," em i tok.

7. Hanz Mark

Hanz Mark i bilong Goroka, Isten Hailans provins. Em tu i stap tasol long Pot Mosbi. Em i laikim Somare i mas stap Praim Minista yet na olsem em i no laikim narapela man long kisim ples bilong em. "I mas i gat gutpela as long sensim Praim Minista."

Nau olsem ikonimi bilong mipela i kamap gut mi no lukim wanpela gutpela as long ol Memba i sensim Somare. Somare i stap na strong bilong kina bipo i stap long 19 toea na nau i go long 30 toea long pait wantaim dola bilong Amerika.

Sapos Somare i sensim dispela ikonimi bai go bagarap gen. Mi no laikim narapela man long kisim ples bilong Somare," em i tok. "Tasol long tingting bilong Somare long surikim taim bilong Vot-i-Nogat-Bilip long 18 mun i go long 36 mun mi ting i no gutpela."

Long taim Somare i stap em i gutpela.

8. Edward Gabi

Edward Gabi wanpela man bilong ples na i kam salim samting bilong em long maket long Pot Mosbi taim Wantok Nius i bungim em.

Hia em tingting bilong em: "Mi laikim Moses Maladina, Tim Neville o (Sir) Peter Barter long kamap Praim Minista."

Somare i gutpela tasol nau olsem em i lapun pinis na olsem em i mas givim we long narapela man long kisim ples bilong em.

Em i lapun na olsem tingting bilong em sampela taim i ken sot na olsem em i mas givim we long narapela man long helpim em.

Nau olsem Oposisen i makim Peter O'Neil long kamap Praim Minista em i orait tu long wanem em i gutpela man.

Tasol em i mas soim olsem em i ronim gut kantri na i no larim kantri i go bagarap.

WANTOK

Published Weekly, Wednesday, for Word Publishing Company, Ltd.

P.O. Box 1982, Boroko, NCD

Papua New Guinea

Telephone: 325 2500

Fax: 325 2579

Email: word@global.net.pg

Pe bilong wanpela yia
52 niuspepa

Ples:	Air:
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

General Manager
Jeremy Burgess

Editor
Yakam Kelo

Published by Jeremy Burgess and printed by Pacific Star-P.O. Box 6817 Boroko NCD at allotment 13 section 38 Waigani drive, Port Moresby

Word Publishing Company Limited is owned by the four major churches of Papua New Guinea: Catholics 50%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Kainantu taun i nogat divelopmen

Dia Edita
Mi wanpela manki Hagen na mi laik tok tok liklik long Kainantu taun long Isten Hailans provins. Klostu 3-pela yia mi stap long Kainantu na mi no lukim Kainantu i impruv liklik na mi laik askim ol lain K92 olsem wanem taim taun bai senis?

Olgeta man raun long Kainantu i luk olsem leba bilong kopl pientesin wokmanmeri, deti pulap olsem meknet nogat waswas na gutpela dres na tu karim naip na tamiok na salim spak brus ples klia olsem hauslain.

Pait klostu klostu, flawa gaden bus karamapim, rabis i pulap long olgeta hap. Na bikpela samting em olgeta stoa kaikai i dia tumas, ol kaiba i deti na smel pispis olsem toilet. Askim

bilong mi go long yupela ol polis, taun bos o menesa, taun atoriti, klina na taun kaunsel olsem yupela wok o slip na pinisim mani bilong Gavman. Luk olsem yupela pret na slek lain.

Yupela ol K92 na Isten Hailans traim na go long Hagen, Lae, Simbu na Mosbi na lukim long ai bilong yupela. Em ol siti na taun senis o nogat?

Na tu yupela save marit yupela yet i go kam na yupela i no save marit ausait olsem na yupela no klia long kastam na pasin bilong arapela ples. Nau traim na senisim pasin na kirapim taun bilong yupela yet.

**K92 CITIZEN
KAINANTU
ISTEN HAILANS
PROVINS**

Krai long Nakmai, Vulupindi na Sui long wokbung wantaim

Dia Edita
Mi gat bikpela wari long putim long niuspepa o midia bai ol pipel bilong WNB i ken luksave olsem bipo inap nau tripela memba bilong WNB i no save wok bung wantaim.

Sapos yu tripela i wok bung bipo yet bai ol pipel long ples i ken luksave long kala bilong wok bilong yu wanwan memba. Taim yupela i winim sit nogat luksave olgeta.

Insait long Kimbe taun eria planti ol rot i bagarap. Em long haus dua bilong yu tripela stret tasol sapos man i gat ai bai em

i lukim. Ausait long Kimbe, Ubai-Amio rot, Kimbe-Bialla rot, Yamulu bris, Tiauru bris na lwule bris i bagarap na nidim sampela wok long kamap long ol.

Inap yupela tripela i lukim ol dispela rot na bris na wokim sampela senis we bai i stap long taim. Em ol rot na bris tasol we mipela i save yusim long go long Kimbe long salim kakao, kopra, oil pam na wokim ol wok bisnis.

Narapela samting sapos yu tripela i lukim as bilong wokim mani em oil pam. WNB i pulap long oil pam na sapos yu tripela i wok bung yu tripela i ken toktok pait

long nesanel gavman long prais bilong oil pam. Mipela ol grasrut long ples i planim oil pam taim mipela i salim frut bilong mipela i go long Mosa NBPOL kampani i save baim mipela save kisim liklik mani tasol. Bikpela hatwok na tuhat i lus nating. Kampani i gimanim mipela long liklik mani tasol. Plis mi askim Mista Nakmai, Mista Vulupindi na Mista Sui stretim ol hevi na wari bilong mipela ol pipel.

**TONNY LOTESA
KIMBE
WES NU BRITEN PROVINS**

Tupela tingting i kamap long det penalti

Dia Edita
Mi wanpela boi bilong ples Nindukum insait long Angoram distrik, Is Sepik provins. Mi laik putim tingting o askim bilong mi kamap long lukim na bekim bilong yupela long pablik. Em long wanpela lo pipel i wok long tok pait long kamapim olsem wanpela lo insait long konstitusen.

Dispela em long det penalti o lo bilong hangamapim na kilim man husat i save brukim lo na bikhet tumas. Tingting bilong mi i olsem.

Mi sapatim tru dispela lo i mas stap long stopim ol bikhet man tasol long narapela tingting ken kamap olsem. Dai bilong man i save kam long kain kain we. Wanpela rot bilong dai i olsem long pasin bilong ples. Bai ol i wokim sanguma pinis long wanpela gutpela lewa pikinini, susa, brata o gut pren bilong mi. Bihain bai ol i tokim mi long rot bilong sanguma yet olsem, bai mi kisim em i go long katim diwai bilong gaden.

Kirap nogut olsem tamiok bilong mi i

abus long katim diwai na katim nek bilong em. Dispela kain dai bai olsem wanem?

Bai ol i givim mi det penalti? Bai i gat narapela step bilong lo long go yet long dispela? Sapos nogat narapela step o lo, orait maski lusim dispela lo. PNG em i Kristen kantri na em i gat demokrasi rait tu, na i no kominis. Nogut bai yupela tok yesa long kot bilong Bikman Antap.

**HENRY GANJA
NINDUKUM
IS SEPIK PROVINS**

Wantok tok sori long LLG presiden bilong Biwat

Tok sori

Wantok Niuspepa i laik tok sori long Biwat LLG presiden long pas wanpela i salim i kam na kamap long Fonde 1 Julai, 2004. Het tok i sanap olsem i gat presiden bilong Biwat LLG o nogat?

Dispela pas i toktok long memba i save raun long Wewak dring bia, painim meri na amamas raun na i no mekim wanpela gutpela samting long kaunsil eria bilong em. P

residen yet i bin toktok wantaim *Wantok Niuspepa* olsem dispela toktok i no tru na i no stret olgeta. Em i tok tu olsem dispela pas i no kam long Agust Yara bilong Angoram. Em i ting pas ya i kam long sampela politiks lain yet long hap.

Wantok Niuspepa i laik tok sori long nem nogut o tingting nogut ol pipel bai i gat long lida ya. Lida yet i tok dispela toktok i no tru na i no stret olgeta.

**Edita
Wantok Niuspepa**

Meri i gat rait long putim trausis

MI WANPELA sumatin bilong UPNG na mi save ridim *Wantok Niuspepa* olgeta taim.

Mi lukim olsem planti man wok long komplek long ol meri putim 6 poket na jin trausis. Mi ting ol man i rong. Mipela lukim olsem PNG i senis pinis.

Ol waitmeri isave putim trausis so larim ol meri PNG tu i

putim trausis. Mi bilip strong olsem meri i gat rait long putim trausis.

PNG i laik muv i go insait long pasin bilong waitman olsem na yumi noken stopim.

Tingim sapos yu karim meri bilong yu i go long ol polar rison o long ol desat ples long Africa na tokim ol long putim longpela

dress bilong ol. Em bai sem pasin olsem na yupela ol man i mas tingim na skelim pastaim long yupela tromoi tok i go kam.

**KEPELAM TANGE (YAN-DAPON)
UPNG**

Baibel i no tok long meri werim trausis

Dia Edita

Mi wanpela manki Morobe, na mi stap long PTC long Lae. Mi gat tok na mi laik bekim pas bilong susa Joylyn Pamba.

Em tok olsem 'Werim trausis em nomol'. Tasol sapos yu lukluk gut long tok bilong God em i ken soim yu klia. God i gat wanem tok long dispela pasin. Nau planti meri long kantri i lusim pinis sket na klos bilong ol yet na ol wok long baim trausis bilong man. Na dispela i kamap olsem pasin bilong arapela kantri.

Long dispela pasin bilong meri i werim trausis i kamapim planti hevi long ol yet, olsem; man i pundaun long sin na bagarapim meri, meri yet kirapim tingting bilong man long wokim reip pasin, man i askim meri i

no laik, dai i save kamap, sik AIDS i bihainim dispela rot, marit i bruk na meri kamapim pikinini nogat papa.

Ol dispela hevi i kamap insait long pasin bilong werim trausis na bikhet. Dispela em nomol dressing o nogat? Yu tok olsem 'dispela graun i pulap long sin'. Tasol yu save husat i as bilong kamapim sin? Em yu meri yet i stap olsem dua bilong sin.

Lukim gut tok long Baibel istap long Stat 3: 6-13. Yu husat meri laik agensim o sapatim mi, yu tingting gut na skelim yu yet wantaim pouns bilong mi na ol Baibel ves pastaim orait yu rait i go long *Wantok Niuspepa* na bai mi amamas tasol long lukim.

**NATAKE MATAYO
LAE
MOROBÉ PROVINS**

Kondom save kirapim pasin pamuk

Dia Edita

Mi yet mi wanpela boi na mi no save amamas long harim ol toktok bilong kondom i save kam aut long radio na lukim long EMTV. Bikos taim ol i putim dispela ol toktok i kam aut, dispela em olsem ol i promotim pasin pamuk.

Olsem na pasin pamuk em i wok long kamap bikpela na marit tu i wok long bruk. Sapos yu lukluk gut bai yu save olsem dispela sik em kamap long man nogut bikos em les long em wan i stap long paia olsem na dispela sik kamap.

Sapos yu ridim Baibel long Rom 6: 23 bai yu painim aut olsem pei bilong sin em dai tasol. Olsem na mi laik tokim dispela ol man o meri i save putim kamap ol tok tok olsem, plis yu laik painim poroman bilong yu askim Papa God tasol bikos em as bilong olgeta nid bilong yumi.

**TEE E
LAE
MOROBÉ PROVINS**



Salim pas i kam long
WANTOK
Niuspepa
P.O. Box 1682, Boroko, PNG

Tok giaman long taim bilong kempein

Dia Edita
Mi laik agensim kendidet olsem taim bilong kempein yupela i save giaman grisim mipela ol pipel long ples o kantri olsem yupela votim mi sapos mi kisim sia bai mi tingim yupela long fri mani. Tasol nogat tru yupela i mekim mipela ol pipel olsem longlong. Mipela i putim X na

taim yu kisim sia yu save olsem poket bilong yu bai pulap long mani. Tasol mipela ol trangu mipela i lus stret long giaman bilong yu. Kain olsem yu giaman mipela long bun tasol. Samting tru em mit i bilong yu stret. Yu mas openim gut tingting bilong yu na wokim gut politiks bilong yu. Politiks

bilong yu i mas karim gutpela kaikai.

Komplek bilong mi i go long yupela ol kendidet long Papua Niugini. Em tasol husat i sapatim o agensim mi rait i kam na bai mi lukim.

**ALPET SENSEN
KIMBE
WEST NU BRITEN
PROVINS**

Yu stap long sait bilong husat?

Dia Edita
Mi laik bekim toktok bilong M.J. Martin i kamap long *Wantok Niuspepa* bilong Julai 1, 2004.

Brata mi no save yu stap long wanem sait nau na yu raitim dispela pas. Sapos yu wanpela papagraun bilong Popondetta bai yu stap wantaim mipela. Brata i no gat wanpela kontrak o agrimen tripela grup i sainim. Tupela grup em gavman na kampani tasol i sainim.

Brata yu tok long gavman na kampani long givim spin-of bisnis na mani winim ol arapela kampani long Madang provins na PNG ating em toktok bilong Menesing Dairekta Pete Celco na yu no lukim long ai bilong yu yet.

Brata kisim balus/sip/ka na yu kam bai yu lukim olsem 6 pela man tasol i

gat ol spin of we klen na komyuniti bilong mipela olgeta i no save long en.

Holi Maia singim pinis, "YU YET KAM NA LUKIM" na noken harim tok bilong wanpela Kongkong o waitman na pairap hariap.


Yu wanskin orait yu mas helpim long sapatim ol arapela papagraun long kisim bek risoses bilong ol, maski em bagarap o istap gut.

Tenkyu long harim bilong yu sapos yu egensim o sapatim, lukim yu long pepa bilong yumi stret em *Wantok Niuspepa*.

**FRANCIS GEM
SIAMAN IDAWAD
SEG PAPAGRAUN GRUP
MADANG PROVINS**


Sharapova kamap namba wan meri Rasia long winim Wimbledon

Rasia:
 MARIA Sharapova husat i gat 17 krismas tasol, i bin kamap namba wan meri bilong Rasia long win long gren fainel bilong ol meri long namba wan bikpela tenis resis long wol ol i save kolim Wimbledon Sempionsips we i save kamap long London, Englan, long olgeta yia. Sharapova i bin winim Serena Williams bilong Yunaited Stets ov Amerika (U.S.A) kisim dispela biknem. Long gren fainel bilong ol man, Roger Federer bilong Swisalan i bin winim Andy Roddick bilong U.S.A.
 Long poto Sharapova (lephan) i sanap wantaim Federer (rait) wantaim ol prais bilong ol.



Gris winim Yuropien Sempions Lig soka resis

Gris:
 SAMPELA pilaia bilong nesanel soka tim bilong Gris i amamasim win bilong ol egensim Portugal long Yuropien Sempions Lig soka resis we i save kamap olgeta yia namel long ol kantri bilong Yurop. Long dispela yia dispela resis i bin kamap long Portugal, tasol tim bilong kantri husat i bin holim resis i go daun egensim Gris, 1-0 long gren fainel we i bin kamap long Mande.




Armstrong mekim gut long bikpela resis bilong wilwil

Frans:
 LANCE Armstrong (namba tu long lephan) bilong Yunaited Stets ov Amerika (U.S.A) i ron namel long ol narapela long bikpela resis bilong wilwil we i save kamap long Frans. Em i wok long mekim gut tru.
 Poto: AFP/Joel Saget




Resis long kaikai hot dok

Yunaited Stets ov Amerika:
 TAKERU Kobayashi i giman long kaikai hot dok o sosis insait long bret long dispela poto.
 Em i bin winim wanpela resis we wanpela i mas kaikai moa hot dok long ol narapela.
 Poto: APIMary Altaffer



Birua gen

Palestain:
 SAMPELA lain i karim wanpela man Palestain husat i kisim bagarap i go long haus sik. Bagarap i bin bungim dispela man taim wanpela woa helikopta bilong ol Israel i bin sutim ol bom long Gaza long Julai 4, 2004.
 Poto: Suhaib Salemi/Reuters



Helpim ol laion

Afrika:
 OL ANIMOL ol i save kolim laion, king bilong olgeta animol, i wok long dai isi isi na bai pinis olgeta sapos ol pipel i no mekim wanpela samting long helpim ol. Ol fama long Afrika i save kilim ol long wanem ol i save kilim ol makau o meme bilong ol. Sapos ol pipel i no painim wanpela gutpela we long stap wantaim ol laion, bai ol dispela animol pinis olgeta long graun. Long poto, man laion i sanap long rait na meri laion ol i save kolim laiones i silip long lephan.



Israeli ami kilim Balata refuji

Israel:
 WANPELA manki Palestain i holim pasim bodi bilong Mahmoud Lahwani long Balata refuji kemp klostu long West Beng siti bilong Nablus long Julai 4, 2004. Israeli ami i bin sutim dai Lahwani wantaim gan taim ol lain long kemp i bin pait wantaim ol.
 Poto: Abed Omar Qusini/Reuters

Pait i no pinis long Irak



Irak:
 WANPELA paitman i makim wanpela bom long Irak. Kros i stap long Yunaited Stets ov Amerika (U.S.A) na ol kantri husat i bin wok wantaim em long woa olsem Englan na Australia na sampela ripot i tok olsem moa pipel i wok long wok bung wantaim ol grup bilong ol paitman ol kamap ol paitman ol yet bikos long dispela.
 U.S.A i bin givim pawa bilong edministresen bilong Irak i go bek long wanpela nupela gavman bilong Irak na Saddam Hussein tu, bipo lida bilong ol, i wok long sanap long kot long Irak yet, tasol pait i no pinis, na planti i bilip bai i kisim planti yia moa bipo long pinis bilong dispela hevi.
 Poto: AFP/FILE/Issam Al-Sudani



Paia bagarapim ples

Alaska:
 PAIA i kirap kiostu long Steese Haiwe, we wanpela trak i wok long ron long en, long not bilong Fairbanks, Alaska, long Sarere, Julai 3, 2004. Haiwe i pas bikos long dispela paia we i kukim bikpela hap graun na i bin mekim planti pipel lusim ol hap ol i stap long en. Ol manmeri husat i save mekim wok bilong daunim na kilim ol dispela paia i wok long wok yet long daunim na kilim ol paia klostu long ol haus long haiwe.
 Poto: AP/AL Grillo



Taekwando bikpela long olgeta hap bilong wol

Australia:
 SPOT bilong Taekwando we i wok long kamap strong na bikpela long Papua Niugini i strong long planti narapela hap bilong wol. Long dispela poto tupela palta i mekimsave i stap.

Kofi gaden em "nesenel palamen" bilong ol Hailans

Sindaun bilong ol manmeri long Hailans i pas strong long kofi gaden bilong ol. James Kila i stori olsem kofi tasol i save tok na ol manmeri i ken baim skul fi, mekim bisnis, baim klos na kaikai.

KOFI gaden em "Nesenel Palamen" bilong ol liklik manmeri long ol ples na haus-lain insait long distrik na provins long Hailans rijon.

Kofi gaden tasol i tok na ol manmeri i ken mekim baset o mani plen long baim skul fi, mekim liklik bisnis, baim siot na trausis na tu baim rais, tinpis na sop na plet na sospen. Kofi gaden tasol i sanap olsem "Minista bilong Fainens na Treseri" bilong ol liklik manmeri long ples.

Dispela em wampela strongpela toktok tru Memba bilong Unggai-Bena, Benny Allan i bin mekim na Siaman bilong Sayafa Kofi Groas Koporetiv bilong Megunagu viles i sapotim em tru.

Long Hailans rijon long taim bilong "6-mun" o kofi sisen taim bai yu lukim ol manmeri long ples na haus-lain i mekim planti ol wok bilong ol. Dispela em bikos kofi bilong ol i mau na redi na ol bai salim long kisim mani na mekim ol wok bilong ol.

"Taim 6-mun o kofi sisen i kamap, dispela em taim bilong mekim ol wok insait long haus-lain. Tasol dispela tingting mipela i laik senisim liklik na mekim olsem kofi em i mas gat bikpela luksave olgeta taim long laip bilong mipela ol manmeri bilong Bena" Mista Charles Bafo Robinson, husat em siaman bilong Sayafa Kofi Groas Koporetiv i tokaut.

Megunagu viles i stap insait long apa-Bena eria long Unggai-Bena distrik long Isten Hailans provins.

Las wik Tunde i bin lukim wampela bikpela wok kamap long dispela rurel viles taim ol kofi famas long dispela viles i lonsim nupela koporetiv grup bilong ol. Nem bilong dispela grup em Sayafa Kofi Groas Koporetiv.

Dispela bikpela selebretin long taim bilong lausing i lukim planti tausen manmeri i bin kamap na lukim ol manmeri i bilas na singsing na amamas. Memba bilong Unggai-Bena, Benny Allan i bin kamap long dispela bung na i lonsim Sayafa Kofi Groas Koporetiv.

Wampela gutpela samting long dispela Sayafa Kofi Groas Koporetiv em olsem ol manmeri long ples yet i bin tingting long kirapim wampela samting long kamapim senis insait



Unggai-Bena MP, Benny Allan i lonsim sain bilong Sayafa groas koporetiv.

long hauslain bilong ol long helpim sindaun bilong ol long nau na long pikinini bilong ol long bihain taim."

Dispela fama grup i bin stat long mun Novemba 2003. Dispela i bin kamap bihain long wampela ofisa bilong Kofi Industri Koporesin (CIC), Bernard Goma i bin go na sindaun na givim gutpela tingting long ol manmeri long ples long ol gutpela rot long salim kofi na kisim gutpela prais long helpim sindaun bilong ol manmeri long ples.

Dispela bung i bin kamap wampela de tasol. Tasol em i kirapim bel na tingting bilong ol famas long dispela ples long gohet na painim gutpela rot long helpim ol yet.

Bihain long ol manmeri long ples i bung pinis ol i kamap wantaim wampela tingting long kirapim wampela grup long helpim ol long maketim kofi bilong ol i go aut na tu long kisim gutpela prais. Olsem na ol lain long ples yet i makim sampela lain long sanap olsem eksekutiv bilong ol. Ol i makim wampela man Charles Bafo Robinson olsem siaman, deputi siaman em Naha Kamuta, seketeri



Ol meri Bena i amamas na bilas singsing wantaim san-glas long pes.

em Robin Noraia na tresera em Steve Bauka.

Dispela eksekutiv i gat ol komiti i wok insait long ol liklik hauslain namel long ol famas long mekim wok long bungim kofi. Ol komiti ya i wok long ol liklik klens olsem Safa, Krasafa, Kinagu, Lupulo, Savonuga, Sigifaro, Itipiga, Kusagu, Botari, Niu Blok na Bayagu.

Siaman Charles Bafo Robinson i tokaut olsem bikpela tingting bilong ol em long ol fama na ol liklik manmeri long ples i ken kisim gutpela prais long kofi bilong ol taim ol i salim. Olsem na taim dispela tingting bilong koporetiv i kamap hariap tasol ol i kisim na bihainim tingting long wok bung wantaim na kamapim wok.

Sayafa Koporetiv i bin tokaut long gutpela tingting bilong ol long ofis bilong Unggai Bena memba na em i givim ol K1000 long sapotim wok bilong ol.

Long las wik tunde, memba Benny

Allan i givim ol K2000 na 40-lita raund-ap marasin long helpim ol lain famas long stretim ol kofi gaden bilong ol long ples.

"Bifo ol tumbuna na papamama bilong mipela i save salim kofi nating nating long ol rot-sait bayas na i no save kisim gutpela moni."

Siaman bilong PNG Kofi Groas Asosesin, Roderick Fonovee i givim salens i go long ol lain Sayafa groas koporetiv long mekim gut wok na tu lukautim gut ol moni ol i kisim long kofi long sevim gut long liklik manmeri long ples na hauslain.

Mista Fonovee i tokaut olsem i gat planti ol kain kain grup i wok long kamap long traim mekim wok bilong salim kofi na kisim gutpela prais. Tasol i mas gat gutpela lidasip na tu ol dispela lida husat i go pas long ol grup i mas gat gutpela tingting long pasin bilong daunim ol yet na mekim gutpela wok long trupela Kristen pasin long helpim ol liklik manmeri long ples.



Bikpela mumu kaikai na planti pik i kapsait long Megunagu. Ol foto: JAMES KILA

Helpim ol yut lusim pasin bilong smokim drag

...Intenesenel Wol Drag De i bin kamap long las wiken

Bernard Malle i lukluk long dispela spak brus we i save bagarapim sindaun bilong ol yangpela.

MI LAIK rait na mekim ol pablik i mas lukluk na tingim de bilong Wol Drag De long Jun 26.

Mi wanpela ol man husat i save lukim na wari tru long ol kainkain hevi i wok long bungim ol yangpela bilong yumi. Mi tok long ol yut tasol.

Sapos yu sindaun gut na lukluk bai yu sori tru long ol pikinini bilong Papua Niugini bilong wanem:

1. I luk olsem nogat wok i redi i stap bihain long ol i pinisim skul.
2. Planti ol i stap i lus tingting pinis long ol bilong wanem hap bilong kantri o famili bilong ol.
3. Niuspepa na redio i save stori long ol yangpela i mekim raskol na stilim ol samting na kilim ol man i dai nating.
4. Planti ol i go insait long pasin bilong smokim drag na dring alkohol.

Mi laik tokaut long yumi olsem wari bilong lukautim ol yut em i stap long wanwan bilong yumi olgeta.

Ol gavman, polis, Koreksenel Sevis (CS), ol sios na ol papamama i gat dispela bikpela wok bilong lukautim ol pikinini na mekim ol i kamap stretpela na gutpela manmeri bihain.

Ol setelmen long ol biktaun long Papua Niugini i olsem wanpela bikpela hauslain bilong planti manmeri.

Ol manmeri i stap long setelmen i kam long kainkain ol ples insait long kantri.

Dispela i mekim na planti ol pikinini i no lainim gut ol gutpela tumbuna pasin na skul bilong lukautim gut bodi bilong ol yet.

Papamama tu i nogat strong na pawa bilong lainim ol bilong wanem ol i olsem "lus lain" i stap nabaut

nabaut.

Bikpela wari bilong mi i go long ol pikinini. Olsem wanem tru nau. Bikos mi yet save lukim planti yut ol i wok long kisim taim nogut long han bilong polis na ol kot. Ol yut nau i kamap olsem nambawan birua bilong kantri. Ol i kamap olsem wanpela soka bal bilong kikim i go i kam tasol. Ol i no olsem man God i givim long papamama long lukautim bambai ol i kisim ples bilong ol bihain na skurim wok antap long dispela graun i go moa yet.

Wanem samting tru i paulim ol yangpela long kisim gutpela tingting na save?



Wanpela i smokim spak brus.



Taim ol atoriti i save painim spak brus ol i save bungim na kukim olsem long dispela poto.

Mi lukim planti yut i dai pinis. Ol i dai yangpela yet, sampela ol i sik, sampela ol kamap longlong. Tasol mi laik bai yu lukim ol dispela samting na tingim.

Planti yut ol i save simuk mariwana o spak brus. Na mariwana em i wanpela smok nogut na i save bagarapim man. Yu papamama na ol lain - yu lukim pikinini bilong yu i smok mariwana nau. Yu save stopim em o nogat? Em i wok bilong yumi olgeta long stopim ol.

Taim yangpela i kisim mariwana, smok nogut i save i go insait long het bilong ol na ol i save paolim kru bilong ol. Dispela i mekim na ol yangpela i ting olsem ol i kisim strong inap long mekim kainkain samting.

Long kain taim olsem, ol i save mekim pasin holap, stilim ol samting o bagarapim ol meri.

Na taim ol yangpela meri i kisim mariwana ol i kisim strong long mekim pasim pamuk - long wanem ol i no pret long kisim sik o sem long dispela pasin nogut. Mariwana i save rausim pasin sem na pret. Em i save giaman planti manmeri.

Diwaj mariwana em i posin. Tasol em i gro long graun. Planti ol manmeri husat i groim na kamapim

mariwana ol i laikim mani. Tasol wanpela samting i save mekim mi i wari em taim ol yangpela i smokim posin ol arapela i givim long ol.

Em bilong wanem planti ol manmeri i save groim na kamapim simuk mariwana ol yet i no save smokim.

Ol i save olsem dispela i posin na ol bai i kisim taim nogut.

Long dispela de bilong Egensim Drag Abiyus, Jun 26, mi laik singaut i go long yangpela long noken smokim mariwana. Tambu tru long em. Em i nogut na bai bagarapim yupela.

Mi laik singaut tu i go long yupela ol man long ples. Ol fama bilong mariwana - plis noken groim dispela posin diwai.

Planti ol yangpela yut i smokim dispela smok na ol i kisim bagarap pinis. Tingim laip na sindaun bilong Papua Niugini bihain na noken kamapim gen mariwana long gaden bilong yu.

Mipela singautim ol papamama, na ol waspapa na wasmama long lukautim gut na banisim ol pikinini bilong yu long smok mariwana.

Em i ken bagarapim sindaun bilong yu. No ken pret long stopim ol pikinini long mekim rong. Smok mariwana em i rong olsem na yu mas stopim ol.

Singaut i go long ol wokmanmeri bilong sios, ol katekis, sios lida, na ol pasto long sukurim wok bilong stopim mariwana i go long olgeta hap bilong Papua Niugini.

Em i singaut bilong God long yu long mekim dispela wok. Sapos yu larim dispela wok long han bilong gavman tasol em i no inap. Dispela tu em i wanpela wok bilong yu.

Sapos yumi olgeta i bung wantaim na mekim wok bilong stretim sindaun bilong yangpela long kainkain hevi i laik bungim ol orait em i olsem yumi i bekim gut dispela singaut bilong yumi long stap long dispela graun.

- Bernard Malle i wok wantaim Save our Children and Youth Against Alcohol and Drug Abuse(SOCAY) long Pot Mosbi.

Ol Sacred Heart Bruder i go pas long dispela ogenaisesen long helpim ol yut egensim ol sosel hevi na HIV/AIDS.



Wanpela i rolim spak brus o mariwana we i wanpela drak we planti yangpela long kantri i save smokim.

Musik insait long misa

Theodorus Tulasi i raitin

PLANTI taim ol manmeri bilong Katolik Sios i no save singsing gut long taim bilong misa. Na tu, planti manmeri i no save gut long wanem kain singsing mipela mas singsing long taim bilong misa.

Wanpela pater na musik man bilong Australia i bin kam long Goroka long namba 21 de bilong mun

Jun long givim skul long planti manmeri long Young Christian Hall long Goroka long Isten Hailans provins.

Em i Pater Frank Anderson, MSC. Em i bin givim skul long ol Katolik long stretpela rot long singsing gut insait long misa.

"Misa na musik mas wok wantaim. Musik i mas ron gut na sapatim misa. Sapos musik o singsing i nogut, moabeta misa i nogat

musik. Noken painim planti singsing, tu o tripela singsing inap tasol long singsing wantaim amamas na bel isi.

"Misa i namba wan olsem na musik i mas sapatim na helpim misa. Musik i noken paulim misa," Pater Frank i tok.

Pater Frank i bin wokim planti singsing long Katolik Sios. Wanpela singsing bilong em i olsem, "Father In My Life I See" na sampela singsing moa.



• Pater Frank i paitim gita na singsing long skulim ol manmeri bilong Katolik Sios.

TRADE-IN ANY OLD ELECTRICAL ITEM FOR A NEW TV!

BRING IN ANY OLD ELECTRICAL ITEM TODAY AND SAVE ON A NEW TV!

DEPOSIT K1,000 *Tasol*

STATE OF ORIGIN AT COURTS

TOSHIBA 21S23E
21" FLAT SCREEN TV #103786
• dynamic bomba sound system • game entertainment
• front AV input • multi system • remote control

FREE DVD VIDEO

TOSHIBA SD2950
DVD PLAYER #114817
WORTH K1,299

K1,499 CASH
K1,749 REGULAR
K63 FORTNIGHTLY

the lowest deposit is back again!

YOU CAN HAVE ANYTHING IN YOUR HOME NOW!

DEPOSIT K1,000 *Tasol*

CONDITIONS APPLY

JUST ARRIVED

ENZER ETV21-148N
21" COLOUR TV #103788
• PAL BG/DK/1 • NTSC playback • AV stereo and AV IN/OUT • auto-search, search, shut-off functions

DEPOSIT K1,000 *Tasol*

K799 CASH
K195 FORTNIGHTLY

SAVE K2,954

PHILIPS 34PT4873
34" COLOUR TV #107718
• teletext
• smart picture/sound
• incredible sound™
• contrast plus

REG. PRICE K5,745

DEPOSIT K1,000 *Tasol*

K4,995 CASH
K195 FORTNIGHTLY

FREE VCR

PHILIPS VR730/55
VIDEO CASSETTE RECORDER
WORTH K845

WITH EVERY PURCHASE OF A PHILIPS 34" TV #107718

JUST ARRIVED

ENZER E4398
VCD PLAYER #114818
• video CD/CD/MP3 compatible - full digital karaoke
• LCD display • 9-screen view • PAL/NTSC switch
• real time search • remote control • still pictures enlarging

DEPOSIT K1,000 *Tasol*

K299 CASH
K47 FORTNIGHTLY

SAVE K70

PHILIPS VCD10021M
VCD PLAYER #114810
• VCD, MP3, CD playback • 9 scan preview
• on-screen display • karaoke with 2 mic connections
• easy to set up • RCA cables included • remote control

REG. PRICE K599

DEPOSIT K1,000 *Tasol*

K529 CASH
K28 FORTNIGHTLY

JUST ARRIVED

ENZER E5128
DVD PLAYER #114828
• progressive scan compatible with DVD, SVCD, DVCD, VCD, CD, MP3
• sharp picture quality • remote control

DEPOSIT K1,000 *Tasol*

K499 CASH
K24 FORTNIGHTLY

WIN!

SHOP BEFORE 30TH OF SEPTEMBER TO WIN FANTASTIC "DREAM PRIZES" IN OUR GOLD RUSH 2ND QUARTERLY DRAW!

YOU'VE GOT TO BE IN IT TO SPIN AND WIN!

K600,000.00 WORTH OF CASH AND PRIZES!

Just spend **K50** at any Courts Superstore near you, to "live your dreams" in one of the Big Prize draws!

GOLD RUSH *Live your dream!*

INSTANT CREDIT APPROVAL (CONDITIONS APPLY)

REQUIREMENTS

COURTS

SWITCH ON TO POWERHOUSE STIMULATE YOUR SENSES

PEIM ISI *Dual Plus*

PAPUA NEW GUINEA'S FAVOURITE FURNITURE AND ELECTRICAL SUPERSTORES

COURTS GORDONS Spring Garden Road, Gordons Phone: 302 5808 • Fax: 325 4149	COURTS LAE Milfordhaven Road, Lae Phone: 472 4800 • Fax: 472 4621	COURTS GOROKA Fox Street, Goroka Phone: 732 2033 • Fax: 732 2063	COURTS MT HAGEN Hagen Drive, Mount Hagen Phone: 542 1401 • Fax: 542 3517	COURTS MADANG Beckles Plaza, Manulan Street Phone: 852 3711 • Fax: 852 3612
---	--	---	---	--

CATHOLIC RADIO schedule

Time	Program	Time	Program
6:00	ANGELUS	6:00	ANGELUS
6:05	MEDITATION/INSPIRATIONAL MUSIC	6:05	MEDITATION/INSPIRATIONAL MUSIC
7:00	VATICAN RADIO WORLD NEWS	7:00	VATICAN WORLD NEWS
7:15	VATICAN ENGLISH PROGRAM	7:15	VATICAN ENGLISH PROGRAM
7:35	NON-STOP GOSPEL MUSIC	7:35	NON-STOP GOSPEL MUSIC
8:00	JOURNEY HOME (EWTN)	8:00	NON-STOP GOSPEL MUSIC
9:00	VATICAN RADIO WORLD NEWS	9:00	VATICAN RADIO WORLD NEWS
9:15	VATICAN ENGLISH PROGRAM	9:15	VATICAN ENGLISH PROGRAM
9:40	KIDS SING-ALONG	9:35	KIDS SING-ALONG
10:00	CATHOLIC JUKEBOX	10:00	CATHOLIC JUKEBOX (EWTN)
10:30	GOSPEL MUSIC	10:30	NON-STOP GOSPEL MUSIC
11:00	NON-STOP GOSPEL MUSIC	12:00	ANGELUS
12:00	ANGELUS	12:05	VATICAN WORLD NEWS
12:05	VATICAN WORLD NEWS	12:20	VATICAN ENGLISH PROGRAM
12:20	VATICAN ENGLISH PROGRAM	12:40	REFLECTION MUSIC
12:40	REFLECTION MUSIC	1:00	THE WAY TO FOLLOW JESUS
1:00	LAMB'S SUPPER WITH DR. SCHOTT HAHN	1:30	GOSPEL MUSIC
2:00	MUSIC	3:00	CHAPLET OF DIVINE MERCY
3:00	CHAPLET OF DIVINE MERCY	3:20	NON-STOP GOSPEL MUSIC
3:20	NON-STOP GOSPEL MUSIC	4:00	CATHOLIC JUKEBOX (EWTN)
4:00	CATHOLIC JUKEBOX (ENCORE)	4:30	NON-STOP GOSPEL MUSIC
4:30	NON-STOP GOSPEL MUSIC	5:00	MESSAGE IN MUSIC
5:00	JOURNEY HOME	6:00	ANGELUS
6:00	ANGELUS	6:05	VATICAN ENGLISH PROGRAM
6:05	MADANG LOCAL NEWS	6:30	MANY FACES OF MARY
6:10	VATICAN ENGLISH PROGRAM	7:00	HOLY ROSARY
6:30	LAMB'S SUPPER WITH DR. SCHOTT HAHN	7:30	BENEDICTION
7:00	HOLY ROSARY	8:00	VATICAN WORLD NEWS
7:30	CATHOLIC INSIGHT	8:15	CRN LOCAL NEWS
8:00	VATICAN WORLD NEWS	8:30	VATICAN ENGLISH PROGRAM
8:15	MADANG LOCAL NEWS	9:00	BEST OF JOURNEY HOME
8:30	VATICAN ENGLISH PROGRAM	10:00	CATHOLIC JUKEBOX (EWTN)
9:00	TOK STRET LONG HMAIDS	10:30	VATICAN ENGLISH PROGRAM
10:30	VATICAN ENGLISH PROGRAM	11:00	NON-STOP GOSPEL MUSIC
6:00	ANGELUS	6:00	ANGELUS
6:05	MEDITATION/INSPIRATIONAL MUSIC	6:05	MEDITATION/INSPIRATIONAL MUSIC
7:00	VATICAN WORLD NEWS	7:00	VATICAN WORLD NEWS
7:15	VATICAN ENGLISH PROGRAM	7:15	VATICAN ENGLISH PROGRAM
7:35	NON-STOP GOSPEL MUSIC	7:35	NON-STOP GOSPEL MUSIC
8:00	RADIO ST. JOSEPH PRESENTS	8:00	NON-STOP GOSPEL MUSIC
9:00	VATICAN WORLD NEWS	9:00	VATICAN RADIO WORLD NEWS
9:15	ENGLISH PROGRAM	9:15	VATICAN ENGLISH PROGRAM
9:35	KIDS SING-ALONG	9:40	KIDS SING-ALONG
10:00	CATHOLIC JUKEBOX	10:00	CATHOLIC JUKEBOX
10:30	NON-STOP GOSPEL MUSIC	10:30	GOSPEL MUSIC
12:00	ANGELUS	12:00	ANGELUS
12:05	VATICAN WORLD NEWS	12:05	VATICAN WORLD NEWS
12:20	VATICAN ENGLISH PROGRAM	12:40	REFLECTION MUSIC
1:00	OUR FATHER'S PLAN	1:00	SUPER SAINTS
1:30	AFTERNOON GOSPEL MUSIC	1:30	GOSPEL MUSIC
3:00	CHAPLET OF DIVINE MERCY	3:00	CHAPLET OF DIVINE MERCY
3:20	NON-STOP GOSPEL MUSIC	3:20	NON-STOP GOSPEL MUSIC
4:00	CATHOLIC JUKEBOX (EWTN)	4:00	CATHOLIC JUKEBOX
4:30	NON-STOP GOSPEL MUSIC	4:30	NON-STOP GOSPEL MUSIC
5:00	WAVE FACTOR (EWTN)	5:00	RADIO ST. JOSEPH PRESENTS
6:00	ANGELUS	6:00	ANGELUS
6:05	VATICAN ENGLISH PROGRAM	6:05	ATAPE LOCAL NEWS
6:30	FATIMA	6:10	VATICAN ENGLISH PROGRAM
7:00	HOLY ROSARY	6:30	MOTHER OF REDEEMER
7:30	STATIONS OF THE CROSS	7:00	HOLY ROSARY
8:00	VATICAN WORLD NEWS	7:30	SUPER SAINTS
8:15	CRN LOCAL NEWS	8:00	VATICAN WORLD NEWS
8:30	VATICAN ENGLISH PROGRAM	8:15	ATAPE LOCAL NEWS
9:00	TOK STRET LONG HMAIDS	8:20	VATICAN ENGLISH PROGRAM
10:00	CATHOLIC JUKEBOX	9:00	TOK STRET ABOUT HMAIDS
10:30	VATICAN ENGLISH PROGRAM	10:00	CATHOLIC JUKEBOX
11:00	NON-STOP GOSPEL MUSIC	10:30	VATICAN ENGLISH PROGRAM
6:00	ANGELUS	10:50	NON-STOP GOSPEL MUSIC
6:05	MEDITATION/INSPIRATIONAL MUSIC	6:00	ANGELUS
7:00	OUR FATHER'S PLAN	6:05	MEDITATION/INSPIRATIONAL MUSIC
7:30	CROSSROADS (EWTN)	7:00	VATICAN WORLD NEWS
8:00	VATICAN WORLD NEWS	7:15	VATICAN ENGLISH PROGRAM
8:15	VATICAN PROGRAM	7:35	NON-STOP GOSPEL MUSIC
8:35	MUSIC	8:00	SCRIPTURE MATTERS WITH DR. SCHOTT HAHN (EWTN)
9:30	BACKSTAGE (EWTN)	9:00	VATICAN WORLD NEWS
10:00	WAVE FACTOR	9:15	VATICAN ENGLISH PROGRAM
11:00	NON-STOP GOSPEL MUSIC	9:35	KIDS SING-ALONG
12:00	ANGELUS	10:00	CATHOLIC JUKEBOX
12:05	VATICAN WORLD NEWS	10:30	NON-STOP GOSPEL MUSIC
12:20	VATICAN ENGLISH PROGRAM	12:00	ANGELUS
12:40	GOSPEL MUSIC	12:05	VATICAN WORLD NEWS
3:00	CHAPLET OF DIVINE MERCY	12:20	VATICAN ENGLISH PROGRAM
4:00	BACKSTAGE	12:40	REFLECTION MUSIC
4:30	NON-STOP GOSPEL MUSIC	1:00	FIRST COMES LOVE DR. SCHOTT HAHN (EWTN)
5:00	WORLD OVER NEWS	1:30	AFTERNOON GOSPEL MUSIC
6:00	ANGELUS	3:00	CHAPLET OF DIVINE MERCY
6:05	VATICAN ENGLISH PROGRAM	3:20	NON-STOP GOSPEL MUSIC
6:30	MIRACLES OF THE CROSS	4:00	CATHOLIC JUKEBOX
7:00	HOLY ROSARY	4:30	NON-STOP GOSPEL MUSIC
7:30	CROSSROADS	5:00	SCRIPTURE MATTERS
8:00	VATICAN WORLD NEWS	5:00	ANGELUS
8:15	VATICAN ENGLISH PROGRAM	5:05	SCRIPTURE MATTERS
9:00	WORLD OVER NEWS (EWTN)	6:00	ANGELUS
10:00	BACKSTAGE	6:05	VANIMO LOCAL NEWS
10:30	VATICAN ENGLISH PROGRAM	6:10	VATICAN ENGLISH PROGRAM
10:50	NON-STOP GOSPEL MUSIC	6:30	FATIMA, HEAVEN'S PEACE PLAN
6:00	ANGELUS	7:00	HOLY ROSARY
6:05	MEDITATION/INSPIRATIONAL MUSIC	7:30	DOCTORS OF THE CHURCH
8:00	VATICAN WORLD NEWS	8:00	VATICAN WORLD NEWS
8:15	VATICAN ENGLISH PROGRAM	8:15	VANIMO LOCAL NEWS
8:35	NON-STOP GOSPEL MUSIC	8:20	VATICAN ENGLISH PROGRAM
9:00	SUNDAY EUCHARIST LIVE	9:00	TOK STRET ABOUT HMAIDS
10:30	NON-STOP MUSIC	10:00	WITH FR. JUDE
11:00	IN THE LORD'S VINEYARD	10:30	CATHOLIC JUKEBOX
12:00	ANGELUS	10:50	NON-STOP GOSPEL MUSIC
12:05	VATICAN WORLD NEWS		
12:20	VATICAN ENGLISH PROGRAM		
12:40	GOSPEL MUSIC		
3:00	CHAPLET OF DIVINE MERCY		
3:20	GOSPEL MUSIC		
5:00	SIGNS OF THE TIMES (RTA)		

Manki Morobe, Rusty Oila pairapim solo albam - Kaspar

Paulus Tali i raitim

RUSTY Oila, manki Morobe bilong liklik ples Zigori, wanpela patrol stesen bilong Morobe nau i kamap wantaim solo albam bilong em, Kaspar.

Rusty i bin bungim Wantok Niuspepa na em i autim stori bilong em olsem em i no nupela long pilai musik.

Baga nogut ya i bin stat pilai musik bilong em long ya 1982, na em i wok long pilai musik klostu samting olsem 6-

pela krismas olgeta.

Taim em i mekim gred 2 tasol long skul long Wewak, yangpela Oila i bin traim pilai gita namba wan taim.

Long 1994, em i bin pilai wantaim Nondi Home Boys, wanpela ben bilong ol boi Finsapen. Long 1996 em i bin kam long Mosbi we em i bin pilai wantaim Naglas ben bilong Nabak long Morobe yet.

Long sait bilong pilai wantaim ol sampela biknem

musik manmeri, em i no nupela man long dispela.


Em i bin save pilai wantaim ol biknem musik man olsem Allan Lee Herove na Saugas, Babus, Basil Greg, Lista Serum, Amon Serumi na K-Dumen tu.

Rusty i amamas tru olsem em i wanpela pikinini Zigori tasol long Morobe we em i wok long mekim nem olsem wanpela musik man bilong PNG.

Em i tok em i gat 4-pela hit

singsing long ol arapela tok ples olsem 'Kunana' long Rigo tok ples em i minim 'pisin'; Goi Medley, em i pairap long tok ples Gollala yet, Mr Sikere long tok ples Kairuku we i minim 'long long man', na wanpela arapela singsing long tok ples Kutubu.

Long dispela albam Kaspar, ol singsing bilong Morobe yet em Pio pio, Seboma na Duruti Mane, wanpela singsing tum-buna bilong ples.



Musik em em ya...

I GAT planti yangpela musik man na meri i wok long soim kala bilong ol long tude. Tasol ol lapun i stap yet. Save long musik bilong ol kain lain olsem dispela man ya, Buruka Tau em i moa yet. Em i stap long taim yet long musik indastri bilong PNG na em i save gut long ol kain kain stail musik bilong pairapim long piano na kibod. I gat planti manmeri i save laikim ol nupela musik bilong tude, tasol i gat planti moa i save laikim kain musik Buruka na ol arapela bikman bilong musik bilong bipo i save kamautim. Foto: JOE IVAHARIA

Maob katim 'Zero Balens'

JULIUS Maob, musik man bipo i go pas long ben Side Doors nau i gat solo albam bilong em - 'Zero Balens'.

Maob i bin stap wantaim Side Doors na ol i bin mekim tupela albam. Volum 2 bilong Side Doors em ol i katim long 2002.

Las yia long 2003, em i bin kam kamap long Pot Mosbi siti na katim dispela nupela solo albam bilong em, Zero Balens.

Maob, bilong Raikos distrik long Madang, i bin kam long Mosbi wantaim narapela man Madang Mason Kinang na tupela i bin sindaun na mekim dispela solo albam bilong em.

Em i tokim Wantok Niuspepa olsem em i bin lusim Side Doors bilong wanem em i laik givim sans long ol arapela yangpela Raikos pikinini long kam aut na mekim musik bilong ol yet.

Maob yet em bilong Suwit long Namba tu Raikos peles, na kaset bilong em i kam aut pinis na yu inap long baim long ol stua i stap klostu long yu.

Long dispela namba wan solo albam bilong em, nem bilong albam, Zero Balens em i nem bilong wanpela

bikpela singsing long dispela albam tu.

Ol arapela singsing em Kendol Siti we em i singsing stori long Kendol maket long Erima long Mosbi Siti, Papul lau, wanpela singsing long tok ples Kuanua bilong Is Nu Briten na tok pisin, Sikul Sepik, Maunten Kela Mori, Kuka Kaikai na ol arapela singsing bilong em tu, yu inap long harim.

Mason Kinang i tok em kam bung wantaim Julius long makim ol manki long Bom Sakar Ileg LLG long Madang, long kamapim gutpela musik long dispela albam, Zero Balens.

Julius na Mason tu i no lus tingting long ol manki Raikos.

Wanpela singsing bilong ol long dispela albam Yaungo, em i sut stret i go long ol manki long Sawpi-Wap Namba 2 long Saidor.

Tupela i tok olsem luk-save i mas i go long CHM sief saun enjinia Dika Dai long helpim ol long katim dispela namba wan solo albam bilong ol.

Julius na Mason i salim tu wanpela tok amamas i go long ol yut long Erima long Mosbi na ol Raikos wantok i stap long Mosbi long sapot bilong ol.

NATIONAL WEEKLY HIT PARADE

Sarere Julai 10, 2004
Twitiles i sponsa

Singsing	Musik Artis	Las Wk	Dispela Wk.
Nellien	Uralom/Moses Tau	1	1(12)
Lewa	Phi-Jay	2	2(5)
Baby Yet	Slim Buda	11	3
ToBes	Westall feat. Patti Doi	4	4(5)
704 (A Loklok NCR)	Jnr Insects	5	5(5)
Tasi	Niu Age Band	3	6
Aroma	Hobby Mates	7	7
Tangi Varea	Isles De Sound	8	8
TTB	Moses Tau	6	9
Zero Balance	Julius Maob	16	10
Jay Pee	Doggies	15	11
Kalivuvur	Patti Potts Doi	10	12
Mr Bombastic	Slim Buda	12	13
Buimo Road	Camp 7	14	14
Memories	Tidem	18	15
Lusman	Begani	13	16
Bucket	Doggies	9	17
Hanua Maurina	Oshen	17	18
Eigatue	West Kadah	0	19
Gleffy Lalokau	Hobby Mates	0	20

In	Eigatue Gleffy Lalokau	West Kadah Hobby Mates
Out	Rellimen Gungun Yeo	Niu Age Band Stunz of Smbu

EMTV GAID

Fonde
08/07/04

- 5.30 JOYCE MEYER MINISTRY
- 6.00 TODAY SHOW
- 9.00 CREFFLO DOLLAR
- 9.30 DR PHIL
- 12.30 WORLD OF WILDLIFE
- 1.00 CHALLENGER
- 2.30 WONDERWORLD
- 2.00 GOODSPORTS
- 2.30 THE WIGGLES
- 3.00 BANANAS IN PYJAMAS
- 3.30 JUSTICE LEAGUE
- 4.00 HOT SOURCE
- 4.30 Y-Kids favourite
- 4.57 EMTV TOKSAVE
- 5.00 THE PRICE IS RIGHT
- MILLIONAIRE SUPERSEASON
- 6.00 NATIONAL EMTV NEWS
- 6.30 A CURRENT AFFAIR
- 6.57 TOK PISIN NEWS UPDATE
- 6.59 LOTTO DRAW
- 7.00 CHM SUPERSOUND
- 7.57 EMTV TOKSAVE
- 8.00 SPORT SCENE
- 9.30 THE FOOTY SHOW
- 11.00 AFL FOOTY SHOW
- 1.00 EMTV NEWS REPLAY
- 1.30 NIGHTLINE
- 2.00 EMTV CLASSIFIEDS

Fraide
09/07/04

- 5.30 JOYCE MEYER MINISTRY
- 6.00 TODAY SHOW
- 9.00 MALOLO CLUB
- 11.00 CREFFLO DOLLAR
- 11.30 TOP END TOUR - 2ND TEST AUSTRALIA v SRI LANKA HI-5
- 12.30 AUSTRALIA v SRI LANKA
- 5.00 THE PRICE IS RIGHT
- MILLIONAIRE SUPERSEASON
- 6.00 NATIONAL EMTV NEWS
- 6.30 A CURRENT AFFAIR
- 6.58 NEWS UPDATE
- 6.59 LOTTO DRAW
- 7.00 TOK PIKSA
- 7.30 BURKE'S BACKYARD
- 8.30 FRIDAY NIGHT FOOTBALL



Round 18-St George Illawarra Dragons v Brisbane Broncos

- 11.00 FRIDAY NIGHT AFL
- Round 16-Collingwood v Geelong
- 2.00 EMTV NEWS REPLAY
- 2.30 NIGHTLINE
- 3.00 EMTV CLASSIFIEDS
- 7.00 BARNEY
- 7.30 PICK YOUR FACE
- 8.00 PLANET FANTA Featuring Pigs Breakfast & cartoon
- 9.30 DOWNLOAD
- 10.00 TOP END TOUR 2ND TEST AUSTRALIA v SRI LANKA
- 12.00 CAR SHOW
- 12.30 TOP END TOUR 2ND TEST AUSTRALIA v SRI LANKA

Fonde
14/07/04

- 5.00 ESCAPE WITH ET
- 5.30 FISHING NORTH AUSTRALIA
- 6.00 NATIONAL EMTV NEWS
- 6.30 AUSTRALIA FUNNIEST HOME VIDEO SHOW
- 7.30 NCDC NEWS
- 8.00 SOUTH PACIFIC MUSIC
- 8.57 EMTV TOKSAVE
- 9.00 XENA: WARRIOR PRINCESS
- 10.00 HERCULES
- 11.00 AFL Richmond vs Essendon
- 2.00 EMTV NEWS REPLAY
- 2.30 EMTV CLASSIFIED

Sande
11/07/04

- 6.20 CHIT CHAT
- 6.27 EMTV TOKSAVE
- 6.30 IN TOUCH
- 7.00 IT IS WRITTEN
- 7.30 BUSINESS SUCCESS
- 8.00 BUSINESS SUNDAY
- 9.00 SUNDAY
- 11.00 NRL FOOTY SHOW
- 12.00 BOOTS 'N' ALL
- 12.30 THEY MUST BE MAD
- 1.00 SUNDAY AFL

- Brisbane Lions v Bulldogs
- 4.00 SUNDAY FOOTBALL
- Carterbury Bulldogs v Melbourne Storms
- 6.00 NATIONAL EMTV NEWS
- 6.30 TOUCHED BY AN ANGEL
- 7.30 SIXTY MINUTES
- 8.30 SUNDAY NIGHT MOVIE: BEST IN SHOW
- 10.25 CHIT CHAT
- 10.27 EMTV TOKSAVE
- 10.30 NEWS REPLAY
- 11.00 THE PACIFIC WAY
- 12.00 PRAISE
- 1.00 EMTV CLASSIFIEDS

Mande
12/07/04

- 5.30 JOYCE MEYER MINISTRY
- 6.00 TODAY SHOW
- 9.00 CREFFLO DOLLAR
- 9.30 GOODSPORTS
- 10.00 TOP END TOUR - 2ND TEST Australia vs Sri Lanka
- 5.00 THE PRICE IS RIGHT
- MILLIONAIRE SUPERSEASON
- 6.00 NATIONAL EMTV NEWS
- 6.30 A CURRENT AFFAIR
- 6.58 TOK PISIN NEWS UPDATE
- 6.59 LOTTO DRAW
- 7.00 PRAISE
- 8.00 INSAT PNG
- 8.27 EMTV TOKSAVE
- 8.30 WHO WANTS TO BE A MILLIONAIRE The Block Special
- 9.30 CSI - CRIME SCENE INVESTIGATION
- 10.30 CHM SUPER SOUND
- 11.30 NEWS REPLAY
- 12.00 NIGHTLINE
- 12.30 EMTV CLASSIFIEDS

Fraide
13/07/04


- 5.30 JOYCE MEYER MINISTRY
- 6.00 TODAY SHOW
- 9.00 CREFFLO DOLLAR
- 9.30 GOODSPORTS
- 10.00 TOP END TOUR - 2ND TEST Australia vs Sri Lanka
- 12.00 HI-5
- 12.30 TOP END TOUR - 2ND TEST Australia vs Sri Lanka
- 5.00 THE PRICE IS RIGHT
- 5.29 NEWS BREAK
- 5.30 MILLIONAIRE SUPERSEASON
- 6.00 NATIONAL EMTV NEWS
- 6.30 A CURRENT AFFAIR
- 6.57 TOK PISIN NEWS UPDATE
- 6.59 LOTTO DRAW
- 7.00 HAUS & HOME
- 8.00 BACKYARD BLITZ
- 8.27 EMTV TOKSAVE
- 9.30 ER
- 10.30 ER
- 11.30 EMTV NEWS REPLAY
- 12.00 NIGHTLINE
- 12.30 EMTV CLASSIFIEDS

Fraide
14/07/04

- 5.30 JOYCE MEYER MINISTRY
- 6.00 TODAY SHOW
- 9.00 CREFFLO DOLLAR
- 9.30 DR PHIL
- 10.20 GRADE 7 SCIENCE
- 11.10 GRADE 7 SOCIAL SCIENCE
- 12.00 GRADE 11 MATHS
- 12.50 GRADE 11 PHYSICS
- 1.30 GRADE 11 GEOGRAPHY
- 2.30 THE WIGGLES
- 3.00 BANANAS IN PYJAMAS
- 3.30 ED EDD N EDDY
- 4.00 HOT SOURCE
- 4.30 Y
- 4.57 EMTV TOKSAVE
- 5.00 THE PRICE IS RIGHT
- \$100,000 SUPER SHOWCASE
- 6.00 NATIONAL EMTV NEWS
- 6.30 A CURRENT AFFAIR
- 6.58 TOK PISIN NEWS UPDATE
- 7.59 LOTTO DRAW
- 7.00 ANIMAL HOSPITAL
- 7.30 CELEBRITY SUPER POWERS
- 8.30 WEDNESDAY NIGHT MOVIE: FOUR WEDDINGS & A FUNERAL
- 10.27 EMTV TOKSAVE
- 10.30 SOUTH PACIFIC MUSIC
- 11.30 EMTV NEWS REPLAY
- 12.00 EMTV CLASSIFIEDS



Long PNG, yumi save laik lukautim ol dok. Yumi save givim ol kaikai na ol i save poromanim mipela gut stret. Tasol long dispela muvi, ol dok i save gat ol bikpela resis bilong ol yet long painim wanem dok em i stail tru na i win long kala bilong em. Dispela muvi em long 5-pela dok husat i save resis long ol dispela kain resis. Olgeta bai kam bung long wanpela bikpela resis. Lukim sapos yu laik lukim ol kain pani pasin bilong ol dispela dok na ol papamama bilong ol.



Nem: Santric Peter
 Krismas: 22 (meri)
 Adres: Rait Prais Auto Parts, PO Box 871, Kimbe, WNP
 Save laikim: Ridim buk, waswas long wara, danis, mitim nupela pren, lukim muvi na kukim kaikai.

Nem: Richard Mel
 Krismas: 22 (man)
 Adres: PO Box 850, Madang, Madang Province
 Save laikim: Pilai soka, go lotu, lukim TV, go raun long taun, tok pilai wantaim ol pren, raun lukim arapela provins, mekim pren wantaim arapela na senisim foto na presen.

Nem: Joe Rama
 Krismas: 17 (man)
 Adres: Yate Holy Trinity Community School, PO Box 69, Ialibu, Mendi, SHP
 Save laikim: Harim musik na mekim pren

Nem: Mathew Kepalis
 Krismas: 15 (man)
 Adres: Yate Holy Trinity Community School, PO Box 69, Ialibu, Mendi, SHP
 Save laikim: Pilai basketbol, kuk na mekim pren.

Nem: David Diwi
 Krismas: 16 (man)
 Adres: Yate Holy Trinity Community School, PO Box 69, Ialibu, Mendi, SHP
 Save laikim: Ridim buk, mekim pren na go lotu

Nem: Baptist Dapu
 Krismas: 17 (man)
 Adres: Muli Primary School, PO Box 69, Ialibu, Mendi, SHP
 Save laikim: Welkamim nupela pes, mi amamas long kisim pas na bekim.

Nem: Peter Ririma
 Krismas: 24 (man)
 Adres: Good Shepherd College, PO Box 53, Banz, Western Highlands Province
 Save laikim: Lainim nupela samting long arapela, stap pren blong olgeta na serim aida.

Masalai i giamanim yangpela meri



STORI TUMBUNA

BIPO bipo tru long wanpela ples, wanpela lapun meri i stap. Em i stap wantaim tupela tumbuna bilong em. Wanpela em liboi na narapela em meri. Masalai i bin kaikaim ol narapela manmeri long ples na tripela tasol i stap. Masalai i kaimkaim tu papamama bilong tupela pikinini.

Olgeta taim, tupela yangpela i save go sindaun long nambis na singsing long papamama bilong tupela. Wanpela taim nau, wanpela dolfin i kam klostu tru long nambis na wok long kalap kalap. Olsem na tupela brata susa i save amamas stret long lukim dispela.

Ol i stap i go i go olsem na tupela i kamap olsem bikpela man na meri. Wanpela nait, brata i tokim susa bilong em olsem long nait bai tupela i go bombom na painim pis. Bilong ol.

Na ol i no save olsem wanpela masalai i wok long stap klostu long ol na harim ol i toktok.

Nait nau, masalai i tanim i go olsem susa bilong man na i kalap i go pinis long kanu. Taim

meri tru i kam, em i lukim olsem brata bilong em i go pinis wantaim masalai. Em nau i save pinis olsem masalai bai kaikaim brata bilong em. Em i go holim tumbuna meri bilong em na ol i kra.

Taim mani sutim pis na putim insait long kanu, em i wok long pinis nating. Nait tu ya na man i no save olsem masalai i wok long daunim ol pis.

Em nau, man ya i sutim wanpela krupis na putim long kanu. I no longtaim em i harim pairap bilong krupis we masalai i wok long kaikaim.

Em nau man ya i kisim tingting pinis olsem dispela meri i no susa bilong em. Em masalai meri. Na ol kaikain tingting i kamap nau long het bilong em.

Em i kirap na tokim masalai meri long pul i go long nambis long wanem em i laik toilet. Masalai meri i hariap tru pul i go long nambis tasol em i tokim man ya long hariap. Man ya i wok long toilet na toktok long pekpek bilong em olsem sapos masalai meri i singaut, em bai tokim em olsem "mi stap." Em nau, man i ronawe i go long ples.

Tupela meri i lukim em long haus na ol i kirap nogut tru na

amamas tru. Man i kirap hariap na tokim tupela meri long bungim liklik kago bilong ol na ronawe i go kwik long nambis.

Ol i stat long singsing i go i go na lukim tupela dolfin i wok long swim i kam long nambis. Hariap tru, man i kisim wanpela rotp na givim long susa bilong em.

Em i tokim tupela long kalap long dolfin na go long ailan. Na taitim rop long wanpela bikpela diwai. Em yet bai kam bihain, em i tok. Dispela ailan i save stap klostu long bikpela ailan tasol namel bilong em i gat ol saksak na pukpuk na solwara i save raf o strongpela stret.

Masalai meri ya i wet i go i go na em i singaut tasol man ya i bekim olsem em i stap. Masalai i wet i go i go na klostu moning i bruk.

Em nau masalai meri i wokabout i go long kilim man. Taim em i singaut gen, em i harim olsem man ya i bekim long narapela hap.

Em mi kamap long dispela hap, man ya i wok long bekim long narapela sait gen. Nau masalai i save olsem dispela man em i man nating. Na em i mas ronawe pinis long en. Em i singautim olgeta masalai long bus long kam na ol bai kilim

tripela ya na kaikaim ol. Taim ol masalai i kamap long ples ol i no lukim wanpela man. Ol i lukim tasol wanpela rop i pas long wanpela bikpela diwai na i go olsem long ailan.

Mna ya i bin wokabout tasol long rop ya na hap em i taitim long diwai na narapela hap em susa bilong em i taitim long diwai long ailan.

Em i kamap long ailan na em i tokim tupela susa bilong em olsem ol masalai i wok long bihainim em tasol boi nogut ya em i save kilim em. Ol masalai ya i no isi, ol planti tru ya. Ol i wokabout long rop na ol i kam klostu long ailan nau.

Na boi nogut i sekim sekim rop na olgeta masalai i pondaun i go daun long solwara. Man, ol saksak na pukpuk aninit i no weit. Olgeta masalai i pinis. Nating.

Narapela grup masalai gen i kam wokabout i kam na ol i go daun long solwara na long maus bilong ol pukpuk na ol i pinis nating.

Em nau, tripela i kam bek long ples bilong ol na ol i stap amamas tasol.

Kimberley Bernard
 Gordons
 Nesanel Kapitel Distrik

Mi laikim helpim long wari bilong mi

Dia Laiplain

TAIM papa bilong mi i bin dai sampela yia i go pinis, mi bin promis olsem bai mi no inap marit bikos bai mi lukautim mama na tupela susa bilong mi. Olgeta poroman bilong mi i marit pinis. Na ol meri i wok long askim mi tu long marit. Mi no egens long marit tasol mi painim hat long toktok long ol meri, maski long ol toktok nating tasol. Nau mi bungim wanpela meri na mi laik serim ol tingting, askim na ol arapela samting i sut long marit.

CARING

Dia Pren

I luk olsem yu bin wokim strongpela tingting long no marit bikos long hevi i bin kamap taim papa bilong yu i dai. Wanpela samting em yu laikim helpim bilong papa long marit bilong yu na tu, bikos yu mas lukautim ol famili memba. Yu ting wanem, ol dispela samting i pasim yu tru long marit o? I gat ol arapela hauslain inap long helpim yu wantaim dispela wok? Inap yu marit na lukautim yet mama na ol susa bilong yu? Dispela em sapos meri bilong yu bai gutpela long ol. Noken lus tingting olsem dispela kain situesen i no inap long stap oltaim. Ol susa bilong yu bai groap na ol bai lukautim ol yet. Sapos mama bilong yu em i yangpela yet, em i ken marit gen. Sapos em i lapun, em bai dai yet. Yu no laikim bai mama bilong yu i dai yet na lsem gutpela pikinini, yu lukautim em. Tasol em bai ino inap stap oltaim. Mipela i laikim yu long tingting gut nau bikos ol dispela samting bai stopim yu long marit nau bai lus na wanpela de, bai yu painim olsem yu wan i stap sori. Bai yu nogat meri, nogat mama na nogat susa bikos ol tu bai marit na yu no inap long lukautim moa. Mipela i tok olsem noken marit, nogat. Tasol



yu mas wokim disisen bilong yu yet, tasol ol tingting mipela i putim long yu inap helpim yu long wokim disisen bilong yu.

I luk olsem yu tingting long marit bikos ol arapela i toktok long yu long en. Tru, long PNG taim man o meir i laik marit, i famili na hauslain i save go insait long em. Na tu, em i no gutpela long tingting long marit bikos ol narapela lain i putim tingting long yu long en. Tingim, wanpela bikpela samting em meri i narapela lain, olsem yu tasol na bai yu luksave olsem em i gutpela poroman. Na prensip bilong yutupela bai gro na bai yutupela gat strongpela laik long wanpela arapela. Na dispela laik inap pasim yutupela long marit. Fainol disisen bilong yu long dispela em yu yet i mas mekim.

Tasol i luk olsem yu no gat kliapela tingting long wanem samting yu laikim. Yu tokaut tu long wari yu gat olsem yu painim hat long toktok wantaim ol meri. O ating tru tru yu laik marit. I luk olsem yu mas wokim tripela disisen na dispela em long:

* **Yu bai ino inap marit:** noken tingting na toktok planti long dispela. Toktok gut wantaim ol meri tasol noken strongim sait bilong wokim spesel prenpasin. Wokim pani na lap taim ol poro bilong yu i tok long yu tu i mas marit.

Bai yu marit: Tru, tasol yu no inap long wokim dispela yu yet. Bai i mas gat meri na em i mas wanbel. Tasol sapos tingting bilong yu i strong long marit, yu mas toktok gut, wokim gut na soim inters long meri. Na bai yu inap long painim wanpela bai yu gat

laik tru long em, luksave na em tu bai wokim wankain long yu na famili bilong yu. Mama na ol arapela hauslain bai helpim yu long painim rait meri. Long kain man olsem yu husat i save sem long toktok wantaim ol meri, i gutpela moa sapos yu toktok wantaim sampela lain na painaut long sampela samting long en. Dispela bai givim yu save na strong long wanem kain meri na em i rait meri long yu i ken wokim pren pasin wantaim. Dispela meri i ken wok long wanpela opis wantaim yu, go long sios, hap bilong pilai na yutupela i save pinis long wanpela arapela. Sapos yu apinim olsem em i rait meri tasol yu sem long toktok long en, raitim wanpela pas i go long em. Tasol noken hariap raitim leta we yu tok yu laik maritim em o yu laik prenim em samting. Raitim wanpela gutpela leta olsem dispela w eol gutpela poroman i save raitim long wanpela arapela. Sapos em i wanpela gutpela meri, em bai toktok gut na yu bai lusim tingting long sampela ol wari yu gat long en.

Bai yu wet sampela taim moa bipo yu wokim wanpela samting long tok yu laik marit. Sapos yu yangpela yet, yu ken weit sampela yia pastaim pastaim. Taim yu weit, opim yau na ai i stap na wanpela de, bai yu painim wanpela gutpela meri husat bai yu laikim tumas na bai yu ino inap long laik wet moa. O sapos nogat, bai yu amamas long stap single.

LAIPLAIN

TOKSAVE

Sapos yu gat hevi o wari, rait i kam long Lifeline. P O Box 6047, Boroko, NCD. Yu ken ringim mipela tu long telpon namba 3260011. Mipela i no inap long autim trupela nem bilong yu long hia tasol taim yu rait long Lifeline, yu mas putim trupela nem na etres bilong yu na bai mipela i salim bekim long pas bilong yu.

Raun wantaim Kanage long olgeta wik!



KANAGE i bin gat wanpela poromeri bilong em i wok long kamapim wanpela fesen so we ol model i save werim klos na wokabaut i go kam.

Kanage i lukim long TV pinis na i algris tru long ol kain klos ol model i werim.

Taim poromeri bilong em i askim em long kamap wanpela model, Kanage i tok yes tasol. Long tingting bilong em, em i tok em sans klos bilong em long kisim bilong em yet bihain long fesen so.

Taim bilong fesen so, Kanage i dresap gut tru long ol nupela stail klos na i go aut long ai bilong ol manmeri. Man, tit bilong em i sain, ai bilong em i lait, na em i tok "Em pinis. Tumora tasol bai mi werim dispela slot na trausis i go long opis!"

Tasol nogat. Taim fesen so i pinis, ol lain i tokim em long rausim klos na givim bek. Man, klostu wanpela long ol i dai taim ol i laik go rausim klos long sikin bilong Kanage.

Em i kros pait, tasol ol i tokim em. "Yu orait o? Klos i no bilong yu long karim i go.

Em bilong yu long werim tasol na givim bek bai ol manmeri inap long baim." Man, paia bilong Kanage i dai olgeta na em i tok, "Wari bilong klos bilong yupela.

Kain klos ya ol geligeli man i save werim."

Boydle
Erima

WANPELA kandre bilong Kanage i bin go stap wok long Cairns long Australia na em i bin salim tiket i kam long Kanage long go daun lukim em. Em namba wan taim bilong Kanage long lusim PNG na go ovasis.

Em namba wan taim bilong em long kalap long ebas, bikpela balus bilong PNG yet.

Taim em i go sindaun insait long balus pinis, ol i tekov lusim Jacksons ples balus na em i silip.

Taim ol i go pundaun long Cairns ples balus, Kanage i opim ai na em i lukim wanpela man PNG i sindaun long sit klostu long en i kirap na lusim blanket bilong em i stap long sia.

Kanage i lukim nau na i singaut long em long toksave long em. Tasol nogat, bikman ya i wokabaut tasol i go long fran bilong balus.

Kanage i singaut i go nogat nau na i kisim blanket ya na ron bihainim em. Em i ron i go na holim man ya na tokim em "Hey, wantok, yu lusim blanket bilong yu long sia".

Man ya tanim na bekim "Yu olsem wanem? Blanket bilong balus ya. Ol i save givim long ol pasindia taim ol i pilim sikin i kol." Kanage kaikai tit tasol na ronawe go daun long balus.

Kakia
Godens

Kanage wantaim Bruce Lee i pait. Bruce Lee i tromoi lek tasol Kanage i save na pasim kik bilong

Bruce Lee. Kanage i tramoi han na lek i go long Bruce Lee tasol em i save gut na pasim hanlek bilong Kanage.

Bruce Lee kalap long skai na kam daun na wipim Kanage i flai i go hetwin long kotla.

Kanage rausim blut long maus bilong em na putim long maus na em i go longlong olgeta.

Em singaut wantaim ron i go long Bruce Lee na kalap.

Bruce Lee tu i ron na kalap na tupela bam long namel bilong skai. Kanage i kisim bagarap na silip long graun.

Bruce Lee i orait na sanap yet.

Kanage klostu em dai na las-win i stap long em na em i singaut long Bruce Lee. "Bluce Reeel! My ras wed", Yu kiau yull!

Na Kanage em pasim ai na dai.
Jad - Renbo

Kanage em bilong Simbu na em wanpela so-of man stret.

Long dispela de ol Ol Waghi Hellcats i pilai ben long Simbu lods na Kanage go so-of long hap bikos em save ol bois i pilai ben em ol kandere bilong em stret.

Em nau ol bois i pilaim wanpela rok en Rol musik na hariap tru Kanage flai tasol i go long kisim wanpela kum katim resa bilong Simbu long danis tasol meri yah i les tru long Kanage na tok nogat.

Man, Kanage em belhat nogut tru na em bikmaus long meri ya.

"Manayoo! Yu kam long Danis o yu kam long sindaun na was long manmeri i danis ah?" Yu wanem? Yu sekuriti bilong Simbu Lods ah?

Tasol meri yah i les tru long danis wantaim Kanage.

Kanage em bel hat moa na tokim meri yah olsem em menesa bilong dispela ben i pilai nau na em tasol i tiunim ol gita na waiarim ol spika na musik i kam on.

"Mi bos bilong dispela ben, Waghi Wailkets! Sapos mi tok STOP PILAI! Ol i bai stop pilai tasol. "Mi-Mi tasol na ol i stap!

Long seim taim em wok long holim holim ol kebol bilong emplifaia na abrus na unplagim mein plag bilong pawa na musik na lait i blakaut na olgeta manmeri i paul nabaut long danis ploa, musik bilong dram tasol i wok long pairap.

Taim Kanage i lukim olsem em i krangi pinis, isi tasol em i kam aut na bagaros em kukim i go long taun bikos em i save sapos ol kandre bilong em i painimaut olsem em tasol i kosim dispela blakaut, em bai kisim han bilong liklik kandere husat i pilai drama long ben stret.

Angra Jada-Mosbi

Kanage em bilong Maprik, liklik-ples em Kuminibus.

Em wanpela spakman tru na man bilong pret long ol tewel.

Wanpela taim em spak gut tru long Waken hotel i go traipela nait na wokabaut krungut i go long ples bilong em.

Long hap rot em baim wanpela 12-peks long blek maket na katim go long sait bilong matmat na wok-abaut i go.

Baga em pilim olsem skin bilong em i kirap nating na em pret na stat long wisel long haitim dispela pret bilong em.

Tupela kandre bilong em i save olsem Kanage em wanpela man bilong pret na ol go hait long matmat na wet istap.

Taim Kanage i lukim shedo bilong tupela i sanap i stap, em pret nogut tru na tromoi 12-peks bilong em na em tek-of i go long ples na tokim olgeta lain long ples olsem em lukim tupela tumbuna bilong bifo tru ol i bin dai na nau tewel bilong ol i sanap was long matmat i stap.

Olgeta pulim lain i go na kirap nogut long lukim tupela kandre bilong Kanage spak gut tru i stap.

Kanage em belhat na laik kilim tupela tasol ol man i holim em na tok inap. "Yu lus pinis, ol kandere i winim yu!

Em i gutpela lesson long yu inap long spak nau!

Olgeta i dai long lap.
Gaidu-Renbo

Raun wantaim KANAGE



RAUN
WANTAIM EM
TASOLI
EM WE BILONG
EM!

KANAGE EM BILONG MAPRIK NA EM WANPELA MAUSPAS MAN...



EM I SAVE MEKIM EKSEN TASOL NA OL MAN I SAVE WANEM SAMTING EM TOKTOK LONG EN...



WANPELA TAIM EM HANGERE LONG KAIKAI KULAU NA EM LAIK GOAPIM KOKONAS...




NAU EM KLAIM I GO ANTAP NA HAPWE EM ABRUS NA PUNDAUN...



TAIM EM PAIRAP LONG GRAUN, LONG FESTAIM TRU OLGETA PIPEL LONG PLES I HARIM KANAGE I TOKTOK...





ST. JOSEPH'S INTERNATIONAL CATHOLIC SCHOOL

EDUCATORS REQUIRED 2005

The School Board of St Joseph's International Catholic School, Boroko, invites qualified and experienced teachers who are dependable, dynamic, inspiring, and with Christian values to apply to teach at St Joseph's in 2005.

For some years St Joseph's has had the record and reputation of being the Primary School in the National Capital with outstanding and consistent examination results in the National Grade Eight Examinations.

Only the very best teachers need apply. The philosophy of the school is founded on Gospel values expressed in its motto "Courage to Act" responsibly at all times and, enshrined in the belief that St Joseph's is the School of Faith and Family.



DEPUTY PRINCIPAL

St Joseph's is inviting an experienced and dependable Educational leader to join its Administration Team as Deputy Principal. The Deputy Principal will play a major role of assisting the Principal in the immediate development of the school for the enrolment of Grades nine and ten students, monitoring, supporting teachers and assistant teachers and generally overseeing the day to day successful functioning of the school.

The Deputy Principal will support the Principal in the development of the Catholic ethos and the pursuit of providing quality education and academic excellence in the school.

This is an exciting opportunity for an experienced, committed Catholic educational leader with a degree in Education (or equivalent). Successful teaching experience in a Catholic school is necessary. Successful teaching of Religious Education in a Catholic School would be an advantage.

This is a senior leadership role within the school community. The ability to lead is essential.

ASSISTANT TO THE PRINCIPAL - RELIGIOUS EDUCATION

The successful applicant will have a strong personal commitment to the Catholic faith, practice and Catholic Education. Proven experience in the teaching of Religious Education in Catholic Schools is necessary. Appropriate teaching qualifications (Degree) is desirable. The ability to prepare and oversee the School's Religious Education and liturgical programmes is essential. Demonstrated Primary and Secondary classroom teaching experience is a selection criteria for this important leadership role in the school. Good communication skills with children of primary school age would be an advantage. The ability to lead is required.

ASSISTANT TO THE PRINCIPAL CURRICULUM AND PROFESSIONAL DEVELOPMENT

The successful applicant as Assistant to the Principal - Curriculum Implementation and Professional Development, being a senior leadership position in the school, will have superior management skills and outstanding leadership qualities in curriculum implementation as an experienced teacher. A Bachelor of Education University Degree is necessary. An international knowledge, experience and commitment to modern curriculum development from Grade One to Grade Eight are desirable. Proficiency in the use of modern Information

Technology packages is required. Knowledge of current trends in global education would be an added bonus for the successful applicant.

HEAD OF PRESCHOOL

The successful applicant will ideally be a committed Catholic, a dynamic educator and team leader with qualifications and experience as an Early Childhood Educator who has the capacity to guide this growing and developing popular centre.

HEAD OF ENGLISH

The successful applicant will have a University Degree or equivalent with teaching qualifications. A minimum of five years proven experience teaching English is necessary. It is desirable that English is the first language, "mother-tongue" of the successful applicant. An exciting opportunity for a dynamic, innovative teacher to join St Joseph's team of creative educators and teach the upper-primary classes. Computer literacy skills needed.

LOWER SECONDARY AND UPPER PRIMARY TEACHERS

Qualified and experienced teachers of English, Mathematics, Science, Social Science, Information Technology, Music and Drama, Home Economics, Art and Craft, Physical Education and Sports, Teacher Librarian are required. The ability and competence to teach effectively any two of the above subjects is necessary. Ten positions available.

INFANT AND LOWER PRIMARY TEACHERS

The School Board requires teachers who are seeking a vibrant, challenging and professionally rewarding teaching experience for the junior and early childhood classes. There are multiple positions available.

ASSISTANT TEACHERS

The School Board wishes to employ a number of energetic, steady Assistant Teachers in 2005. Citizen teachers who graduated since 1995 with a diploma in Primary Teaching and have an outstanding record of Professional Performance are encouraged to apply. Teachers who are skilled in teaching the infant grades would be most welcome. P.N.G Teachers Registration is a requirement. Good student management skills are necessary. Teachers who are familiar with integrated and team teaching, open classroom style and outcomes based programmes and the new P.N.G syllabi are encouraged to apply.

St Joseph's International Catholic School offers a balanced, diverse curriculum with a wide variety of co-curricular activities and programmes. Presently children are enrolled from Preschool to Grade Eight with a total enrolment of 620 children. The school will expand to Grades nine and ten in the immediate future.

St Joseph's has an effective School Board whose aim is to employ the best people, to offer them a very good salary and remuneration package, allowing them to focus on delivering the very best education in a supportive Christian Education Community. Contracts of Employment are for three years, renewable. An Education Degree is required for all Senior positions and appropriate 3 year teaching qualifications for all applications. All teachers are responsible to the clients of the school - the parents - for commitment, excellence and pastoral care. Housing is not a condition of employment. An accommodation allowance may be available to citizen members of staff who hold senior positions of leadership within the school. A prerequisite for all positions is a high level of Computer Literacy.

All positions are open to both citizen and non-citizen teachers. Citizen Primary and High School Educators with a University Degree or who will graduate this year with an Education Degree will be given preference in the selection and appointment process.

All intending applicants should contact the school for an information booklet outlining conditions, salary ranges and expectations. Completed applications, with a CV including telephone contact, and the contacts of three referees must reach the school before 28 July. Address applications to the address shown below.



The Principal
St Joseph's International Catholic School
P O Box 5784
BOROKO
Tel: 325 3733 Fax: 325 3237
Email: pmays@daltron.com.pg - joseph@daltron.com.pg

Hap Hap Nius

Fi bilong kakao bai kilim dai industri

JENEREL menesa bilong Collins & Leahy kampani, Collin Payne, i tokaut long wari bilong em olsem sapos dispela nupela kakao fektori wanpela kampani i wok long tingting long mekim i kamap long Lae, Morobe provins, bai i bagarapim kakao industri.

Mista Payne i tok olsem dispela 30 pesen fi tu we dispela kampani i laik kamapim fektori i tok em bai sasim long ol groa i antap tumas na bai kilim dai industri.

Ol man nogut i bagarapim wel paipain long Irak

SAMPELA ol man nogut i bin bagarapim wanpela paipain we i save karim wel long wanpela wel fil long noten Irak i go long wanpela wel fil long sauteri Irak.

Long de bipo long dispela birua ol i bin bagarapim wanpela narapela paipain tu taim ol i bin pairapim wan-taim bom.

Ol dispela birua we i wok long kamap long wel, namba wan risos we i save strongim ikonomi bilong Irak, i wok long bagarapim ol wok bilong nupela gavman bilong Irak long strongim ikonomi gen bihain long woa i bin kirap namel long Yunaited Stets ov Amerika na ol poro kantri bilong en long rausim bipo lida bilong Irak Saddam Hussein.

Nesenel Fiseris Atoriti karim industri i go long ol pipel

William Natera i raitim

NESENEL Fiseris Atoriti (NFA) i wok long mekim planti gutpela wok long karim industri i go long ol pipel bilong Papua Niugini stret.

Planti taim ol toktok i save kamap olsem NFA, atoriti we i save lukautim pis industri bilong kantri, i save lukluk long ol bikpela bisnis long kantri o ovasis tasol na i no save traim long kamapim industri bilong ol liklik pipel bilong kantri.

NFA i bin autim bel hevi bilong ol long ol dispela kain toktok long wanpela woksop o bung ol i bin holim bilong ol nius ripota long Pot Mosbi long toksave long ol long ol wok ol i save mekim.

Long dispela bung, siaman bilong NFA, Bamake Rumbam, i bin singaut long ol provinsel gavman long wok bung wantaim ol long kirapim o kamapim gut fiseris industri long ol provins.

Mista Rumbam i tok olsem planti taim ol lida i save toktok planti o mekim kain kain askim long wok NFA i wok long mekim long ol provins.

Em i tok olsem NFA i laik wok gut wantaim ol provins, na ol provinsel gavman i mas stretim gut ol fiseris divisen o han bilong provinsel gavman we i save lukautim fiseris long helpim long mekim wok i ron gut.

Menesa bilong Provinsel na Industri Liaison bilong NFA, Norman Barnabas, i tok wanpela we NFA i kamapim long mekim toksave long sait bilong fiseris i go kam gut namel long opis bilong ol long Pot Mosbi na ol provinsel gavman em long putim ol telepon lain na ol kompyuta we i gat intanet na emel sevis tu long ol fiseris divisen bilong ol provins.

Foapela provins we i kisim dispela kain helpim pinis em Morobe, Madang, Milen Be na Sentrel.

Mista Barnabas i tok olsem nau isi isi toksave i wok long go kam gut namel long ol dispela provins na NFA long Pot Mosbi.

I gat planti narapela projek we NFA i wok long kamapim long helpim ol pipel, wanpela bilong ol em long kamapim wanpela longlain fising wof long Kavieng.

Nawae Konstraksen Limited bilong Alotau,

Milen Be provins, i bin winim kontrak long kamapim dispela wof na wanpela liklik bris tu bilong ol banana bot long sua long en.

60 pesen bilong wok long dispela projek i pinis nau na ol pipel long hap bai kisim bikpela helpim long dispela gutpela tingting bilong NFA.

I gat planti kain projek olsem we i wok long kamap raunim kantri, sampela, tru, em ol komesel projek, o projek we NFA i laik kisim sampela mani i kam bek long en. Nogat wanpela rong long dispela, long wanem NFA i mas mekim mani long ron gut na strongim industri.

Tasol sampela ol projek em ol sosel projek, we NFA i wok long kamapim ol wof o bris maket we ol pipel i ken salim pis bilong ol, long helpim mekim sindaun bilong ol i gutpela liklik.

Dispela ol wok bilong NFA i soim tru laikim bilong ol long kamapim fising industri bilong ol liklik pipel, lukim ol pipel na ol ogenaiesen long industri i wok bung wantaim, na mekim mani we i ken stap insait long kantri yet.

Komyuniti de long rurel hap mas kamap gen - Goma

James Kila i raitim

KOMYUNITI sevis de insait long ol ples na haus lain komyuniti insait long Papua Niugini i mas kamap strong gen sapos ol pipel i laik lukim senis long ples na distrik bilong ol.

Taim dispela komyuniti sevis de i kamap ol manmeri bai helpim long bringim developmen i go insait long hap na komyuniti bilong ol na helpim ol yet, na tu gavman sevis i ken go insait long helpim sindaun bilong ol.

Koporetiv maketing na freit kodineta bilong Kopi Industri Koperesen (CIC), Bernard Goma, i bin mekim dispela toktok i no long taim i go pinis taim em i bin bung wantaim ol pipel bilong apa Bena long Isten Hailans provins.

"Taim ol manmeri long ples yet i wok na stretim rot na bris na tu klinim ples, ol yet i helpim sindaun bilong ol. Na sapos rot long rurel hap bilong ol i bagarap na ol yet i kisim savol na kroba na speid na wok, ol i helpim long bringim sevis i go long hap bilong ol," Mista Goma i tok.

Em i bin tok olsem taim ol pipel i givim wanpela de long mekim komyuniti sevis wok long ples, ating bai ples senis.

"Ol kaunsol i mas toktok strong na givim wanpela de olsem Trinde o Mande we olgeta manmeri long ples i mas lusim ol narapela wok bilong ol na traim long wok bung wantaim ol narapela haus lain na karim naip na savol na wok," em i tok.

Mista Goma i tok strong olsem dispela pasin bilong komyuniti wok long ples em bipo ol lain papamama na tumbuna long bipo kolonial taim i save mekim na ples na haus lain i save kamap gut tru.

Em i tok olsem nau yet, bihain long kantri i kisim indipendens long 1975, planti ol ples komyuniti i no sukurim dispela pasin bilong komyuniti wok. Ol i stap long laik bilong ol yet na i go tasol long wok gaden na wok kopi bilong ol yet na i no tingting long wok bung wantaim na klinim ples na stretim ol narapela bikpela projek olsem rot na bris insait long komyuniti bilong ol.

Mista Goma i save wok wantaim planti ol komyuniti insait long ol rurel hap bilong kantri. Insait long Freit Suriti program bilong CIC, em i save go aut na kisim kopi insait long rurel hap biwe nogat rot na balus tasol i save go long en.



Wanpela komyuniti long Sihereni long apa Asaro i mekim komyuniti sevis wok long stretim rot klostu long Kofena bris. Foto: JAMES KILA

Bisnis bilong groim diwai long PNG

Lukautim ol bus diwai we i stap pinis

I gat luksave olsem ol renfores flora i kam long tupela hap, wanpela long ol pan tropik rijen na narapela long sauten na Antarctic rijen.

Wanem samting i save kamapim renfores stands

Renfores i gat kain kain ol diwai na flawa. Long tropikel renfores i gat planti kain kain diwai tasol liklik i bai stap long planti hap. Bikos long dispela ol ikologis i save kolim ol renfores komyuniti ol fores taips.

Long Papua Niugini, CSIRO i bin mekim planti wok long risos sevei pablikesen bilong en long 1964 i go inap 1975 long painimaut wanem kain ol bikpela fores taips i stap long PNG.

Moa wok we i bin kamap long wanpela map, Forest Resources of Papua New Guinea - Saunders 1993, we i toktok long hap we ol bikpela fores risos i stap long PNG na bikpela bilong ol i olsem wanem. Dispela map i bin soim tu wanem kain bagarap i wok long kamap long graun long ol dispela hap o wanem wok i wok long kamap long dispela graun namel long 20

ya, 1975 i go inap 1993.

Kain vejjetesen long PNG em ol i save makim long straksarel fomesen bilong en. Ol i luksave long siksipela straksarel fomesen, fores, wudlan, savana, skrab, graslan na mangro komyuniti.

- Littoral fores
Serai fores
Swamp fores
Ol Estuarine komyuniti

Ol i mas save long wanem kain ol diwai ol i ken katim na salim na hamas bilong ol dispela diwai ol i ken katim na salim.

Insait long dispela straksarel fomesen i gat luksave long sampela ol fores taips.

Lo altitud fores long ol plain na fans aninit long 1000 mita.

Lo altitud fores long ol ap lan aninit long 1000 mita.

Low montane fores antap long 1000 mita. Montane fores antap long 3000 mita.

Drai sisenel fores.

Planti bilong ol renfores komyuniti o fores taip i gat kain kain ol diwai na flawa, tasol i gat sampela hap we wanpela diwai o flawa tasol i save pulapim wanpela renfores, tasol dispela i no save kamap long PNG.

Long ol fores we ol wanpela kain diwai o flawa tasol i save pulap long en, em planti taim ol bikpela diwai we i save pulap long ol dispela renfores, na dispela i save pulim ol lain husat i save laik long katim diwai.

Wanpela kantri we i gat ol renfores we i gat wanpela kain diwai tasol em Malaysia we i gat diwai ol i save kolim Dipterocarpaceae.

Ol lain husat i save katim diwai husat i save lukautim ol renfores olsem i save kisim taim long wanem kain ol diwai i save kamapim dispela renfores. Ol i mas save long wariem kain ol diwai ol i ken katim salim na hamas bilong ol dispela diwai ol i ken katim na salim.




Renfores i gat planti kain kain diwai na flawa

YUMI lainim pinis olsem renfores i gat planti kain kain diwai na ol arapela samting tu we i stap. Tasol ol renfores 'stand' - olsem ol i save kolim long Tok Englis - i no wankain. Ol i no save wankain long tupela as, wanpela em sapos i gat planti dispela kain flora long dispela hap o rijen na narapela em sapos dispela hap em i gutpela hap bilong ol diwai bilong dispela flora long gro.

Flora i kam long we



SAINING BILONG NAMBA WAN TEKNIKEL KOPORESEN AGRIMEN INSAIT LONG WANPELA PROVINS



Namba wan memorandum ov agrimen (MOA) namel long wanpela provins na Kakao Kokonas Institut ov PNG (CCI) na Is Sepik Provinsel Gavman em ol i sainim long namba 17 de bilong mun Jun 2004. Dispela MOA em Institut Bod Siaman Jimmy Simitab na Is Sepik Provinsel Edministreta Mista Fantson Yaninen i bin sainim long Madang Resort Hotel. Dispela MOA bai soim rot bilong wok bung wantaim namel long dispela tupela lain long promotim na karimaut wok bilong kakao na kokonas developmen insait long Is Sepik provins long 3-pela yia i kam.

Mista Simitab i autim bikpela tok tenkyu i go long Is Sepik Provinsel Edministresen long stretim dispela agrimen we em i bilip bai opim rot long gutpela wok bung wantaim long luksave long developmen bilong kakao na kokonas insait long Is Sepik provins. Em i tok long 1970s i no bin i gat sapot i kam long ol provinsel gavman long sapotim kakao na kokonas insait long planti long ol provins.

Na tu, insait long Is Sepik, mak bilong kakao i no go antap. Em i stap tasol long 2000 metrik tan long wan wan yia. Tasol long 2003 prodaksen bilong kakao na kokonas i go antap moa long mak bilong 3000 metrik tans. Kopra prodaksen long wan wan yia i stap long mak bilong 1000 metrik tans, tasol long bipo, moa long 5000 i save go aut long kantri. Long sait bilong mani i kam long ol samting i go aut long Is Sepik, i no gutpela tumas bilong wanem i nogat nupela invesmen i go long agrikalsa i stat long 1980 inap nau.

Mista Simitab i tok amamas long Angoram Kakao na Kokonas Developmen projek we i wok long promotim kakao na kokonas developmen we Membra bilong Angoram, Honorabel Arthur Somare-i bin kamapim. Dispela projek i opim rot bilong CCI long wok klostu insait long Is Sepik. Em i givim tok amamas long lukluk go het na komitmen bilong edministresen i stap na long sapotim na kamapim dispela wok bung wantaim.

Em i givim tok strong long Edministreta na ol eksekutiv bilong em olsem CCI em i wanpela ogenaisesen we inap long wok strong moa long ol ogenaisesen pastaim long en. Em i daunim pinis mak bilong mani i go aut na i kila moa long wok i mas i stap bilong tupela indastri ya na gavman. Mista Simitab i bilip olsem CCI inap long karimaut bikpela wok insait long Is Sepik Provins we i stap insait long dispela agrimen. Ol progrem aninit long dispela agrimen bai helpim tru ol smolholda groa na bai inap long lukautim ol intres bilong ol arapela lain insait long indastri tu. Em i bilip dispela agrimen bai givim bikpela helpim long provins long luksave long ol driman na developmen bilong em.

Long bekim, Mista Yaninen i tok Is Sepik provins i mas amamas long stretim dispela wok bung agrimen wantaim CCI.

Edministreta i tok ken olsem komitmen bilong provinsel gavman long dispela teknikal koporesen i kam stret long bel bilong ol! Em i tok tu olsem ol i tok orait long dispela agrimen bilong wok bung wantaim wankain olsem CCI husat i lukim olsem mani i mas stap long kamapim moa developmen.

Em i tok Is Sepik i stap samting olsem 30 yia na developmen tasol i nogat bikpela kapitel bes. Olsem na em i tok olsem i nogat mani olsem na gro insait long rurel sekta long planti provins insait long PNG i no hariap. Em yet i lukim olsem sapos i gat ol asosiesen i kamap strong, bai ol smol holda inap long mekim moa wok wankain olsem lukluk bilong Is Sepik Provinsel Gavman aninit long 4 Daimensen Polisi bilong em.

Mista Yaninen i tok strong olsem Edministresen bilong em i wok long putim kakao na kokonas i go pas long ol arapela krop bilong wanem em i laikim bai i mas i gat planti kain kain krop insait long agrikalsa sekta na i mas sanap strong. Em i bilip olsem planti toktok i kamap long vanilla long ol yia i go pinis i daunim strong bilong ol pipel bilong em. Provins i mas i gat ol samting long groim i stap sapos prais bilong vanilla i go daun olgeta. Em i tok mak bilong mani vanilla i kisim i kam insait long Is Sepik i sanap long K72 milien long wan wan yia. Dispela inap long pinis long hariap tasol, na ol pipel i mas i gat ol arapela samting bilong groim na salim long wok strong insait long agrikalsa bisnis.

Long lukluk bilong em, dispela MOA bai strongim wok bilong ol pipel long ol rurel erias, ol yangpela na ol lapun, na man na meri wantaim long wok bung wantaim. Provins-i laik apim mak bilong wok agrikalsa inap long mak bilong tupela mak bilong nau em i stap insait long 10-pela yia. I luksave olsem CCI i gat bikpela wok tu long helpim provins long luksave long dispela driman.

Long pinisim, Mista Yaninen i tok olsem dispela 'singaut' i bin kam long Is Sepik long developmen aninit long dispela wok bung wantaim i kam long 'bel' stret. Edministresen bilong em i gat bikpela tingting long go het long strongim dispela tupela indastri insait long provins.

Aninit long dispela MOA, CCI bai givim mani long wan wan yia long mak bilong K370,000 long tripela yia bilong strongim developmen bilong kakao na kokonas sab sekta insait long Is Sepik provins. Provinsel Edministresen bai givim kaunapat fanding long wan wan yia wantaim ol wok manmeri, opis na haus.

Bod ov Dairektas bilong CCI i laikim sapot na komitmen o tok promis bilong olgeta Gavana na Edministreta bilong ol arapela provins we kakao na kokonas i bikpela long bihainim rot bilong Is Sepik Provinsel Gavman long tok orait long dispela 3-pela yia wok bung agrimen wantaim Institut.

Tok Orait i kam long:

Jimmy Simitab
Siaman bilong CCI Bod

Fantson Yaninen
Edministreta bilong Is Sepik

CCI wok bung wantaim Is Sepik



• Wanpela ka wantaim ol beg kopra long baksait bilong en i ron long rot long Kokopo long Is Nu Briten provins. Nau Is Sepik i laik kirapim bek na kamapim gut moa wok bilong kamapim kakao na kopra bilong en.

KAKAO Kokonas Institut (CCI) bilong Papua Niugini na Is Sepik Provinsel Gavman i sainim wanpela memorandum ov agrimen (MOA) o pepa we i tok olsem ol i wanbel long wok bung wantaim long promotim na kamapim ol wok bilong kakao na kokonas long Is Sepik long tripela yia bihain.

Sainim bilong dispela pepa i bin kamap long Jun 17, 2004, long Madang Risot Hotel namel long bod siaman bilong institut, Jimmy Simitab, na provinsel edministreta bilong Is Sepik, Fantson Yaninen.

Dispela em i namba wan taim CCI i sainim wanpela kain pepa olsem wantaim wanpela provins.

Mista Simitab i tok em i amamas tru long Is Sepik Provinsel Edministresen long tok orait long dispela agrimen we em i bilip bai opim rot bilong wanpela patnasip o wok bung wantaim we bai stap longpela taim na lukim wok bilong developim kakao na kokonas long Is Sepik i kamap gut.

Em i tok olsem long 1970 i kam inap nau, nogat wanpela wok i bin kamap long ol provinsel gavman raunim kantri long sapotim ol developmen bilong kakao na kokonas long ol provins.

Mista Simitab i tok tu olsem bikos long dispela wok bilong kamapim kakao long Is Sepik i no bin gro na i bin stap long 2000 metrik tans long olgeta yia inap 2003 taim em i bin go antap long 3000 metrik tans.

Long sait bilong kopra, wok bilong kamapim i stap yet long 1000 metrik tans tasol long bipo taim Is Sepik i bin kamapim moa long 5000 metrik tans long ekspotim o salim i go long narapela kantri, em i tok.

Mista Simitab i tok olsem agrikalsa ekspot bilong Is Sepik i liklik yet, na nogat bikpela invesmen i bin kamap long 1980 i kam inap nau.

Em i tok amamas long wok Angoram Kakao na Kokonas Developmen projek i bin mekim long promotim ol developmen bilong kakao na kokonas.

Membra bilong Angoram, Arthur Somare, i bin kirapim dispela projek.

Mista Simitab i tok olsem dispela projek i bin kirapim skin bilong CCI na Is Sepik long wok bung wantaim.

Em i givim biknem long gutpela tingting na hat wok bilong edministresen we i stap nau long sapotim na mekim dispela wok bung wantaim i kamap.

Mista Simitab i tokim edministreta na ol eksekutiv bilong em olsem CCI i wanpela ogenaisesen we i save wok gut moa long ol narapela ogenaisesen we i bin go pas long en.

Em i tok ol i daunim ol kos bilong ol na i save gut moa long ol laikim bilong tupela indastri, kakao na kokonas na gavman.

Mista Simitab i bilip olsem CCI i ken mekim olgeta samting em i tok em bai mekim long dispela agrimen wantaim Is Sepik.

Em i tok ol progrem na teknologikal pakij ol i kamapim i bilong helpim ol smolholda na ol narapela stekholda tu.

Em i bilip agrimen bai helpim provins long kamapim long ol mak em i laik kam long en long sait bilong developmen.

Long bekim ol toktok bilong Mista Simitab, Mista Yaninen i tok olsem Is Sepik i amamas long dispela wanbel long wok bung wantaim namel long en na CCI.

Mista Yaninen i tok olsem tok promis bilong provins long dispela wok bung wantaim i kam long lewa bilong ol stret.

Em i tok olsem edministresen bai mekim kakao na kokonas namba wan moa long ol narapela krop o kaikai bilong wanem em i laik kamapim wanpela agrikalsa sekta we i gat planti kain kain krop.

Mista Yaninen i bilip olsem olgeta toktok long vanilla i no bin gutpela tumas long ol pipel bilong provins.

Provins mas i gat wanpela krop em i ken go long en sapos prais bilong vanilla i go daun, em i tok.

Em i tok olsem mani mak we Is Sepik i save mekim long vanilla olgeta yia i sanap long K72 milien.

"Tasol dispela i ken senis long wanpela nait tasol, na ol pipel i mas i gat ol narapela krop ol i ken go long en long stap yet long agrikalsa bisnis," Mista Yaninen i tok.

Em i bilip olsem dispela wanbel long wok bung wantaim bai kirapim olgeta pipel long ol rurel hap, yangpela o lapun, man o meri, long wok wantaim na helpim long kamapim provins bilong ol.

Port Moresby Soccer Association

Weekend draws

Saturday 10 July, 2004

Bisini One

Time	Division	Fixtures
0800	D2	Lus Prutz vs Cellnet
0920	W1	LBC Defence vs Sunset
1030	Y1	PS Rutz vs Cosmos
1145	WP	PS Rutz vs Guria
1305	WP	ANZ University vs Lamana
1415	Y1	Momase vs Babaka
1530	Premier	LBC Defence vs Babaka

Bisini Two

Time	Division	Fixtures
0800	P/Res	PS Rutz vs Rapatona
0920	Y1	Kurti Andra vs Rapatona
1030	W1	Masters vs PNG Gardener
1145	D2	Los Negros vs Badili Utd
1305	WP	Telikom vs Cosmos
1415	Premier	ANZ University vs Cosmos
1530	Premier	Kurti Andra vs Naniu

Sir John Guise Stadium - Oval One

Time	Division	Fixtures
0800	Y2	Ela Utd vs Sunset
0920	Y2	Jaha vs Pom School Soccer
1030	P/Res	LBC Defence vs Babaka
1145	Y2	Guria vs Bavaroko
1305	P/Res	ANZ University vs Cosmos
1415	W1	Tawala vs Mungkas
1530	D1	Ela United vs Souths Utd *

Sir John Guise Stadium - Oval Two

Time	Division	Fixtures
0800	D3	Tawala vs Korion
0920	D3	Maset vs DT Rovers
1030	D3	Nomads vs Tarangau
1145	D3	Los Negros vs Moombi
1305	D3	Momads vs Mungkas
1415	Y2	Mungkas vs Bavaroko*
1530	P/Res	Kurti Andra vs Naniu

Sunday 11 July, 2004

Bisini One

Time	Division	Fixtures
0800	Y1	Naniu vs Blue Kumuls
0920	D1	Pom United vs Ela United
1030	W1	Souths Utd vs Murat
1145	WP	WMI Momads vs Mirel Momase
1305	D1	Mungkas vs Guria
1415	D1	Manambu vs Souths Utd
1530	Premier	Meril Momase vs Blue Kumuls

Bisini Two

Time	Division	Fixtures
0800	D2	PNG Gardener vs Souths Utd
0920	W1	Naniu vs Jaha
1030	D1	Murat vs Dobo Murika
1145	WP	Rapatona vs Souths Utd
1305	D1	Sunset vs Bavaroko
1415	Y1	ANZ University vs LBC Defence
1530	Premier	PS Rutz vs Rapatona

Sir John Guise Stadium - Oval Two

Time	Division	Fixtures
0800	D2	Telikom vs Fernor
0920	D2	Jaha vs UBOG
1030	Y2	Souths Utd vs Mungkas
1145	P/Res	Momase vs Blue Kumuls
1305	D1	Dobo Murika vs Bavaroko*

* Catch up match

LAHI Soccer Association

Week Twelve Draws

Saturday 10 July, 2004

Venue: Sir Ignatius Kilage Stadium

Time	Division	Fixture
0800	U19	Eastpac PNG Power vs Unitech
0915	U23	Eastpac PNG Power vs Sobou
1030	Premier	Milne Bay Utd vs TTC Bullets
12.30	Women	Eastpac PNG vs Mungkas
1345	Premier	Unitech vs Lae Biscuit
1545	Premier	Sobou vs Guria

Venue: TTC Ground One

Time	Division	Fixture
0900	U19	Lae Biscuit vs TTC Bullets
1015	U19	Milne Bay Utd vs Mungkas
1130	U23	Guria vs TTC Bullets
1300	Women	Guria vs SP Brewery
1415	Women	Arnotts vs Unitech

Sunday 11 July, 2004

Venue: Sir Ignatius Kilage Stadium

Time	Division	Fixtures
0800	U19	Mungkas vs Murat
0915	Women	Mungkas vs Murat
1030	U23	Eastpac PNG Power vs Murat
1145	Women	Lae Biscuit vs Sobou
1300	U23	TTC Bullets vs Milne Bay Utd
1415	Premier	Murat vs TTC Bullets
1615	Premier	Arnotts vs Bismark

Venue: TTC Ground One

Time	Division	Fixtures
0900	U19	Lae Biscuit vs Sobou
1015	U23	Lae Biscuit vs Sobou
1145	U19	Milne Bay Utd vs Guria
1315	U19	Arnotts vs TTC Bullets
1430	Women	Bismark vs Arnotts
1545	Women	Guria vs TTC Bullets

Lae Football Park (Top league)

Time	Division	Fixtures
1400	Top League	Unitech vs Tarangau
1600	Top League	Guria vs Sobou



• Antap Soka eksen bilong ol meri long wiken. (Daunbilo) Em ragbi eksen long wiken. Ol foto: JOE IVAHARIA



(NATIONAL FISHERIES AUTHORITY)

P.O Box 2016, Port Moresby, NCD, Papua New Guinea
Tel: 309 044, Facsimile: 320 2061, Email: nfa@fisheries.gov.pg

PABLIK NOTIS

Dispela toksave i go long olgeta pasindia manmeri i go aut long Papua Niugini olsem National Fisheries Authority nau i givim notis long toksave olsem i gat bikpela hevi long kworantin o banis long ol sik nogut na binatang bilong ol arapela kantri na ol bikpela hap long ol abus bilong solwara i wok long go aut long kantri we i nogat tok orait long en. Olsem na ol dispela oda bai i mas i stap inap mipela i tok orait long rausim.

Wanem kain kaikai bilong solwara we yupela i karim long han i go long balus long kaikai, yupela i mas kisim i go long National Fisheries Authority bilong givim tok orait long en.

Mak bilong ol samting bilong solwara we yu inap long karim long balus bilong kaikai inap olsem;

1. Pres, o ais sifud olsem pis na kindam - wan wan manmeri inap long karim long mak bilong 5kg long wan wan kain sifud.
2. Ol abus bilong solwara we ol i drain long san olsem pis lama na sak fin - wan wan manmeri inap long karim long mak bilong 2kg long wan wan kain sifud.


Setifiket bilong kliarens na deklarisen yupela i ken kisim fri long National Fisheries Authority.

National Fisheries Authority i gat strong aninit long ACT bilong em long karimaut wok na putim ol tambu long lukaut long namba na strong bilong ol abus bilong.

Toktok wantaim National Fisheries Authority long kisim moa save na bai yu ken i klia long ol dispela samting.

Yupela i mas bihainim dispela notis inap taim we mipela i givim tok orait long rausim.

Sylvester Pokajam
Ekting Menesing Dairekta



Strong bilong ol tim i sanap olsem bihain long pilai bilong ol long Raun 17

Ol namba wan tim bilong brukim difens bilong arapela tim

Ol tim we difens bilong ol i winim ol arapela tim

Storm



Roosters



Roosters

Dragons

Dragons

Cowboys

Bulldogs

Storm

Broncos

Broncos

Ol Top Poin Skora bihain long raun 17

Pilala	Tim	Trai	Gol	Fil Gol	Poins
Hazem El Mazri	Bulldogs	6	71	-	166
Michael De Vere	Broncos	8	65	-	162
Brett Hodgson	Tigers	7	48	-	124
Andrew Walker	Sea Eagles	5	50	-	120
Josh Hannay	Cowboys	2	50	-	108
Luke Burt	Eels	6	40	-	104
Amos Roberts	Panthers	16	14	-	92
Kurt Gidley	Knights	9	27	1	91
Brett Kimmorley	Sharks	2	40	-	88
Cameron Smith	Storms	2	39	-	86


PAINIM BAL KOMPETISEN WINIM K5,000

Putim mark bilong yu long wanem hap yu ting bal i stap na sapos(X) bilong yu i stap namel long we bai i stap na bai yu winim Jackpot. Jackpot bai i go antap sapos no gat man i winim. Yu kan putim hau mas kross yu laik baim na wantaim pen putim mark bilong yu long piksa.

K5 for 5 Crosses

K10 for 20 Crosses

K20 for 50 Crosses



PAINIM BALL KOMPETISEN OLGETA FONDE LONG WANTOK NIUS

Your personal details:

Name: _____
 Address: _____
 Telephone: _____ Fax: _____

Conditions of Entry:

- Winner must produce some form of identification when receiving prize money. The judges reserve the right to reject any claimant who fails to satisfactorily prove his/her identity.
- Photocopies of this form are allowed.
- Bank Deposit slip must be with the entry.
- The judges decision will be final and no correspondence will be entered into.
- Entries will be disqualified if there is no bank deposit slip or other proof of payment fixed to entry.
- Winner agrees to be photographed for publication in the National Newspaper as proof of prize being collected.

PAYMENT DETAILS AS EASY AS: 1, 2, 3

1. Fill out your name and address
2. Deposit your money into our BSP Bank Account: 1000584580, Waigani
3. You must attach the Bank Deposit Slip (proof of payment) with entry mailed to Headhunters' Find The Ball Competition # 2, Locked Mail Bag 450, Gordons

HEADHUNTER R.F.L CLUB FUNDRAISER

Why come to Headhunter R.F.L Club?
 • CHEAP DRINKS • CLEAN • SAFE • FREE FUNDRAISING VENUE
 If you are looking for a free fundraising venue, pop in and see GARY

**Roosters
kisim Roberts**



Roberts.

NAMBA wan trai skora long NRL resis, Amos Roberts bilong Penrith Panthers nau i givim tok orait bilong em long pilai wantaim Sydney City Roosters long neks sisen.

Roberts i skorim 16-pela trai pinis long 15-pela gem long dispela sisen.

Neks yia, em bai stat wantaim Roosters long wanpela 4-pela yia kontrak.

Sief Eksekutiv bilong Roosters, Brian Canavan i amamas tru long Roberts bai go pilai long Roosters neks yia.

"Amos i soim pinis long St George na Penrith oslem em inap long skorim ol trai, em i gat bikpela spit na inap long pilai long kain kain posisen long bek lain," Canavan i tok.

"Mipela i bilip olsem Amos bai pilai

gut wantaim mipela na gem pien Ricky Stuart i kamapim pinis bilong em.

Roberts em bilong Kempsey long Nu Saut Wels not kos na em i bin joinim Panthers long dispela yia tasol bihain long em i lusim St George Illawarra.

Em i bin pilai namba wan gem bilong em wantaim Dragons long 2000 we em i bin pilai 65 gem.

"Mi sori tru long kos bilong Penrith, John Lang, bilong wanem Penrith i mekim bikpela samting bilong helpim Amos long ragbi lig pilai bilong em, na nau em i stap long wanpela mak we i gutpela tru" menasa bilong Roberts, Daryl Mather i tok.

"Mipela i no amamas olsem ol i no inap long holim em bek.

Lockyer laikim golden trai, maski long golden poin

KEPTEN bilong Kwinnslen Maroons laikim bai ol NRL bosman i mas lukluk long rausim golden poin na senisim wantaim golden trai.

Nu Saut Wels i bin winim namba wan gem long Sydney wantaim wanpela fil gol long makim namba wan golden poin win long histori bilong Origin.

Tasol Lockyer i tok olsem i mas i gat senis long dispela rul bai ol

tim i no inap long resis long fraim kikim gol nating nating.

Golden poin rul i bin kamap long origin bihain long i bin i gat dro long 2002 State of Origin.

Lockyer wantaim sampela arapela pilala na kosa i tok pinis olsem dispela golden poin em i gutpela we bilong pilai bihain long ol tim i pilai na pait strong long win.

"Mi no ting olsem i

gutpela long gem. Mipela i lukim golden poin long fes gem, na i no soim tru tru strong bilong ol tim.

Ating sapos ol i senisim i go long golden trai, em bai ol tim i pilai strong long skorim trai gen," Lockyer i tok.

Em i tok sapos bihain long 10-pela minit na i dro yet, orait, bai ol i ken go long golden poin.

Plantu i wanbel tu long dispela tingting.



Em Tim Bilong Mi

Raun 18 NRL Dro

Fraide, Julai 9 7.30pm

Win Stadium

St George Dragons V Brisbane Broncos

**Lukim dispela gem long EMTV long hap pas 8 long Fraide nait.*

Sarere, Julai 10 5.30pm

Canberra Stadium

Canberra Raiders V NQ Cowboys

7.30pm

Parramatta Stadium

Parramatta Eels V Sydney City Roosters

7.30pm

Toyota Park

Cronulla Sharks V New Zealand Warriors

Sande, Julai 11 2.30pm

Brookvale Oval

Manly Sea Eagles V West Tigers

3.00pm

Aussie Stadium

South Sydney Rabbitohs V Penrith Panthers

3:00

Sydney Showground

Canterbury Bulldogs V Melbourne Storm

**Lukim dispela pilai long 4 kilok long apinun long EMTV.*

Malolo: Newcastle Knights

Hunt makim rekot bilong Broncos

YANGPELA ful bek bilong Brisbane Broncos Karmichael Hunt nau i stap wantaim ol biknem pilaia bilong klab long bipo husat i skorim foapela trai long wanpela gem taim em i skorim 4-pela long gem long helpim Brisbane long daunim South Sydney Rabbitohs 48-28.

Hunt i makim stret namba bilong klab rekot we sempion senta bilong Broncos Steve Renouf i bin putim i stap na olpela strongpela winga bilong ol Wendell Sailor. Tupela man ya tasol em tupela Bronco i skorim 4-pela trai long wanpela gem.

Nau Hunt i namba tri.

Broncos kepten Gordon Tallis na sta hap bek Shaun Berrigan i amamasim kambek bilong ol taim ol i skorim wan wan trai, maski ol i nogat ol biknem pilaia i stap long orijin kern.

Biknem senta bilong ol Michael DeVere, husat bai lusim klab long go pilai long Inglan long neks ya i surukim namba bilong ol gol kik biang em i go winim 400 taim em i kikim sevenpela gol.

Brisbane i bin lid long hap taim 22-10 tasol Souths i bin pilai strong taim Garth Wood i skorim tupela trai bihain long em i abrusim 5-pela Broncos pilaia.



• Hunt. Stail manki bilong Broncos.

Bulldogs nekim Sea Eagles

BEK ROWA bilong Nu Saut Wels husat i no kisim luksave long gem 3, Andrew Ryan i no wari long orijin na i skorim tripela trai bilong ol Canterbury Bulldogs long givim ol win antap long ol Manly Sea Eagles 50-32.

Ryan i bin pilai strong tru long tupela gem bilong origin bilong Blues, tasol long gem tri ol i no makim em long sait.

Tasol long dispela

gem, em i pilai olsem em i pilai tas ragbi.

Hapbek bilong Manly, Michael Monaghan i bin kam bek bihain long em i no pilai siks wik na em i kisim luksave long pilai olsem kepten bilong Manly.

Tasol em tu i no bin inap long stopim ol Bulldogs taim ol i pilai strong, maski ol biknem pilaia bilong ol olsem Mark O'Meley, Willie Tonga, Steve Price na Willie Mason i no stap.

Ol i skorim 8-pela trai. Manly i skorim 6-pela tasol.

Manly i bin stat gut taim Albert Torrens i skoa long namba wan minit bilong pilai, tasol Bulldogs i bin tekop na long namba 15 minit, ol i bin lid 18-6.

Long namba 27 minit, Sea Eagles i lokim skoa long 18 taim Stewart i skoa long namba 22 minit na Kylie Leuluai i skoa long 27 minit.

Hazem El Masri i kikim tupela penelti gol na ketsim wanpela bom kik i kam long Brent Sherwin insait long 10-pela minit.

Bihain long Bulldogs i lid 26-18 long hap taim, tupela sait wantaim i skorim ol trai. Fulbek bilong Manly Brett Stewart na Bulldogs winga Matt Utai i skorim tupela trai antap long tripela bilong Ryan.

El Masri i skorim wanpela trai na 9-pela gol.



Patten.

Sharks taitim bun long stopim Knights

CRONULLA i bin pait strong tru long banisim Newcastle Knights long stopim ol long winim gem bilong tupela na

26 minit tasol i stap long gem, skoa i bin 30-26.

Difens bilong Sharks i bin strong tru taim gem i klostu pinis na em tasol i winim gem bilong ol.

Sharks i bin lid 30-10 bihain long hap taim tasol Knights i bin pilai strong na ol i skorim tripela trai insait long 8-pela minit.

Taim winga Matthew Riech i skorim namba tu long tupela trai bilong em long ful taim, ol i win.

Riplesmen huka bilong Cronulla, Michael Sullivan i bin bagarapim stret difens bilong Knights taim em i wok long ron i go aut long dami hap. Sullivan i kik-na pasim gut bal na olgeta trai ol i skorim, em i bin stap insait na kontrolim pilai.

long ful taim, Sharks i kisim tupela poin long NRL resis 34-26.

Sharks i bin lid 30-10 bihain long hap taim tasol Knights i bin pilai strong na ol i skorim tripela trai insait long 8-pela minit na taim i gat

Tupela biknem pilaia bilong Cronulla, David Peachey na lok Phil Bailey i no bin pilai na Newcastle i no bin i gat hap man bilong o long pilai Timana Tahu.

Poin Lata bilong NRL bihain long Raun 18

Namba	Klab	P	W	D	L	B	PF	PA	PTS
1	Roosters	15	12	0	3	2	460	212	28
2	Bulldogs	15	11	0	4	2	428	335	26
3	Broncos	15	10	0	5	2	399	323	24
4	Storm	15	9	0	6	2	480	296	22
5	Panthers	16	10	0	6	1	388	381	22
6	Dragons	16	9	0	7	1	438	241	20
7	Raiders	16	8	0	8	1	346	362	18
8	Sharks	16	8	0	8	1	358	424	18
9	Cowboys	15	6	1	8	2	290	296	17
10	Knights	16	7	0	9	1	365	397	16
11	Wests Tigers	16	7	0	9	1	317	384	16
12	Eels	16	6	0	10	1	345	428	14
13	Rabbitohs	15	4	1	10	2	265	481	13
14	Warriors	16	5	0	11	1	274	440	12
15	Sea Eagles	16	4	0	12	1	367	520	10

P: Pilai, W: Win, D: Dro, L: Lus, B: Bye o malolo, PF: Poin Fo, PA: Poin Agens, PTS: Poin

Lukim neks wik long moa NRL stori na poto

Bungim yangpela Aitsi long taekwondo pait

Paul Zuvani i raitim

ANTON Aitsi i wanpela bilong ol manki husat i save mekim wankain olsem ol arapela i save mekim-em i stap tasol na lukim ol arapela manmeri tasol i save pilai spot.

Tasol em yet i no save olsem wanpela taim em bai stap long taekwond skwat, makim kantri na go pilai long Saut Pasifik Gem.

Dispela luksave bilong save na strong em i gat long pait i kamap taim PNG taekwondo i makim em long go pilai long 2003 Fiji Saut Pasifik Gem bihain long em i mekim gut long Nesanel Sempionsip long 2002.


Bihain tasol em i kam bek long 2003 Saut Pasifik Gem em i winim silva medol long Desemba 203 Nesanel Sempionsip.

Aitsi nau i wanpela manki PNGTF i wok long lukluk long em i mekim nem bilong em yet na long spot insait long kantri.

Stat bilong Aitsi i joinim taewondo i stat olsem.

Em i laik long lukim piksa bilong ol biknem kungfu man olsem Bruce Lee, Jacki Chab na narapela ol masol at paitman.

Em i wok long tingting long wanem wei tru em bai kamap wan-



Aitsi i tromoi lek long birua bilong em long 2003 Saut Pasifik Gems long Suva, Fiji.

pela pait man bilong taekwondo.

Em i wari i stap na long Desemba gutpela sans bilong em i kamap taim tisa bilong Gerehu Taekwondo Klab Cratsee Tito i lukim em na askim em long joinim klab bilong em. Dispela taim em Aitsi i skul manki long Gerehu Hai Skul.

Taim em i joinim klab em i stat

long pait gut long wanem dispela i bihainim laik bilong em na olsem olgeta samting i kamap long ol pait bilong em.

Na taim em i stat long kamapim nem PNG Taekwondo Federesen i lukim save na strong em i gat long en na olsem ol i kisim em long tren aninint long program bilong ol. Dispela em long 2002.

narapela spot.

Na taim em i joinim dispela pait na i go insait long program em i lainim planti ol gutpela samting.

Em i save long kontrolim filings bilong em na i luksave olsem em i man na rispektim em yet na ol narapela manmeri.

Ol bikpela pait em i kamap na

Na taim em i joinim PNGTF dispela i opim rot bilong em na olsem em i no moa lukuk bek long joinim

pait long ol em Trenton Tropi long Melbon Epril, 2003; 2003 Saut Pasifik Gems na 2003 Nesanel Sempionsip na 2004 Ista Nesanel Sempionsip long Rabaul.

Na ol bikpela pait em bai kamap na pait long em em long 2005 Wol Sempionsip long Madrid, Spain na 2005 Esia Rijnol Sempionsip.

Toktok bilong kosa Edward Kassman husat i gol medolis bilong Saut Pasifik Gem na sekreteri jenerol bilong PNG Taekwondo Federesen i tok olsem long em: "Aitsi i wanpela gutpela man bilong pait. Em i save impruv plantri.

"Bipo long em i go pait long 2003 Saut Pasifik Gem em i kisim silva medol long Nesanel Sempionsip na olsem em i wok long pait gut yet.

"Tasol pastaim long Saut Pasifik Gem Aitsi i mekim gut tu long Melbone Olimpik Wet divison taitol pait. Dispela i bin givim strong long em long pait long Saut Pasifik Gem.

"Na bihain long dispela em i mekim gut yet long pait we long Ista i pait Nesanel Sempionsip long Rabaul na kisim gol medol.

"Em i mas daunim het bilong em na tingting long go moa yet," Kassman i tok.

"Em i inap pait gut long Saut Pasifik Gem tasol hevi long mi i wok long redim mi yet tu long dispela ol pilai na dispela i mekim mi i no givim inap taim long helpim em long ol pait bilong em.

Long dispela taim Edward wari-taim brata bilong em Ivan Kassman i kisim gol medol long divison bilong tupela.

Edward i tok Aitsi i gat strong long go moa yet long ol pait bilong em na makim kantri long ol bikpela pait.

"Bikpela driman bilong yangpela Aitsi em long mekim gut long ol pait bilong em. Na advais mi givim em em Aitsi i mas wok hat oltaim long lukim kaikai bilong hatwok bilong em. Em i no ken tingting em i gat save na strong pinis na olsem em bai sindaun tasol long kamapim ol gutpela pait. Nogat.

"Em i mas daunim het bilong em na tingting long go moa yet," Kassman i tok.

Toktok bilong ol poroman bilong Aitsi em: "Anton i save lain hariap na olsem em bai i no inap painim hat long ol pait bilong em. Em i no save pilai long taim bilong lain. Taim em i lainim samting em i laik lain gut na mekim gut samting," ol i tok.

Profile

Nem: Anton Aitsi
 De Mama Karim (DOB): 03/11/81
 Krismas: 17
 Hevi: 55 kilogram
 Longpela: 168 senti mita
 Ples: Kairuki, Sentrol provins
 Wok: Sumatin (Pot Mosbi Nesanel Sempionsip)
 Pilai: Taekwondo
 Stat pilai Taekwondo: Desemba 2003
 Klab: Mosbi Not Wes Taekwondo
 Belt: Red
 Winim bikpela pait: Gol medolis Nesanel Sempionsip, silva medol long Pasifik Gems, Fiji na silva medol 2003 Sempionsip.
 Kosa: Cratsee Tito na Edward Kassman
 Kaikai Lalkim: Epel
 Drink lalkim: Tekno.
 Narapela ol samting i lalkim mekim: Bruce Lee, Jacki Chab, Bruce Lee
 Pait: Lukluk long ol piksa bilong masol at paitman.
 Man i lalkim: Jet Li



Aitsi i kalap i go antap long nekim birua bilong em long 2003 Saut Pasifik Gems long Suva, Fiji.

PNGRFL singaut long ol lig long stretim rejistresen fi

Joe Ivaharia i raitim

PAPUA Niugini Ragbi Futbal Lig (PNGRFL) i singaut nau long olgeta ragbi lig asosiesen insait long kantri long stretim ol afiliesen pepa bilong ol wan wan lig bilong ol.

Dispela askim i kam long PNGRFL opis long Goroka bihain long dei bilong rejistresen na afiliesen i bin pas long June 30.

Jeneral Menesa bilong PNGRFL Joe Tokam i tok long bihainim mama lo bilong PNGRFL olgeta lig asosiesen husat i afliet pinis mas rejisterim olgeta pilaia na teknikal opisa bilong wan wan lig bilong ol.

Ol lig husat i bihainim lo o konstitusen bilong mama bodi bai i ken pilai long ol kompetisen aninit long lukaut bilong PNGRFL, Tokam i bin tok tu.

Long wankain taim tu Tokam i askim ol

lig husat i rejisterim olgeta pilaia na teknikal opisel bilong ol pinis long salim ol opisel rejistresen buk i go long opis bilong em.

Namel long Julai 1-7 em i taim bilong kisim kam bek olgeta opisel buk bilong ol pilaia rejistresen.

Dispela em bilong stretim rekot bilong opis long luksave long mak o namba bilong pilaia na teknikal opisa husat i rejista pinis wantaim PNGRFL, Tokam i tok.

Em i askim tu long ol lig long salim ol rejistresen buk we ol i no bin yusim i kam bek tu long opis bilong em long Goroka.

Tokam i tok sapos ol wan wan asosiesen i no mekim wok long salim ol rejistresen buk i kam bek long em bai i asua bilong ol yet long baim rejistresen fi bilong ol pilaia na opisel husat nem bilong ol i stap pinis long buk ol i holim i stap wantaim ol.

Long dispela taim tu em i toksave long olgeta ragbi lig long redim ol yet long pilai insait long nesanel klap sempionsip we bai i kamap long mun Septemba.

Wanem ragbi lig i stretim pinis olgeta rejistresen pepa bai i larim ol pilai insait long dispela sempionsip, jenerol menesa i tok.

Long narapela nius sampela ragbi lig klap long Lae i singaut i go long PNGRFL long mekim sampela wok painimaut i go insait long we Lae ragbi lig i wok long ron aninit long menesmen bilong nau.

Ol presiden bilong dispela ol klap i bin salim wanpela pas o petisen we olgeta i bin sainim i go long PNGRFL opis long las wik we i tok long dispela hevi na askim ol long stretim.

Ol i bin tokaut long sampela ol samting we ol i lukim i no stret long we ol eksekutiv bilong lig i wok long mekim i stap.

Koime kamapim tupela nupela PNG rekot

Paul Zuvani i raitim

PAPUA Niugini spidmeri Mae Koime i brukim olpela rekot na kamapim tupela rekot long 100 mita na 200 mita resis.

Dispela ol rekot em Koime i mekim taim em i kamap long ol ron long Australia long las wik.

Long 100m resis long Gold Kos Siti Etlitiks Senta dispela 20-ya meri Balmuru long Galf provins i pinis long 12.14 sekens we em i kamap namba wan. Long dispela em i brukim rekot we em yet i kamapim taim em i ron long Thailand sempionsip tupela mun i go pinis. Long Thailand resis em i kamap long 12.16 sekens.

Na long 200m resis Koime i kamap long 24.75 sekens we em i kamap namba tri ples. Dispela resis em i ron wantaim narapela sikspela ronmeri na tupela namba wan meri long Nu Saut Wels. Em i brukim 20 ya rekot- 24.82 sekens em Elanga Buala i kamapim taim em i ron long 1984 Los Angeles Olimpik Gems.

Long luksave long long mak bilong ron bilong em Papua Niugini Etlitiks Yunion ekting presiden Tony Green i tok em i amamas tru long ron bilong Koime.

Bihain long dispela Green i tok Koime bai go bek long Brisbane long Julai 15 long redim em gut long Olimpik Gem.

"Long Koime i brukim wan handed rekot dispela i no mekim mipela i kirap nogut long wanem mipela i save pinis long taim em i wok long kamapim ol gutpela ron long ANZ Stadium long Jun 26. Em i ron 12.23 long dispela taim we em i pait wantaim win liklik na mipela i save olsem dispela rekot em i inap long brukim sapos mipela i givim Koime sampela taim," Green i tok.

"Tasol 200 mita ron bilong em i namba wan tru," em i tok "Olgeta samting i poin olsem i no longtaim bai Mae i ron aninit long 25 sekens na dispela tingting i karim kaikai nau. Mi amamas tru long em.

"Maski em i no kisim trening long narapela kantri em i kisim save long ol ron em i kisim long narapela kantri. Na em i kamapim ol gutpela mak long ol resis bilong em. Dispela i soim olsem em i wok hat wantaim helpim em i kisim long kosa bilong em Naomi Polum.

Chris Rehder, bipo ronman na brata bilong PNGAU sekeri Phillip Rehder husat i lukim ron bilong Koime i tok Koime inap long go moa. "Mae (inap long go moa tasol) i wok long slow daun long taim em i laik pinis.

Tasol Green i tok dispela ol taim i no mekim Koime i Saut Pasifik Gem gol medolis yet. "Tasol em i yangpela na olsem i gat inap rum bilong em i surukim moa spid bilong em. Makelesi Bulikiobo, ronmeri bilong Fiji husat i kisim planti gol medol long 2003 Fiji Saut Pasifik Gem i stap tu long Brisbane na i kamapim wanpela gutpela Olimpik rekod taim wantaim 51.89 sekens long 400 mita resis," Green i tok.

Long setim tupela rekot long wanpela de PNGAU stasion Bob Snow i tok PNG Men Rilei tim i kamapim rekot long 1991.

Em i givim tok tenk yu long Papua Niugini Spot Federesen long givim helpim long dispela taim.

Tasol Green i tok em nidim sapat long ol long stap gut.

"Mae na Mowen Boino i stap gut long kamapim ol resis.

Long wankain taim 18-ya Anton Lui bilong Is Nu Britan bai makim Papua Niugini long IAAF Wol Junia Sempionsip long Itali long dispela mun.

Pastaim long em i go long dispela ol pilai PNGAU i tok Lui i bin kamapim ol gutpela mak bilong ron long ol resis bilong em long Australia long las wik na olsem Yunion i amamas long ol ron bilong em.

Lui husat i kamap long dispela ol resis wantaim Mae Koime i kamap long 11.01 sekens long 100 mita we em i kamap namba tri ples long sait bilong ol man.

Green i tok long las Sarere

Lui i ron long 100m resis na long Sande em i ron long 200m resis.

Em i tok Lui i gat sans long ron tupela taim wantaim Patrick Johnson em Australia nau i putim ai long em long kamap long Olimpik Gems.

Green i tok long 200m resis

Lui i kamap long 22.31 sekens. Em i kamap namba tri ples gen. "Long stat bilong dispela yia Anton i wok long ron long 23 sekens tasol nau i soim planti tenis long ron bilong em. Mipela i amamas tru long dispela ol gutpela tenis," Green i tok.



Koime mekimsave long wanpela bipo resis.

Boromas kaikaim Stingrays

Andrew Molen i raitim

POT Mosbi Boromas bai brukim bun wantaim Daru stingrays long Sarere taim ol Gaigais i malolo long Sauten Zon ragbi yunien salens bilong ol bihain long ol kaikaim ol Gaigais las wiken.

Dispela trael gem namel long tupela tim bilong makim Pot Mosbi, Boromas na Gaigais i soim pawa na strong bilong ol manki long siti.

Pilai ya i soim tu sapos ol i redi tu long sikirapim tit bilong ol wantaim ol tim bilong ol narapela provins.

Long dispela gem Boromas i bin kam bek strong long seken hap klostu long ful taim long winim gem taim ausait senta bilong ol, Keith Puarua i putim wanpela las minit trai long kona we i lukim ol i winim gem 23-19.

Ol Boromas husait i hevi moa long pek bilong ol Gaigais i kam bek na winim gem

bihain long ol Gaigais i holim lid longpela taim long gem.

Kosa bilong Gaigais, Boudi Meapo i no amamas long planti ol penolti refri i givim long tim bilong em tasol kosa bilong Boromas i tok em i amamas long olgeta pilaia bilong em.

Boromas i bin skoa pas taim skram hap bilong ol, Asi Vele-Tola i kisim tri pions long wanpela penolti kik.

Bihain Boromas i go skoa ken tasol kik i mis, winga bilong Gaigais Willie Vineval i bekim wanpela trai tasol kik bilong ol tu i no kamap long mak na dispela i mekim skoa i stap olsem 8-5.

Gaigais i go skoa ken na Gary Iga kikim go insait long putim ol long fran wantaim 12-8 skoa. Vele-Tola kisim tim bilong em i go aburum Gaigais wantaim trai bilong em long putim ol 13-12 long hap taim.

Tasol long pinis skoa em i sanap 19-18 na Boromas i win.

Soka bilong ol yangpela

Paul Zuvani i raitim

22 tim bai kamap long Papua Niugini Nesanel Men Yut soka sempionsip long Nesanel Spot Institut long Goroka we i stat long Mande yet.

I gat tupela pul long dispela sempionsip.

Pul A em ol Anda 19 pilaia we ol tim i kam long Enga, Tabubil, Madang, Lae na Wau.

Pul B i gat Kaiapit, Lahi, Goroka, Bulolo na Manus.

Long Anda 23 pul A i gat Madang, Gemo, Bulolo, Kimbe, Goroka, Mt Hagen and Pul B i gat Wau, Popondetta, Enga, Pot Mosbi, Lahi an Lae.

PNGFA ekting operesen menesa John Wesley Gonjuan i tok dispela sempionsip em PNGFA bai yusim long makim Anda 17 and Anda 20 long pilai long OFC pilai long stat bilong 2005.

Nesanel Yut kosa Wopai Ziziga bai kamap long sempionsip na makim ol pilaia.

Gonjuan i tok wok bilong redim ol sempionsip pilai i ron gut na olsem em i tenkim Goroka soka asosiesen presiden Andrew Naikabam na ol

eksekutiv long givim tok orait long lukautim dispela ol pilai.

Pot Mosbi i tok em bai salim Anda 23 tim long wanem wok bilong redim olgeta tim o sinia tim bai hat long wanem ol i gat hevi long mani.

Long Pot Mosbi tim planti bilong ol i kam long skul soka.


I gat bilip olsem ol senta olsem Pot Mosbi, Lahi, Lae na Madang bai kamap strong long dispela ol pilai. Tasol em i go moa strong na i tok olsem kain tim olsem bilong Wau, Bulolo, Goroka na Manus bai traim strong bilong ol yet.

Namba wan taim nupela Gemo tim bilong PNGFA em bai go insait go olsem dak hos.


Ol pilai bai stat wantaim Kimbe husat bai pilai wantaim Goroka Anda 23 na Enga bai kil wantaim Anda 19 bilong Tabubil.

Long ol narapela ol pilai Kaiapit tim bai pilai wantaim Lahi anda 19, Bulolo wantaim Manus na Lae wantaim Wau.

Long Anda 23 Madang bai pilai wantaim Gemo, Bulolo na Hagen, Wau wantaim Popondetta, Enga na Lae na Pot Mosbi wantaim Lahi.



WANTOK Spots



Madang, Manus na Wau soim trupela kala long PNGFA tonamen

James Kila i raitim

TUPELA liklik senta Manus na Wau i soim trupela kala bilong soka stret insait long PNG Futbol Asosiesen anda 23 na anda 19 tonamen nau i wok long kamap long Nesinol Spot Institut.

Ol stail manki bilong solwara long Manus i soim olsem ol i masalai lain bilong soka taim anda 19 tim bilong ol i winim namba wan gem bilong ol egensim Bulolo 9-0.

Long anda 23 divison Madang i soim yet pawa bilong em taim em i winim tupela fes gem bilong em. Em i winim Goroka 4-1 and bihain pait hat wantaim Bulolo long win 1-0.

Ol oganaisa bilong dispela tonamen long anda 23 na anda 19 i tok ol i amamas long wei ol pilai i wok long go na tu i amamas long ol tim husat i kamap long pilai.

Ol tim i kam long Madang, Goroka, Bulolo, Kimbe, Gemo (Sentrol provins tim), Wau, Lahi, Enga, Popondetta na LFA. Pot Mosbi, Kaiapit na Tabubil husat i tok long kamap long ol pilai i no kamap.

Ol pilai i stat long Mande na bai pinis long tumoro.

Kodineta bilong tonamen John Wesley i tokim Wantok Spot olsem tupela tim em Popondetta na Gemo tim bilong Sentrol provins maski i bin kamap long Goroka bihain liklik taim ol pilai i stat long Mande moning i go insait long ol pilai stret na i bin kamapim ol gutpela pilai tu.

Em i tok dispela sempionsip long Goroka em PNG Futbol Asosiesen yet i sponsarim. Ol ples bilong slip na kaikai em wan wan ol tim yet i lukautim ol yet.

Olgeta pilai bilong anda 23 na anda 19 tonamen i kamap long foapela pilai graun bilong Nesinol Spot Institut.

Insait long dispela sempionsip i gat sevenpela tim olgeta i pilaio long anda 19 divison. Ol tim i kam long Madang, LFA, Wau, Lahi, Goroka, Bulolo na Manus.

Na long anda 23 divison ol tim i kam long Madang, Goroka, Bulolo, Kimbe, Gemo, Wau, Lahi, Enga, Popondetta na LFA.

Wesley i tokaut olsem ol pilai bilong tupela divison i bin stat long Mande na i bin ron orait tasol.

Em i tok ol i no harim sampela hevi i kam long ol tim long pilai bilong ol o long stap bilong ol.

Blues i blowap!! 36 - 14



• Filtler i mekim las pawa trai bilong em long pinisim gut pilai bilong em long Stet ov Orijin gem. Klostu long gol maus bilong Maroons lockyer i laik kikim bal i go aut tasol hariap tru Filtler i bin kalap na pasim bal long han na karim i go stret long gol maus bilong Maroons long faiv minit tasol i lep long fultaim. Ol Blues i winim nambawan 3 Orinjin gem long yia 2004. Skoa em 36 - 14.

Waliya na Brothers bai pait long kisim nambawan ples

Paul Zuvani i raitim

DEFENING sempion Post Waliya na Brothers bai pait long kisim namba wan ples taim tupela i takol long mein gem bilong Pot Mosbi ragbi lig pilai long dispela Sande.

Waliya i bin go pas long kompetisen tasol lus bilong ol long Tarangau long las wik i lukim Brothers i holim pas ol long go pas tu namba wan ples.

Tupela nau i serim 26 poin tasol Waliya i go pas long trai evareg. Bihain long tupela em Dobo Warriors wantaim 25 poin, Souths 23, Kone Tigers 20 na Hawks na Tarangau long 16 poin. Bihain long dispela top siks tim em DCA na Royals long 15, Magani 13, West 11 na ron bihain tru em Paga Panthers 4.

Long pilai pilai bilong Waliya na Brothers dispela bai wanpela gutpela gem long ol manmeri i lukim long wanem tupela tim bai kamapim olgeta save, strong na kala bilong tupela olsem husat bilong tupela i tru tru namba wan tim bilong kompetisen.

Tupela tim wantaim i gat ekspiriens, save bilong difens na atek na i save long ronim bal. Tupela wantaim i inap long winim pilai tasol tim husat i no mekim planti asua bai kamap wina.

Waliya i winim Brothers long sait bilong spid. Sapos Brothers i inap long banisim ol long ron ol i gat gutpela sans long win.

Brothers kosa David Galus husat tim bilong em i winim Magani 28-20 bai lukluk long skruim yet dispela ron bilong ol. Na long karim aut tingting bilong em em bai nidim faiv-eit na kepten Richard Sinamoi

long go pas long tim. Sinamoi bai nidim sevis long hap bek Tony Mote long mekim gut ol kik na long ol prop Raymond Karl na Eddie Wamp long go pas long fowet. Ol manki Hagen i save long win na ol bai lukluk long win tasol.

Long sait bilong Waliya ol i gat kosa husat i save long mekim ol tim i win na olsem ol pilaia tu i gat nem bilong pilai tu.


Kosa Chris Enara i gat ol gutpela pilaia olsem winga Ricky Sibiya na brata bilong em na hap bek Dickson Sibiya, faiv-eit Stanley Hondia na prop na kepten Joe Sil long go pas long pilai.

Sil husat Pot Mosbi ragbi lig opis i bin saspenim em sampela taim i go pinis i mas pinis long dispela saspensen taim bilong em na nau i redi long karim tim i go pas gen.

RAMU SUGAR ... EM I SWIT MOA

RAMU SUGAR
'Naturally Sweet'

Ramu Suga nau ikam long yu long niupela paket. I gat nau long 250g, 500g and 1kg paket. Painim niupela paket long stoa klostu long yu.



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.